

गुजरात पुरातत्त्वमन्दिर ग्रन्थावली

प्राकृत कथासंग्रह

(प्रथम भाग—मूल पाठ)

संपादक—

मुनि जिनविजय

(आचार्य, गुजरात पुरातत्त्व मन्दिर)



गुजरात पुरातत्त्व मन्दिर

अ म दा वा द

विक्रम संवत् १९७८

प्रथमावृत्ति ति १९००] * * [किंमत १२ आना

प्रकाशक—

रसिकलाल छोटालाल परीख
मंत्री, गु० पुरातत्त्व मन्दिर,
अमदावाद.

—१९५५—

मुद्रक—

केशव रावजी गोंधळेकर,
'नगद्वितीच्छु' प्रेस, ९०७, शनिवार पेठ, पुणे.

પ્રાસ્તાવિક નોંધ



ગુજરાત વિદ્યાપીઠ દ્વારા પ્રસ્થાપિત આર્યવિદ્યામન્દિરના અમ્યાસ-ક્રમમાં સંસ્કૃત સાથે પાલી અને પ્રાકૃત ભાષાના સામાન્ય અમ્યાસને પણ આવશ્યકીય સ્થાન આપવામાં આવેલું હોવાથી, એ મન્દિરના વિદ્યાર્થિયોને પ્રથમ વાર્ષિક અધ્યયનમાં પ્રાકૃત ભાષાનો સાધારણ પરિચય કરાવવામાટે આ ‘પ્રાકૃત કથાસંગ્રહ’ તૈયાર કરવામાં આવ્યો છે.

અહિં પ્રાકૃત ભાષાર્થી તે ભાષા સમજવાની છે, જેને ભાષા-શાસ્ત્રિયો ‘મહારાષ્ટ્રી પ્રાકૃત’ કહે છે, અને જેમાં મોટે ભાગે જૈનધર્મ-નું પ્રાચીન સાહિત્ય પ્રચિત થઈ હોઈ, જેનું સંપૂર્ણ વ્યાકરણ ગુજરાતના પ્રસિદ્ધ જૈન વિદ્વાન્ આચાર્ય શ્રીહેમચન્દ્રે પૌતાના સિદ્ધહેમશબ્દા-નુશાસન નામના વ્યાકરણ ગ્રન્થના અષ્ટમ અધ્યાયના પ્રારંભમાં આપેલું છે.

આ સંગ્રહમાં આવેલી કથાઓ મૂળ ઉત્તરાધ્યયન નામક જૈનસૂત્રની દેવેન્દ્રગણી ઝૂર્ક નેમિચંદ્ર સૂરિકૃત ટીકામાં આવેલી છે. એ ટીકાકાર વિદ્વાન્ વિક્રમની ૧૨ મી શતાબ્દિમાં થઈ ગયા છે. તેમણે એ ટીકાની રચના ગુજરાતની ગૌરવશાલી રાજવાની અણહિલપુર પાટણમાં કરેલી છે.

આ કથાઓમાંની ૧ લી કથા જર્મનીના વિદ્વાન ડૉ. ફિકે *Eine Jainistische Bearbeitung der Sagar-Sage* નામના નિબંધમાં આપેલી છે, અને બાકીની કથાઓ તેજ દેશના પ્રસિદ્ધ પण्डित ડૉ. હર્મન જેકોબીએ *સાસ પ્રાકૃત ભાષાના અમ્યાસ માટે જ તૈયાર કરેલા Ausgewählte Erzählungen in Mähārāshtrī : Zur Einführung in Das Studium Des Prakrit* એ નામના પુસ્તકમાં છપાવેલી છે.

अनुक्रमणिका



१. सगरसुअ-कहाणयं	पृ. १
२. उदायण	८
३. सणकुमार	१७
४. वम्मदत्त	२९
५. मूलदेव	५६
६. मंडिय	७०
७. अमढदत्त	७२

॥ णमो त्थु णं समणस्स भगवओ महावीरस्स ॥

प्राकृत कथासंग्रह



सगरसुअ-कहाणयम ।

अत्थि अओज्झा नयरी । तीए इक्खागकुलुब्भवो जियसत्त
राया । तस्स च सहोयरो सुमिच्चविजओ जुवराया विजयाजसमई-
ओ य ताण भारियाओ । विजयाए चोदसमहासुमिणसूइओ पुत्तो
उववत्तो आजिओत्ति नाम वीयतित्थयरो । जसमतीए वि वीयचक्क-
5 वट्ठी सगरो उववत्तो । पत्ता ते जोव्वणं परिणाविया उत्तमनरिन्द-
दुहियाओ । कालेण य जियसत्तुरण्णा ठविओ नियरज्जे अजियकुमारो,
सगरो जुवरज्जे । अप्पणा य ससहोयरेण दिक्खा गहिया । आजिय-
राया वि तित्थपवत्तणसमए ठविऊण रज्जे सगरं निवसन्तो । सगरो
वि उपत्तचोदसरयणो साहियछखण्डभारहो पालेइ रज्जं । जाया
10 य तस्स सूरणां वीराणां पुत्ताणं सट्ठी सहस्सा । तेसिं जेट्ठो
जण्हुकुमारो । अन्नया तोसिओ जण्हुकुमारेण कहवि सगरो ।
भणिओ तेण 'जण्हुकुमार, वरसु वरं!' तेण भणियं
'ताय, आत्थि मम अभिलासो, जइ तुव्वेहिं अणुत्ताओ चोदसरयण-
समेओ भाइवन्धुसंजुओ वसुमई परिब्भमामि । पाडिवन्न राइणा । सव्व-
15 बलेण य पसत्थमुहुत्ते निगओ सव्वसहोयरसमेओ । परिब्भमन्तो य अणेगे
जणवए पेच्छन्तो गामनगरागरसरिगिरिसरकाणणाइं पत्तो अट्ठावय-
गिरिं । हेट्ठा सिविरं निवेसिऊण अरूढो उवरिं । दिट्ठं भरहनरिन्द-
कारियं माणिरयणकगमयं चउवीसजिणपटिमाहिट्ठियं धूमसयसं-
गयं जिणाययणं । वन्दिऊण य जिणिन्दे पुच्छिओ मन्ती 'केणेयं

मुकयकम्पुणा अइसयरमणियं कारियं निणभवणं ? ' कहिओ तेण भरहवइयरो । तं सोऊण भाणियं जणहुकुमारेण 'निरुवेह अन्नं अट्ठा-
वयससरिसं सेलं, जेण तत्थ चेइयहरं कारवेमो ' । निउत्तपुरिसेहि य
समन्तओ निरुविऊण साहियं जहा 'नत्थि देव एससो अन्नो गिरी ' ।

5 तेण भाणियं ' जइ एवं ता करेमो एससेव रक्खं, जओ होहिन्ति
कालेणं लुद्धा सदा य नरा । आहिणवकारावणाओ य
पुब्बकयपरिपालणं वरं ' । तओ सत्वे वि सगरइत्ता
दण्डरयणं गिण्हित्ता समन्तओ महीहरस्स पासेसु ते लम्मा खणिउं,
तं च दण्डरयणं सहस्सं जोजणाणं भिन्दिऊण पत्तं नागभवणेसु ।

10 भिज्जाइं ताइं । तं च अच्चब्भुयं पेच्चन्ता भीया नागकुमारा सरणं
मममाणा गया जलणपभनागरायस्स समीवं । साहिओ वइयरो, सो
वि संपन्तो उट्ठिओ ओहिणा आभोएत्ता आसुरत्तो समागओ सगर-
सुयसगासं, भाणियं च ' भो भो, किं तुब्भेहिं दण्डरयणेण महिं
भिन्दिऊण कओ भवणभिन्दणेण उवदवो नायलोयस्स ? ता अप्पव-

15 हाय तुब्भेहिं कयमेयं, जओ

अप्पवहाए नूणं होइ वलं उत्तुण्ण भुयणम्मि ।

नियपक्खवळेणं चिय पढइ पयक्को पईअम्मि ॥,

तओ तस्स उवसामणानिमित्तं भाणियं जणहुणा भो ' नागराय, करेसु
पसायं, उवसंहरसु संरम्भं, त्रमसु अम्ह अवरहं एयं । न अम्हेहिं

20 तुम्होवदवानिमित्तमेयं कयं, अट्ठावयचेइयरक्खट्ठा परिहा कया एसत्ति ।
न पुणो एवं काहामो ' । उवसन्तकोवो गओ सट्ठाणं जलणपभो ।

तम्मि य गए भाणियं जणहुकुमारेण ' एसा परिहा दुल्लङ्गा न सोहए
जलविरहिया, ता पूरेमो नीरेणं ' ति । तओ दण्डरयणेण गद्धं भिन्दि-
ऊण आणियं जलं । भरिया परिहा । पत्तं तं नागभवणेसु जलं ।

25 जलप्पवाहसंतत्तं नायनाइणीजणं पलायन्तं पोच्छिय पउत्तोवहिको-
वाणलपलित्तमणो आसुरत्तो जलणप्पभो भाणिउं पयत्तो ' अहो महा-
पावाण जइ तेसिं अणुकम्पाए खमिओ एकसिं अवरहो मए, तो
तेहिं अदिपयरं उवदवं काउं आदत्तं अग्गं । अहवा दण्डेण चेप

नीयाणमुवसमो, न सामेणं । ता दंसेमि संपइ अविणयफलं' ति । पेसिया तत्थ हणणत्थं नयनाविसा महाफणिणो । तक्खणं चिय नीहरिउण तेहिं नलन्तनयनेहिं पलोइया समाणा भासरासीभूया सत्वे वि सगरसुया ।

- 5 तं पेच्छिय जाओ हाहारवगग्भिणो महाकन्दो सिविरे । विमुक्क-
केसाओ भग्गवल्याओ तोदियहारल्याओ हा देव, देव ति पलव-
न्तीओ लोलन्ति महीए अवरोहजुवईओ एवं विलवमाणं संठवियं
सेलं मन्तिणा जहा ईइमो पेव असारो संसारो, अणिवरिणज्जो
दिव्वपरिणामो । किं एत्थ बहुणा विलवणेणं । कज्जे मणो दिज्जइ,
10 न सोयाणिज्जा कुमारा, जओ बहुतित्थवन्दणेणं, इमस्सजिणालयस्स-
रक्खाकरणेण बहुजणोवयारेण य उवज्जियसुहकम्मा । तेणदिज्जउ
सुरियमेव पयाणयं, गच्छामो महारायसमीवं । अणुमन्नियं च
मन्तिवयणं, सत्वेहि यि दिस्सं पयाणयं । कमेण पत्ता नियपुरमासलं
सामन्ता, सत्वेहि य मन्तियं तत्थ 'कहमिमं रायस्स कहिउं पारीयइ,
15 जं कुमारा सत्वे एक्कपए पेच्छन्ताणं पेव अम्ह दट्ठा, वयं च
अक्खयदेहा समागया । लज्जाकरमेयं, ता पविसामो सत्वे पेव
जलन्तजलणं' ।

एवं तेसिं मन्तन्ताणं समागओ एगो दिओ, मणियं च तेण
'किमेवमाउलीहूया, मुच्चह विसायं, जओ न संसारे किंचि सुहम-
20 सुहं वा अच्चम्भुयमत्थि, भाणियं च

कालम्मि अणाईए जीवाणं विविहकम्मवसंगाण ।

तं नात्थि संविहाणं संसारे जं न संभवइ ॥

- अहं साहेमि राइणो इमं वइयरं' । पडिवन्नं तं तेहिं । तओ सो
अणाहं अण्डयं भेत्तूण 'हा मुट्ठो मुट्ठो' ति कल्लुणं वाहरन्तो
25 गओ रायदुवारं । निसुओ राइणा तरस विलवणसद्धो । वाहराविओ ।
'केण मुट्ठो सि' ति पुच्छिओ वुत्तन्तं । तेण आणियं 'देव, एस एक्को
पेव मे मुओ । अहिणा दट्ठो य इमो जाओ निचेट्ठो । ता काऊण

करुणं जीवावहे इमं । एयम्मि अवसरे पत्ता तत्थ मन्तिसामन्ता,
 पणमिऊण उवविट्ठा अत्थाणे । नरिन्देण य आणत्तो वेज्जो 'कुणसु
 निव्विसमेयं' । वेज्जेण मुणियनरिन्दसुयमरणेण भणियं 'जम्मि गोत्ते
 5 कुले वा कोइ न मओ, जइ ताओ भूई आणिज्जइ, ता जीवावेमि
 तीए इमे' । मगिया दिएण भूई जाव, सहस्ससो घरे जायाइं बन्धु-
 मरणाइं । साहियं 'देव, नत्थि विज्जोवदित्थो भूइए लम्भो' । राइणा
 भणियं 'जइ एवं, ता किं नियपुत्तं सोएसि ? सच्चतिहुयणासाहारण-
 मिमं मरणं, भणियं च

किं अत्थि कोइ भुवणम्मि जस्स जायन्ति नेव पावाइं ।

10 नियक्कम्मपरिणईए जम्पणमरणाइं संसारं ?

ता माहण, मा रुयसु, मुच्च सोयं, कज्जं चिन्तेसु, कुणसु अप्पहियं,
 जाव न तुमं पि एवं कवल्लिज्जसि मच्चुसीहेणं' । विप्पेण भणियं
 'जागामि अहमेयं, परं पुत्तामन्तरेण संपइ चेव मे कलक्खओ होइ ।
 दुहियाणाहवच्छलो अप्पदिहयपयावो सयलपयापाल्लणनिरओ देवो,

15 ता देसु पुत्तजीवावणेण भाणुसभिकत्वं' । रत्ता भणियं 'भइ, असक्कप-
 दियारं विहिदिलसियं । भणियं च

सीयन्ति सच्चसत्थाइं एत्थ, न कमन्ति मन्ततन्ताइं ।

अदिट्ठपहरणम्मि य विहीहम्मि किं पोरुसं कुणउ ? ॥

ता परिच्चयसु सोगं, करेसु परलोगहियं । मुखो चेव करेइ हिए

20 नट्टे, मए वा सोगं' । विप्पेण भणियं 'महाराय, जइ सच्चमेयं, न
 कायज्जो एत्थ आणएण सोगो, ता तुमं पि मा करेज्जसु सोगं ।
 असंभावणिज्जं तुम्ह सोयकारणं जायं' । तओ संपन्तेण रत्ता पुच्छियं
 'भो विप्प केरिसं सोयकारणं ?' विप्पेण भणियं 'देव, सट्ठि पि तुह
 सुयसहत्ता कालगया, । सोऊण इमं राया विज्जुप्पहारहओव

25 नट्टेयणो सिंहासणाओ मुच्छाविहल्ललो निवडिओ धराणिविट्ठे ।
 मुच्छावसाणे सोगाऊरियमणो मुक्कण्ठं रोविऊण पलावे
 काउ . आदत्तो 'हा पुत्ता, हा हिययदइया, हा बन्धुवट्ठहा, हा
 मुसहाणा, हा विणीया, हा सयल्लगुणनिहिणो, कत्थ

- मं अणाहं मोत्तुण तुब्भे गया ! देह मे सुब्भ विरहदुट्ठस्स दंसणं ।
 हा निग्घिण पावविहि, एक्कपए चेव सत्त्वे ते नालए संहरन्तेण किं
 तए अप्पणं पूरियं ! हा निटुरहियय, किं न फुट्ठासि असज्जसुयम-
 रणदुक्खसंतत्तं पि किं न वच्चासि सयस्सण्डं । एवं च विल्वमाणो
 5 मणिओ तेण विप्पेण 'महाराय, संपइ चेव ममोवइसासि संसारा-
 सारयं, ता किं अप्पा गच्छसि सोयपरवसत्तं ! अहवा
 परवसणम्मि सुट्ठेणं संसारानिच्चयं कहइ लोओ ।
 नियवन्धुजणविणासे सव्वस्स एव चलइ धीरत्तं ॥
 दुसहं च एगवन्धुस्स वि मरणं, किं पुण सट्ठीए पुत्तसहस्साणं ।
 10 तंहा वि

सम्पुरिसाच्चिग वसणं सहन्ति गरुयं पि ताहसेकरसा।
 धराणिच्चिय सहइ जए वज्जनिवायं, न उण तन्तू ॥
 अओ अवलम्बेसु धीरयं । अलमेत्थ विलाविण्णं, जओ
 सोयन्ताणं पि नो ताणं, कम्मवन्धो उ केवल्लो ।

- 15 तो पण्डिया न सोयन्ति जाणन्ता भवरुवयं ॥
 एवमाइवयणाविन्नासेण संठविओ राया विप्पेण । मणिया य तेण
 मन्तिसामन्ता 'साहेह जहा वत्तं राइणो' । साहियं च तेहिं पगलन्त-
 वाहनजेहिं । समागया पहाणपउरा, धीराविओ सव्वेहि वि राया ।
 कयमुच्चियकराणिज्जं ।

- 20 एत्थान्तरे पत्ता अट्ठावयासन्नवासिणो जणा । पणयासिरा विन्नवेन्ति
 जहा 'देव, जो तुम्ह सुएहिं अट्ठावयरवखणत्था आणिओ गद्धजल-
 प्पवाहो, सो परिहं भरिउण आसन्नगामनगरे उवइवन्तो पसरइ ।
 ता ते निधारेउ देवो, नत्थि अन्नस्स तन्निवारणसत्ती' । राइणा
 मणिओ मगीरही नियपउत्तो 'वच्छ, दण्डरदणेण नागरायं अणुत्त-
 25 विय नेसु लयहिम्मि गद्धं' । सो वि गओ अट्ठावयं । अट्ठमत्तेणा-
 राहिओ नागराया आगओ कयभीसणभुयद्धहारवेउरो । मणइ
 'किं संपादेमि !' मगीरहिणा मणियं पणामपुब्बयं 'तुम्ह पसाएण

सगरसुभ कदायणम्

- नेमि गङ्गं समुदे, उवद्दवो महन्तो लोयस्स । नायराएण भणियं
 'विगंयभओ करेसु समीहियं, निवारिस्सामि अहं भरहणिवासिणो
 नागे' ति भणिऊण गओ नागराया । भगीरहिणा वि कया नागाणं
 नलिकुसुमाईहि पूया । तप्पभियं च नागबलिं कुणइ लोओ । राय-
 5 सुओ वि गङ्गमागरिस्सन्तो, दण्डरयणेण भञ्जन्तो बहवे थलसेलवणे
 जणानाहाए पत्तो पुव्वसमुदं । जत्थावयारिया मेण्हन्ती अणेगाइं
 नइसहस्साइं गङ्गा, पुणो वि विहिया तत्थ बली नागाणं । जत्थ
 य सागरे मिलिया गङ्गा, तत्थ गङ्गसायरतित्थं जायं । अज्ज
 वि तं लोए विस्खायं । गङ्गा वि जण्डुणा आणीयत्ति तेण जण्हवी
 10 नाया, भगीरहिणा विणीयत्ति तेण भागीरहिति । सो वि नागेहिं
 मिलिऊण पूइओ गओ अओज्जं । पूइओ राइणा तुट्ठेण, ठविओ
 नियरज्जे । अप्पाणो य निक्खन्तो अनियनिणसगासे, सिद्धो य ।
 अन्नया प्राच्छिओ भगीरहिराइणा अइसयनाणी 'भगवं, किं कारणं
 जण्डुपमुहा ते सट्ठिं पि कुमारसहस्सा सममरणा संजया?' भगवया
 15 भणियं 'महाराय, एगया महन्तो सङ्घो चेइयवन्दणत्थं सम्मेयपव्वए
 पट्ठिओ, पत्तो य अरण्णं उलहिऊण अन्तिमगामं । तन्निवासिणा
 सव्वनणण अणारिएणं अचन्तमुवद्दविओ दुव्वयणनिन्दणेणं वत्थन्न-
 घणाहरणच्छिन्दणेण य । तप्पच्चयं च बद्धमसुहं महन्तं कम्मम-
 20 जणं । इयरजणस्स निरवराहस्स परिकिलेसणं महापावहेऊ, किं पुण
 एरिसधम्मियणस्स । ता जइ सागयपट्ठिवत्ति, इमस्स न सक्केह
 काऊं, ता उवद्दवं पि ताव रक्खेह' ति भणिऊण निवारिओ सो
 गामजणो, गओ य सङ्घो । अन्नम्मि य दिणे तन्निवासिणा एगेण
 नरेण रायसान्निवेसे चोरिया कया । तन्निमित्तेण रायनिउत्तेहि पुरिसे-
 25 हिं दाराइं पिहेऊण सो गामो पलीविओ । तया य सो कुम्भयारो
 सयणेहिं निमान्तिओ गाममन्नं गओ आसि । दट्ठा य तत्थ सट्ठिजण-
 सहस्सा, उववन्ना पराडवीए अन्तिमगामे माइवाहत्ताए ते सन्ने,

कोदवियत्ति जाओ लोए भणन्ति । कहिं चि तत्थागओ करी,
तच्चलणेण महिया ते । तओ नाणाविहासु दुक्खपउरासु कुजोणिसु
परिममिऊण सुइरं, अणन्तरं भवे किंपि कऊण तहाविहं सुहकम्मं,
उववन्ना सगरमुयत्ताए सट्ठि. पि सहम्सा, तक्कम्मसेसवसेण य पत्ता
५ इमं मरणवत्तणं । सो वि कुम्भयारो नियआउवत्तए मरिऊण जाओ
एगम्मि सान्निवेसे घणसमिद्धो वणिओ। तयणन्तरं कयसुकयकम्मो संजाओ
मरिऊण नरवई । सुहाणुबन्धसुहकम्मोदएण पडिवन्नो मुणिधम्मं,
काऊण य कालं गओ सुरलोयं । तत्तो चुओ जण्हुसुओ जाओ सि
तुमं 'ति । इमं च भगीरही सोऊण संवेगमुवगओ भयवन्तं वन्दिऊण
सभवणं गओ ।

उदायण

७२६

- तेणं कालेणं तेणं समएणं सिन्धु-सोवीरेसु जणवएसु वीयमए
नामं नगरे होत्था; उदायणे नाम राया, पमावई देवी । तीसे
नेट्टे पुत्ते अभिई नाम नुच्च-राया होत्था; नियए माइणेज्जे
केसी नाम होत्था । से णं उदायणे राया सिन्धु-सोवीर-पामो-
5 क्खाणं सोलसण्हं जणवयाणं वीयभय-पामोक्खाणं तिण्हं तेव-
ट्ठाणं नयरसयाणं महसेण-पामोक्खाणं दसण्हं रायाणं बद्ध-
मउट्ठाणं विइण्ण सेय-चामर-वायवीयणाणं अत्तेसि च राईसर-
तलवर-पभिईणं आहेवच्चं कुणमाणे विहरइ । एवं च ताव एयं ।
इओ य, तेणं कालेणं तेणं समएणं चम्पाए नयरीए कुमारनन्दी
10 नाम सुवण्णकारो इत्थि-ल्लोले परिवसइ । सो जत्थ मुख्वं दारियं
पासइ मुणेइ वा, तत्थ पञ्च-सया सुवण्णस दाऊण तं परिणेइ ।
एवं च तेण पञ्च-सया पिण्डिया । ताहे सो ईसालुओ एक-
खम्भं पासायं करेत्ता ताहिं समं छलइ । तस्स य मित्तो नाइलो
नाम समणोवासओ । अत्तया य पञ्चसेल-दीव-वत्थत्वाओ वाणम-
15 न्तीरीओ सुरवइ-निओएणं नन्दीसर-वर-दीवं जत्ताए पत्थियाओ ।
ताणं च विज्जुमाली नाम पञ्चसेल-हिवई; सो धुओ । ताओ
चिन्तान्ति 'कं पि वुग्गाहेमो, जो अन्हं भत्ता भवइ ' । नवरं वध-
न्तीहिं चम्पाए कुमारनन्दी पञ्च-महिला-सय-परिवारो उवल्लन्तो
दिट्ठो । ताहिं चिन्तियं 'एस इत्थि-ल्लोले, एयं वुग्गाहेमो ' । ताहे
20 सो भणइ 'काओ तुम्हे !' ताओ भणन्ति 'अम्हे हासा-महासा-मिहा-
णाओ देवयाओ । सो मुच्छिओ ताओ पेच्छइ । ताओ भणन्ति
'अइ अम्हेहिं कज्जं, तो पञ्चसेलगं दीवं एज्जाहि'त्ति भणिऊणउप्प-
इऊण गयाओ । सो तासु मुच्छिओ राउले सुवण्णं दाऊण पढ-
इयं नीणेइ ' कुमारनन्दि जो पञ्चसेलगं नेइ, तस्स धण-कोटिं सो

देइ' । थेरेण पढहओ वारिओ । वहणं कारियं पच्छायणस्स भारियं ।
 थेरो तं दब्बं पुत्ताण दाउण कुमारन्दिणा सह जाणवत्तेण पत्थिओ ।
 जाहे दूरं समुद्दे गओ, ताहे थेरेणं भणइ ' किंचि पेच्छसि ? ' सो
 भणइ ' किं पि कालयं दीसइ ' । थेरो भणइ ' एस वडो, समुद्वूले
 5 पव्वय-पाए जाओ; एयस्स हेट्ठेणं एयं वहणं जाहिइ, तो तुमं
 अमूदो वडे विलम्मेज्जासि; ताहे पच्चसेलाओ भारण्ड-पक्खी
 एहिन्ति । तेसिं जुयलस्स तिण्णि पाया । तओ तेसु सुत्तेसु
 मज्झिह्हे पाए सुल्लमो होज्जासि पडेनं अप्पा बन्धिओ । तो ते
 पच्चसेलयं नेहिन्ति । अह तं वडं न विलम्मासि, तो एयं वहणं
 10 वलयामुहे पविसिहिइ; तत्थ विणस्सिहिसि । एवं सो विल्लमो
 नीओ पक्खीहिं । तहि ताहिं वाणमन्तरीहिं दिट्ठो । रिद्धी य
 से दाइया । सो पगाहिओ नीओ ताहिं भणिओ ' न एएण सरीरेण
 भुज्जामो किंचि ; जलणपवेसाइ करेहि ! जहा पच्चसेला-हिंवई
 होज्जामि-त्ति, तो किह जामि ? ' ताहे करयलपुडेण नीओ स
 15 उज्जाणे छड्डिओ । ताहे लोगो आगन्तूण पुच्छइ ' किं तुमे तत्थ
 अच्छेरयं दिट्ठं ? ' सो भणइ

दिट्ठं सुयमणु-भूयं जे वित्तं पच्चसेलए दीवे ।

इसयच्छि चण्डवयणे हा हासे हा पहासे-त्ति ॥

आदत्तं च तेण तयभिसन्धिणा जलणासेवणं । वारिओ य मित्तेण
 20 ' भो मित्तं, न जुत्तं तुह काउरिस-जणो-चियमेयं चेड्डियं ' । ता महाणुभाव
 दुल्लहं माणुस-जम्मं मा हारसु तुच्छ-भोय-सुह-हेडं ।
 वेरुलिय-मणी-मोळेण कोइ किं किणइ कायमाणं ॥

अन्नं च । जई वि तुमं भोगत्थी, तहा वि सद्धम्माणुद्वाणं चैव करेसु ! जओ
 25 घणओ घणात्थियाणं कामत्थीणं च सब्ब-कामकरो ।
 सग्गा-पवग्गा-संगम-हेऊ जिण-देसिओ धम्मो ॥

एवमाइ अणुसासणेण वारिज्जन्तो वि मित्तेण इङ्गिणी-मरणेण
 मओ पच्चसेला-हिंवई जाओ ।

सइदस्स वि निव्वेओ जाओ: भोगाण कज्जे किलिस्सइ-त्ति

नासन्तो वण-सण्डे साहवो पेच्छइ, तेसिं सरणमुबह्णीणो । मा मा-
यसु-त्ति समासासिओ । तेहिं नियत्ता ते तावसा । अणुसासिओ
साहहिं

धम्मो चेवेत्थ सत्ताणं सरणं भव-सायरे ।

5 देवं धम्मं गुहं चेव धम्मत्थी य परिक्खए ॥

दस-अट्ठ-दोस-रहिओ देवो धम्मो उ निउण-दय-साहिओ ।

सुगुरु य बभ्वयारी आरम्भ-परिग्गहो-वरओ ॥

एवमाइ-उवएसेणपडिबुद्धो पडिवत्तो जिणधम्मं । देवो अत्ताणं
दरिसेइ । धम्मे य धिरी-काऊण गओ सुरो । जाव अत्थाणीए चेव

10 अत्ताणं पेच्छइ । एवं सट्ठो जाओ ।

इओ य गन्धाराओ सावओ सन्वाओ जिणजम्माइ-भूमीओ व-
न्दित्ता वेयट्ठे कणग-पडिमाओ सुणेत्ता उववासेण ठिओ 'जइ वा मओ

दिट्ठाओ वा' । देवयाए दंसियाओ । तुट्ठा य सन्वकामियाण गुलिया
देइ सयं । तओ नियत्तो सुणेइ वीयभए नगरे जिण-पडिमं गोसीस

15 चन्दण-मइयं । तन्वन्दओ एइ वन्दइ । तत्थ पडिलम्भो देवदत्ताए
पडियरिओ । तुट्ठेण य से ताओ गुलियाओ दिन्ताओ ।

सो य पव्वइओ ।

अन्नया गुलियमेगं खाइ 'मे कणगेण सरिसो वण्णो होउ-त्ति ।

तओ जाय-परम-रूवा धन्त-कणग-सरिस-वण्णा जाया; सुवण्ण-

20 गुलिय-त्ति तीए नामं जायं । पुणो सा चिन्तेइ भोगे भुज्जामि; एस
राया ताव मम पिया, अन्ने य गोहा । ताहे पज्जोयं रोएइ । तं

माणसी-काउं गुलियं खाइ । तस्स देवयाए कहियं 'एरिस रूववद-
त्ति' । तेण सुवण्णगुलियाए दूओ पेसिओ । तीए भाणियं 'पेच्छामि

ताव तुमं' । सो नलगिरिणा रत्तिं आगओ दिट्ठो तीए अभिरुदओ ।

25 सा भणइ 'जइ पडिमं नेसि, तो जामि । ताहे पडिमा नत्थि तट्ठाण
ठावण-जोग-त्ति रत्ति वसिऊण पडिगओ; अन्नं जिण-पडिम-रूवं
काऊण आगओ । तत्थ ठाणे ठवित्ता मियन्तसामिं सुवण्णगुलियं

- च गहाय उज्जेणि गओ । तत्थ नलगिरिणा मुत्त-पुरीसाणि मुक्काणि ।
 तेण गन्धेण हत्थी उम्भत्ता तं च दिसिं गन्धो एइ; जाव पलोइयं,
 नलगिरिस्स पयं दिट्ठं । किं-निमित्तं आगओ-त्ति । जाव चेढी न दीसइ ।
 राया भणइ 'चेढी नीया नाम, पडिमं पलोएह ! नवरमच्छइ निवेइयं ।
 5 तओ राया अच्चण-वेलाए आगओ पेज्जइ पडिमा-पुष्पाणि मिलाणाणि ।
 तओ निव्वण्णन्तेग नायं पडिख्वगं-ति, हरिया पडिमा तओ तेण पज्जायस्स
 दूओ विसज्जओ न मम चेढीए कज्जं, पडिमं विसज्जेह ! सो न देइ ।
 ताहे पहाविओ जेड्ड-मासे दसहिं, राईहिं समं । उत्तरन्ताण य मरुं खन्ध-
 वारो तिसाए मरिउमारद्धो । रन्तो निवेइयं । तओ तक्खणेण पभा-
 10 वई चिन्तिया आगया । तीए तिणिण पुक्खराणि कयाणि अग्गिमस्स
 पच्छिमस्स मज्झिमस्स य । ताहे आसत्थो गओ उज्जेणि । भणिओ
 रत्ता 'किं लोणण मारिण ! जुज्झ य मज्झ य जुज्झं भवउ, आसेहिं
 रह-हीत्यपाएहिं वा, जेण रुच्चइ तव' । पज्जोओ भणइ 'रहेहिं
 जुज्झामो' । ताहे नलगिरिणा पडिकाप्पिण्णागओ, राया राहेण ।
 15 तओ रन्ता भणिओ 'असच्चसन्धो सि, तहा वि ते नत्थि मोक्खो ।
 तओ णेण रहो मण्डलीए दिन्नो । हत्थी वेगेण पच्छओ लग्गो ।
 सो य करी जं जं पायं उनिखवइ, तत्थ उदायणो सरे छुभइ, जाव
 हत्थी पडिओ । ओयरन्तो बद्धो पज्जोओ । निहाले य से अंको
 कओ 'दासी-पइ-त्ति' । उदायणराया य पच्छा नियय-नयरं पहा-
 20 विओ । पडिमा नेच्छइ । अन्तरावासेण उ रुद्धो ठिओ । ताहे
 खन्दय भण्ण दस वि रायाणो धूली-पायारे करेत्ता ठिया । जं
 च राया जेमेइ, तं च पज्जोयस्स वि दिज्जइ । नवरं पज्जो-
 सवणाए सूएण पुच्छिओ 'किं अज्ज जेमेसि ?' ।
 सो चिन्तेइ 'मारिज्जामि' । ताहे पुच्छइ 'किं अज्ज पुच्छिज्जामि ?'
 25 सो भणइ 'अज्ज पज्जोसवणा, राया उववासिओ' । सो भणइ
 'अहं पि उववासिओ, मम वि मायावित्ताणि
 संजयाणि; न-याणिहं मया, जहा अज्ज पज्जोसवणं-ति । रन्ता
 कहियं 'जाणामि, जहा सो धुत्तो; किं पुण मम एयंमि बद्धेछए

नाम पट्टणं तस्स नामेण कयं । तत्थ सो अवहरिज्जण ठविओ ।
वीयभयं च सत्तवं पंसुणा पेत्थियं । अज्ज वि पंसुओ अच्छइ ।

- तए णं अभिई-कुमारस्स पुत्तरत्ता-वरत्त-काल-समयंस्सि एवमज्ज-
त्थिए जाए ‘अहं उदायणास्स जेद्ध-पुत्ते पभावईए अत्ताए; मं रज्जे अ-
द्धवेत्ता केसिं रज्जे ठावेत्ता पच्चइए । इमेणं माणुसेणं दुक्खेणं अभिभूए
समाणे वीयभयाओ निमाच्छित्ता चम्पाए कोणियं उवसंपज्जित्ताणं
5 विउल्ल-भोग-समन्तागए यावि होत्था । से णं अभिई कुमारे समणो-
वासए अभिगय-जीवा-जीवे उदायणेणं रत्ता समणुवद्धं—वेर यावि
होत्था । तओ अभिई कुमारे बहूई वासाइं समणो-वासग-परियागं
पाउणित्ता अद्धमासियाए संलेहणाए तीसं भत्ताइं छेएत्ता तस्स ठाण-
स्सा णालोइय-पडिक्कन्ते कालं किच्चा अमुरकुमारत्ताए उववन्नो ।
10 एगं पलिओवमं टिई तस्स; महाविदेहे सिज्झाहि-त्ति ।
-

३. सणकुमार



- अत्थि इहेव भारहे वासे कुरुजंगले जणवए हत्थिणाउरं नयरं ।
तत्थ कुरु-वंसे आससेणो राया, सहदेवी भारिया, चौदसमहासु-
मिण-सूओ चउत्थ-चक्कवट्ठी सणकुमारो नाम । सो सह पंसुकी-
लिएण सूर-कालिन्दी-तणएण महिन्दसीहेण सह गहिय-कला-
5 कलावो जोव्वणमणुप्पत्तो । अन्नया वसन्तमासे रायउत्त-नागरय-
सहिओ गओ कीलणत्थमुज्जाणं । कीलिउण य तत्थ विसिद्ध-
कीलाहि आस-परिवाहणत्थं आरूढा तुरंगमेसु रायकुमारा । सण-
कुमारो वि जलहिवल्लोलाभिहाणं तुरंगमारूढो । मुक्का समकाल-
मासा । तओ विवरिय-सिक्खत्तणओ पंचमधाराए लग्गो कुमार-
10 तुरंगमो अहंसणी-दूओ खण-मेत्तेण । लम्गो विन्नाय-वुत्तन्तो राया
सपरियणो मग्गो । एत्थन्तरंमि लग्गो चण्ड-मारुओ । तेण मग्गो
तुरय-पय मग्गो । महिन्द-सीहेण विवत्तो राया 'नियत्तउ महाराओ;
अहं कुमार-सुद्धिं लहिउण वलिस्सं' । नियत्तो राया । महिन्द-
सीहो वि लग्गो अणुमग्गेण कुमारस्स । पविट्ठो मसिणं महाडइं ।
15 हिण्डन्तस्स अइगयं वरिसमेगं । एगदिवसंमि य गओ थेवं भूमि-
भागं । ताव निसुओ सारस-रवो, अग्घाइओ अरविन्द-परिमलो,
पयट्ठो तय-भिमुहं, दित्थं च सर-वरं, निसुओ महुरो गीय-वेणुरवो ।
हरिसुप्फुल्ल-लोयणो जाव गच्छइ, ताव पेच्छइ तरुणी-यण-मज्झ-
संठियं सणकुमारं । विन्हिय-माणसो चिन्तेइ 'किं मण-विब्बमो एस,
02 किं वा सच्चं चेव एस सणकुमारो !' वियप्पन्तो जाव चिट्ठइ, ताव
पट्ठियं बन्दिणा

जय आससेण-नहयल-मयंक कुरु-भवण लग्गणे खम्म ।

जय तिहुयण-नाह सणकुमार जय लद्धमाहप्प ॥

तओ सणकुमारो-त्ति कय-निच्छओ महिन्द-सीहो । पमोयाऊ-

रिय-माणसो य अपुण-रसान्तर-मणुहवन्नो गओ सणकुमार-दंसाण-
 पहं। दूराओ नेव सणकुमारेण परिगणिउण अणुभुट्ठिओ । पाय-
 वटणुट्ठिओ य उवउत्तो गादं। दुवे वि पमोयाऊरिय-माणसा उवाचछ
 दिजासणेयु । विजाहर-लेगो य उवसन्त-मेयाइ-कट्टयलो पासेमु
 5 अछीणो। तथगन्तरं च कुसिउण आणन्दनन्तरिं नयणनुयहं भणियं
 सणकुमारेण 'ययंस, कहं तुममेगागी एत्थ भूमणा-ग्णे आगओ,
 कहं च एत्थ-हिट्ठओ विगणिओ हं, किं वा करेइ मम विरहे
 महाराओ अम्बा य! कहियं जहा-यत्तं माहिन्द-सीहिण। तओ मज्जा-
 विओ घर-विजासिणीहिं माहिन्द-सीहो । कयमुनिग-करणिजं' ।
 10 भोयणा-वसाणे य पुट्ठो णेण सणकुमारो, जहा 'कुमार, सुरंगमेण
 अवहरिओ तुमं तथा कहिं गओ, कहिं टिओ, कत्तो वा एरिसी
 रिद्धी!' सणकुमारेण चिन्तियं: न नुत्तं निय-चरिय-कहणं निय-
 मुहेण सम्पुरिसाणं, ता कहापेमि परमुहेणं । तओ भणिया कजा-
 सय-मज्जा-गया परिणीया रायरिन्द-भूया निय-दइया वउलमई 'पिण,
 15 नीसेसं मह वइयरं विजाए आभोणउण साहेमु माहिन्दसीहस्स;
 मम पुण निदाए शुम्भान्ति लोयणाई-'ति भणिउणुवत्तो रइहरे ।
 वउलमई वि साहिउमादत्ता कुमार-चरियं ।

तथ तथा तुम्ह नियन्ताण नेव अस्सेणावहरिओ कुमारो
 पवोसिओ तेण घोराए अडविए । बीय-दियहे वि तहेव वधन्तस्सं
 20 आसस्स जाओ मज्झण्हसमओ । बुहा-पिवासाउलेण य आसेण
 निछालिया जीहा, उद्धाट्ठिओ नेव सासाऊरिय-गलो, थक्को, उत्त-
 रिओ कुमारो । छोट्टिया पट्टादा, ऊत्तारियं पट्टाणं, जाव धुम्मिउण
 निवडिओ आसो, मुक्को अक्क-कारि-त्ति कळिउणं पंच-पाणेहिं।
 तं नुक्कपेसणं च मोत्तूण गओ कुमारो, उदयण्णेसण-परायणो य
 25 हिण्हउमादत्तो । न कहिं पि आसाइयमुदयं । तओ दीहद्धाणयाए
 सुकुमारयाए य मज्झण्ह-कालत्तणओ य दव-दइयाए य रण्णस्स
 अईव हलोहली-हूओ । दूर-देसंमि दइण सत्तच्छयं पहाविओ

- तयभिमुहं, पत्तो य तस्स छायाए उवविट्ठो, पडिओ लोयणे
 भंजिऊण घरणीए । एत्थन्तरंमि य तप्पुण्णाणुभावेणं तन्निवासिणा
 जक्खेण आणेऊण सिसिर-सीयलं जलं सित्तो सव्वंगेसु आसासिओ ।
 लद्धचेयणेण य पीयं सलिलं । पुच्छिओ तेण सो 'को तुमं, कत्तो
 5 वा एयमाणियं सलिलं'ति । तेण भाणियं 'अहं जक्खो एत्थ निवासी;
 सलिलं च माणस-सरवराओ तुह निमित्तमाणियं' । तओ कुमारेण
 भाणियं 'एस मह संतावो परं माणससर-मज्जेण जइ अवगच्छइ-'
 ण्त्त । तं साऊण भाणयं 'अहं संपाडेमि भवओ मणोरहं'ति भाणिऊण
 काऊण करयल-संपुडे नीओ माणससरं, मज्जिओ विहिणा । तत्थ
 10 य वसणावडियं-ति काऊण कुद्धेण वेयड्ड-वासिणा असियक्ख-
 जक्खेण सह जुज्झं संवुत्तं । तेण य पढमं गुरु-सक्करोह-निव्वमरो
 मोडिय-तरुवरो पवणो मुक्को । तओ नहयलं बहुल-धूलीए अन्धा-
 रियं । तओ विमुक्कट्टहासा जलिय-जलण-पिंगल-केसा महुणिन्त-
 जाला-कराल-पिसाया मुक्का । जाहे तेहिं नं भीओ, तओ मुक्क-
 15 नयण-जाला-फुल्लिगेहिं नागपासेहिं बद्धो । तओ जुण्ण-रज्जु इव
 तेण ते तोडिया-दड्ड-कर-घाएहिं लग्गो । तओ मुट्ठि-पहारणे
 खण्डाखण्डि कओ । पुणो वि रक्खसेण गुरु-मच्छरेण घणलोह-
 जडिय-मोगारेण हओ वच्छत्थले कुमारो । तेणावि महाकाय-
 चन्दण-तरुं उम्भूलिऊण अत्थोडिओ उट्ठं वट्ठन्तो उरुएसु; छिन्न-
 20 दुमो-व्व पडिओ भूमीए । तओ रक्खसेण दूर-मुक्खिविऊण गिरि-
 वरो कुमारस्सो वरिं मुक्को । तेण ददपीडियंगो जाओ निच्चेयणो
 कुमारो । लद्ध-सत्तो य तेण समं बाहु-जुद्धेण लग्गो । कुमारेण
 कर-मोगराहओ सयसक्करो व्व कओ । अमरो-त्ति काउं न मओ;
 विरस-भाराडिऊण नट्ट । कोउग-दंसणत्थ-मागएहिं देव-विज्जा-
 25 हरेहिं पुप्फ-बुट्ठी 'मुक्का अहो जिओ जक्खो कुमारें'ति ।
 तओ जिणिऊण रक्खसं पच्छिम-दिसाए गए सुरे, उल्ललिओ
 सरवराओ अज्जउत्तो, गओ थेवं भूमि-भागं । दिट्ठाओ तत्थ नन्दण-

- वणस्स मज्झ-गयाओ मणोरमाओ अट्ट दिसा-कुमारीओ-व्व दिव्वाओ
 भाणुवेग-विज्जाहर-धूयाओ । पलोइओ ताहिं ससिणिद्धाए-दिट्ठीए
 सो । तेण वि चिन्तियं काओ पुण इमाओ-त्ति पुच्छामि
 उवसप्पिऊणं । गओ तासिं समीवं । पुच्छियं महुर-वाणीए एकं
 5 कल्लग-मुद्दिसिऊण, 'काओ तुब्भे, किं-निमित्तं इमं सुण्णमरणमालं-
 कियं तुब्भेहिं ?' ताहिं भणियं 'इओ नाइदूरंमि पियसंगमाभिहाणा
 अम्ह पुरी अत्थि । ता तुमं पि तत्थेव ताव वीसमसु'-त्ति भणिऊण
 किंकर-दरिसिय-मणो पयट्ठाविओ अज्जउत्तो । अत्थमिओ य रवी,
 पत्तो य नयरिं, नेयाविओ य ताहिं कंचुइणा राय-भवणं, दिट्ठो य
 10 राइणा अब्भुट्ठिओ य । कयमुचियं करणिज्जं । भणिओ य भाणुवेग-
 राइणा, 'जहा महा-भाग, मह इमाओ अट्ट कल्लगाओ; एयासिं च
 तुमं पुब्बं चेव अचिमालिणा मुणिणा वरो आइट्ठो; जहा जो अस्सि-
 यक्खं जक्खं जिणिस्सइ, सो एयासिं मत्त-त्ति । ता परिणेषु इमीओ !
 अज्जउत्तेणा वि तह-त्ति पडिवज्जिऊण सव्वमणुट्ठियं । तओ पउत्तो
 15 वीवाहो, बद्धं कंकणं, सुत्तो य रइ-भवणंमि ताहिं सद्धिं पल्लंके ।
 जाव निदा-विरमंमि भूमीए अप्पाणं पेच्छइ, चिन्तियं च तेण किमे-
 यमिति । पेच्छइ य करे कंकणं-ति । तओ अविसण्णमणो गन्तुं
 पयट्ठो । दिट्ठं च रण्णमब्भंमि गिरि-वर-सिहरे मणिमय-खम्भपइट्ठियं
 दिव्वं भवणं । तेण 'चिन्तियं' इयं पि इन्दियालप्पायं भविस्सइ' ति ।
 20 गओ य तयासन्ने इत्थाए करुण-सरेणं रुयन्तीए सइं निसामेइ ।
 पविट्ठो य भवणं गय-भओ, दिट्ठा य सत्ताम-भूमियाए दिव्व-कल्लगा
 करुणेणं सरेणं रुयन्ती भणन्ती य 'कुरु-कुल-नहयल-मयलञ्छण सणं-
 कुमार अन्न-जम्ममि वि महं तुमं चेव नाहो होज्जसु'-त्ति भणन्ती
 पुणो पुणो रोविउमारद्धा । तओ दिन्नासणेण निय-नामासंकिएण
 25 पुच्छिया अज्जउत्तेण 'किं तुमं तस्स सणंकुमारस्स होसि, जेण तए
 एयस्स सरणं पडिवन्नं' ! तीए भणियं 'सो भत्ता भणोरह-मेत्तेणं-ति,
 नेणा हं साकेय-पुर-नरिन्देण सुरहेण चन्दनसा-जणणीए इट्ठा धूय-
 ति काऊण धूया-नीय-तडीय-चित्तफल-रूव-विमोहिया तस्स पुब्बं

उदय-दाणेण दिना. न य वित्तो विवाहो-त्ति । ताव य अहमेगेण
 विज्जाहरकुमारेण कुट्टिम-तलाओ इहमाणिया । गओ य सो इमंमि
 विज्जा-विउरुव्विए धवलहेर मं मोत्तूण कहं पि । जाव एवं जंपइ
 सा कलगा, ताव य तेण असणिवेग-सुय-विज्ज-वेगेण विज्जाहराह-
 मेण आगन्तूण उव्वित्तो गयण-मंडलं अज्जउत्तो । तो सा हाहा-
 5 रवं कुणमार्णी मुच्छा-पराहीणा निवडिया धरणीवड्ढे । ताव य मुट्ठि-
 प्पहारेण वावाइऊण तं दुट्ठ-विज्जाहरं समागओ अत्तखय-सरीरो तीसे
 समीवमज्जउत्तो । समासासिया (साहिओ निय वुत्तन्तो तेण)
 विवाहिया य । सा य सुणन्दाभिहाणा इत्थी-रयणं भाविस्सइ । थेव
 वेलाए य समागया वज्जवेग-भगिणी संज्ञावली नाम, वावाइयं च
 10 दट्ठण भाउयं कोवमुवगया । पुणो वि सुमरियं नेमित्तिय वयणं,
 जहा भाइ-वहगस्स भज्जा होही, अज्जउत्तं विवाहत्यमुवड्डिया ।
 सा वि तस्सा पुमईए तहेव वीवाहिया ।

एत्थन्तरे समागया अज्जउत्त-समीवं दुवे विज्जाहरा । पणामपु-
 व्वयं भणियं तेहिं 'देव, असणिवेगो विज्जाहर-बलेण जाणिय-पुत्त-
 15 मरण-वुत्तन्तो तुम्हो वरिं समागच्छइ । अओ चन्दवेग भाणुगेहिं
 पेसिया अम्हे हरिचन्द-चन्दसेणा-भिहाणा निय-निय पुत्ता; रहो
 सन्नाहो य पेसिओ; अम्ह पियरो वि तुम्ह चलण-सेवा निमित्त
 पएसं पत्ता चेव । तयणन्तरं च समागया चन्दवेग-भाणुवेगा अज्ज-
 उत्त-सहेज्ज निमित्तं । संज्ञावलीए दिना पक्कती विज्जा । तओ
 20 अज्जउत्तो चन्दवेग-भाणुवेगा य निय-विज्जाहर-बल-समेया असणि-
 वेग-बलेण समं जूज्जुज्जिउ पयत्ता । तओ भग्गसु दोसु वि बलेसु
 अज्जउत्तस्स असणिवेगेण समं महा-जुज्जे समावाडिए तेण मुक्कं
 महोरगत्यं; तं च कुमारेण गरुल सत्थेण विणिहयं । पुणो मुक्कं जेण
 अमेयत्थं, तं पि कुमारेण यारुणत्थेण पाडिहयं । पुणो वि मुक्कं
 25 वायव्वं, तं पि सेहत्थेण पाडिपेहियं । तओ गहिय-गण्डीवो
 नाराए मुचन्तो पहाविओ सो । कुमारेण निज्जीवं कयं तस्स चावं ।

- रत्ना भणिओ 'अन्न-पुरिस-पिट्ठीए भुञ्जावेमि' । तओ मुणिणा जम्मन्तर-जणिय-वेराणुबन्धेण वुत्तो राया 'नअन्नहा जेमेमि' । तओ रत्ना अणुरागेण पडिवन्नं । सेट्ठी वि पुंढि-ट्ठिय-पत्तिदाहं 'दक्कय कम्म फलमेवमुवट्ठियं-ति मत्तमाणो सम्मं सहइ' । तओ भुत्ते ससोणिय
- 5 ण्हारुमेस-वसा-पट्ठीओ उक्खया पत्ती । तओ घरं गओ सम्म णिऊ सयण-वग्गं खामेऊण य चेइय-पूयं काऊण येत्तूण समण-दिक निग्गओ नयरओ, गओ गिरि-सिहरे । तत्थ अणसणं काऊ पुच्च-दिस-मद्धमासं काउत्सग्गेण ठिओ, एवं सेत्तासु वि दिसा अद्धमासं अद्ध-मासं । तओ पिट्ठीए गिद्ध-काय-सिवाईहिं खज्जन
- 10 पीडं सम्म सहिय नमोक्कारपरो मरिउं सोहम्म-कप्पे इन् जाओ । भगवो वि तस्सेव वाहणं एरावणो जाओ । तेण आभिओ गिय-कम्मुणा तओ एरावणो चुओ, नर-तिरिएसु हिण्डिय अति यक्खो जक्खो जाओ । सक्को वि तओ चुओ हत्थिणाउरे न सणंकुमार-चक्की जाओ । एयं च वेर-कारणं-ति ।
- 15 तं मुणिणा एवं सिट्ठे मए तुह अन्तरवासनिमित्तं भाणुवे विसज्जिय पियसंगम-पुरि निवेस-पुव्वं तुमं अट्ठ भाणुवेग-कत्ता विवाहाविओ मुक्को य कारणेणं तत्थेव 'कज्ज-समत्ताए सेवं करेहामं ति । खमेज्जह अवराहं, जं मुक्को वणंमि ! ता विन्नवेमि ' मत्तह कत्ता-सयस्स पाणिग्ग-हणं-ति; ताओ वि तुम्हेह वट्ठओ पेच्छ
- 20 सामिणो मुह-कमलं'-ति । एवं होउ-त्ति मत्तिए समागयाओ ताओ महया-विभूर्इए विवाहियमज्जउत्तेण कत्ता-सयं । दसुत्तरेण देवी-सए सहिओ भुञ्जए भोए । एवं वच्चइ कालो । अज्ज पुण अज्जउत्ते एवं समाणत्तं, जहा 'गन्तव्वमज्ज, जत्थ जक्खेण सह जुज्झियं, सरं-ति । तओ एत्थागयाण मज्झ तुम्हेहिं सह पेच्छणयावस
- 25 दंसणं जायं-ति ।

एत्थंतरंमि उट्ठिओ मुह-पसुत्तो रइहराओ सणकुमारो । गय य महया-वडयरेण वेयडुं । विन्नत्तो य अवसरं लहिऊण माहिन्

- सीहेण जहा 'कुमार, दुक्खेण तुह जणणि-जणया कालं गमेन्ति;
ता तदंसणेणं कीरउ पसाओ अम्हारिस जणस्सत्ति विन्नत्ताणन्त-
रमेव गया महया-गय-णिट्ठिय-नाणाविह-विमण-हय-गयाइ-
वाहणारूढ-विचित्त-वेसाहरण-भूसिय-विज्जाहर-वन्द-सम्मदेणं
- 5 हत्थिणाउरं-ति । आणान्दिया जणणि-जणया नायर-जणो
य । तओ महया विभूईए रत्ता आससेणेण सणकुमारं पयइ सम-
गेण रज्जंमि अहिसिञ्चिउण महिन्दसीहं सेणावइं निउज्जिय
धम्म-तित्थयर-तित्थे तहाविहाणं थेराणं अन्तिए पव्वज्जा-विहाणेणं
सकज्जमणुट्ठियं ति । सणकुमारो वि परिवड्ढमाण-कोस-बल-सारो
- 10 विकन्तो रज्जमणुपालेइ । उप्पन्नाणि य चक्क-पमुहाणि चोदस वि
रयणाणि नव निहीओ य, कया य तेसिं पूया । तयणन्तरं चक्क
रयण-दंसिय-ममो मागह-वर-दाम-पभास-सिन्धु-खण्ड-प्पवायाइ
कमेण भरहं उयविय वास-सहस्सेणागओ गयपुरं । दिट्ठो ओहिए
सक्केण 'पुर्व्वि सुहम्मवइ मह सरिसो आसि'-त्ति । बन्धु-नेहेण आणत्तो
- 15 वेसमणो 'करेह सणकुमारस्स रज्जामिसेहं, इमं च हारं वणमालं-छत्तं
मउडं चामर-जुयं, कुण्डल-जुयं, दुस-जुयं, सीहासणं, पाउया-जुयं
पाय-पीढं च पाहुडं दोएज्जह । वत्तव्वं च तएजहा 'महाराय, सक्को
तुम्हं वत्तं पुच्छइ ।' वेसमणो वि 'एवं होउ'-त्ति पाहुडं सक्क-विइणं
थेत्तूण गओ गयपुरं । रम्भा-तिलोत्तमाओ य पेसियाओ सक्केण
- 20 अभिसेय-महसव-करणत्थं समाप्पियं पाहुडं । विलत्तो वेसमणेण
चक्की 'तुम्हाभिसेय-निमित्तमम्हे सक्केण पेसिया, ता तं अणु मन्नह
तुम्हे । एवं-ति पडिवले चक्किणा विउत्थियं जोयण-पमाणं मणि-
पीढं । तस्सोवरि रयण-मय-मभिसेय-मण्डवं तम्मज्जे मणि-पीडिया
तीए उवरि सीहासणं । तत्थ निवेसिय स्त्रीरोय-जलेण रयण-कणय-
- 25 कलसावज्जिएणं जय-जय-सद्-साम्भिस्स-गीय-रव-मुहलं अहिसित्तो-
सुरेहि; पणचियाओ रम्भा-तिलोत्तमाओ । सज्वालंकार-विभूसियं
करेत्ता पवेसिउण महा-विच्छड्डेण गयउरं, गओ सुरलोयं वणयाइ-
सुरयणो । चक्की वि भोए भुज्जन्तो गमेइ कालं ।

- अतथा य सोहम्म-सभाए सिहासणमत्थयन्तो सोहम्मिन्दो
 सोयामणि नादयं पेच्छन्तो अच्छइ । एयम्मि अन्तरे एगो ईसाण-
 कप्पाओ संगमाभिहाणो देवो सोहम्मिन्द-पामे आगओ । तस्स य
 देह-प्पभाए सभा-दिय-सत्त्व-देवाणं तेओ न्हो; आइच्छोदए चन्द-
 5 गहा इव निप्पमा जाया मुरा । गए य तंमि मुरेहि विम्भिएहि
 सोहम्मिन्दो पुच्छिओ, जहा 'केण कारणेणं, सामि, इमस्स संगम-
 देवस्स बारसाइओदयाहिओ तेओ' -त्ति । इन्देण भणियं 'इमेण पुत्त-
 भवे आगम्भित्त-वद्धमाणो नाम तवो कओ' -त्ति । तओ देवेहि-इन्दो
 पुणो वि पुच्छिओ, जहा 'अत्तो वि कोइ एरिस-तेय-रूत-संपओ किं
 10 अत्थि' -त्ति । इन्देण भणियं, जहा 'हत्थिणाउरे कुलवंसे अत्थि सण-
 कुमारी नाम चक्कय्ठी नम्म तेओ रूवं च देवाणं पि अहियम्-इति ।'
 तओ वित्तय-जयन्त-देवाअमइहन्ता बेम्भण-रूत्तेण गया तओ पडिहारेण
 मुक्कदारा पविट्ठा राय-सर्मावं । दिट्ठो य तेहि राया गन्थ तेळ-
 अब्भंगण-किथं कुणन्तो । विम्भिया मक्क-गणिय-रूत-सिरीओ
 15 अहिययरं रूवाइ-संपयं दट्ठुं । पुच्छिया य रत्ता 'किमेत्थमागया !'
 ते भणन्ति जहा 'तुम्ह रूवं तिहुयणे वि वण्णिज्जइ तइसण-कोउगेणं
 ति' । पुणो वि रत्ता अइ-रूत-गल्लिएण वुत्ता 'भो भो विप्पा' कि
 मज्झ रूवं तुम्हेहिं दिट्ठं ! थेवं कालं पडिवत्ताह जाव अत्थाणं उव-
 विसामि ।' एवं ति गंपिय निग्गया दिया । चक्की वि व्हुं मज्झिउण
 20 मण्डण-विहूसणं सिंगारं च काउण उवविट्ठो सिहासणे ।
 बाहरिया दिया । ते सरिरं दट्ठण विसण्णा । भणियं च
 तेहिं 'अहो मणुयाणं रूव-त्तावण-जोव्वणाणि खण-दिट्ठ-नट्ठाणि ।
 तं सोउण भाणियं चक्किणा 'भो किमेवं तुम्हे वि सोयपरा मम सरिरं
 निन्दह ?' तेहिं भाणियं 'महाराय, देवाणं रूव-जोव्वण-तेया पढम-
 25 समयओ जाव छम्मासाउग-सेसं ताव अवट्ठिया भवन्ति, तओ
 हीयन्ति; मणुयाणं पुणो ते य वड्डमाणो भवन्ति जाव जीविय-
 मज्झो, तओ परेण हीयन्ति, तुम्ह पुण रूव-जोव्वण-सिरीए अच्छे-

- रयं दीसइ, नओ संपइ चेव सा खल-मेत्तिव नट्टा खणेण ।
 रत्ता भाणियं 'कहं तुम्हे जाणह !' तेहिं परमत्थो सक्क-पसंसाइओ
 सिट्ठो । विम्हिण्ण य केऊर-भूसियं बाहु-जुयलं पलोयन्तेण विच्छायं
 दिट्ठं, वच्छत्थलं पि हार-विभूसियं विवण्णमुवल्लविसयं । तं च पेच्छि-
- 5 ऊण चिन्तियं 'अहो अणिच्चया संसारस्स, असारया सरीरस्स,
 एत्तियमेत्तेण वि कालेण रूव-जोव्वण-तेया पणट्ठा; ता अनुत्तो
 भवे पडिबन्धो; अन्नाणं सरीर-मोहो; मुक्खत्तणं रूव-जोव्वणा-
 भिमाणो, उम्माओ भोगासेवणं, गहो चेव परिग्गहो । ता उज्झिऊण-
 मेयं करेमि पर-लोय-हियं ति चिन्तिऊणमभिसित्तो रज्जे पुत्तो ।
- 10 अणुहरियं धीर तुमे चरियं निययस्स पुव्व-पुरिस्स ।
 भरह-महा-नरवड्ढो तिहुयण-विक्खाय-कित्तिस्स ॥
 इच्छाइ उववूहिऊण गया देवा । चक्की वि तनखणमेव तणं
 व पडिलगं उज्झिय सव्वं परिग्गहं रायायरिय-समीवे पव्वइओ ।
 इत्थी-रयण-पमुहाणि सव्व-रयणाणि सेसर-मणीओ आभिओइय-सुरा
- 15 महा-नरिन्दा निहीओ सव्वहा, किं बहुणा, समत्थ-खन्धावार-वासिणो
 वि जणा छम्मासे जाव मग्गाणुलग्गा, भरिया न सीहावल्लोइएणा
 वि तेण सच्चविय ति । तओ छट्ठ-भत्तेण भिक्खा-निमित्तं गोयरं
 पविट्ठस्स पदममेव चणिा-कूरं छलिया-तक्केण दिन्नं । तं भोत्तूण पुणो
 वि छट्ठोववासो कओ । तक्काल-पभिई तेणेव दोसेण, कच्चू, जरो
- 20 स्वासो, सासो, भत्तच्छन्दो, अक्खि-दुखं, पोट्टदुखं, एयाओ सत्त
 वाहीओ दारुणाओ सम्मं वास-सए सत्त आहियासिय उग्ग-तवेतत्त-तवे
 घोर-तवे करे माणस्स आमोसहि-खेलोसहि-विप्पोसहि-जहोसहि-सव्वो-
 सहि पभिईओ लद्धीओ उप्पन्नाओ । तओ वि सरीर-पडियारं न
 करेई । पुणो वि सक्केण पसंसिओ 'अहो सणकुमारस्स मुणि,णो
- 25 धीरया ! वाहि-कयत्थिओ वि न करेइ तप्पडियारं' तमसइहन्ता
 ते चेव देवा सवर-वेज्ज-रूवेणागया । भाणियं च 'भयवं, तुह वाहि,
 पसमं करेमो । भयवं तुण्हिक्को अच्छइ' । जाहे पुणो पुणो भणन्ति-
 ताहे मुणिणा भाणियं 'तुम्हे किं सरीर-वाहिं । फेडेह, उयाहु कम्म-

- ‘वाहिं’ ! तेहिं भाणियं ‘सरीर-वाहिं’ । तओ भयवया निद्रुहणे
 घसिऊण कणय-वण्णा कया अंगुली दंसिया; भाणियं च ‘अहं सय
 मेवइयर वाहिं फेडेमि, तुम्हे जइ संसार-फेडण-समत्था, तो फेडेह-
 दो वि देवा विम्हिय-मणा ‘तुम्हे चेव संसार-वाही फेडणे परम-वेज्ज’
 5 ति पसंसिऊण सक्क-सान्तियं वइयरमावेइऊण देव-रूवेण पणामिऊण
 गया सट्ठाणं । भयवं च कुमारत्तं मण्डलियत्तं च पन्नास-पन्नासं
 वास-महस्साइ, ‘वास-लक्खं च चक्कवट्ठित्तं, वास-लक्खं च सामण्णमणु-
 पालेऊण गओ सम्मेय-सेल-सिहरं । तत्थ सिलायले आलोयणा-
 विहाणेण मासिएण भत्तेण कालगओ । सणकुमारे कप्पे उववत्तो;
 10 तओ चुओ महाविदेह-वासे सिज्झिहि ति ।

वम्भदत्त

—:—

- सोमे नयरे चण्डवडिसयस्स रत्तो पुत्तो मुणिचन्दो नाम आसि ।
 सो य निव्विण्ण-काम-भोगो सागरचन्दस्स अन्तिए पव्वइओ । अन्नया
 उमं पव्वज्जं करेन्तो, गुरूहिं समं विहरन्तो, देसन्तरं पयट्ठो,
 भिक्खुवा गामं पविट्ठो, सत्थेण मुक्को, पच्छा अडवीए पव्वट्ठो ।
 5 तं पि तण्हा-द्धुहा-किलन्तं पेच्छन्ति चत्तारि गोवाल-दारगा । तं पडि-
 यरिय तओ तद्देसणाए पडिबुद्धा पव्वज्जं पडिवज्जिया । दो दुगञ्जं
 काऊण देवलोगं गया । तओ दसपुरे नगरे सण्डिहस्स माहणस्स
 जसमई-दासीए दो वि पुत्ता जमलगा तेणेव वम्भणेण जाया । अति-
 कन्त-बाल-भावा जोव्वणं पत्ता । अन्नया खेत्त-रक्खणद्धा अडविं गया ।
 10 तत्थ वडपायवस्स हेट्ठा पमुत्ता वडकोट्टाराओ निगान्तूण डक्को भुय-
 झमेण एगो दारगो । बीओ वि सप्पोवलम्भ-निमित्तं भमन्तो तेणेवा-
 हिणा दट्ठो । तओ अकय-पडियारा दो वि मया सन्ता कालिञ्जर नो
 मिगीए जमलत्तेण जाया । पुव्व-पीइ-संबन्धाओ आसन्नं चरन्ता वाहेण
 एगेण चेव सरेण दो वि विणिवाइया । तओ मया गङ्गातीरे दो
 15 वि हंसा एगाए हंसीए गव्वंमि उववन्ना, जाया, कालकमेण अड-
 कन्त-बाल-भावा । अन्नया तहेव समं भमन्ता एगेण मच्छबन्धेण
 एगाए पासियाए श्वात्ति गेण्हिऊण खन्धारं वालिऊण विणिवाइया ।
 तओ वाणारसीए नयरीए महाधण-समिद्धस्स भूयदिन्नाभिहाणस्स
 पाणाहिबइणो पुत्तत्ताए उववन्ना । तहेव अईव पीइ-संजुत्ता चित्त-
 20 संभूयनामाणो य भायरो जाया ।

इओ य तंमि विसए वाणारसीए सङ्को नाम राया, नमुईनामो य से
 मन्ती । अन्नया कह वि तहाविहे खूणे जाए जण-पच्छन्नं वहट्ठयाए
 तस्स भूयदिन्नो पाणाहिबई आणत्तो राइणा । तेण वि पच्छत्तो
 विहिओ भाणिओ य रक्खामि अहं तुमं, जइ भूमिहर-ठिओ मम

- पुत्ते पादेसि । जीवियत्थिणा पडिवन्नं तेण । तहा करेन्तस्स अइ-
 कन्तो कोइ काले । अन्नया भूयदिन्नेण विन्नायं, जहा 'मम पत्ती
 एएण सह अच्छइ । मारेउमादत्तो चित्तसंभूएहिं ' उवयारि-ति
 काउण नासाविओ । पच्छा हत्थिणाउरे नयरे सणकुमारस्स चक्कव-
 5 ट्ठिणो मन्ती जाओ । इओ य नेहि वि चित्त-संभूय-मायङ्ग-दारएहिं
 रूव-जोव्वण-लायण्ण-नट्ट-गीयाइ-कला-पगरिस-पत्तेहिं विसरय-वेणु-
 वणिा-सणाहं गन्धव्वं गायन्तेहिं सयलो वाणारसी-जणो हय-हियओ
 कओ । अन्नया मयण-महूसवे जाए पवत्तामु नाणाविहामु लोगच-
 चरीमु नचन्तेमु तरुण-तरुणी-गणेमु चित्त-संभूयाइ-पाणाणं पि चच्चरी
 10 निग्गया । तओ तेसिं साइसयं गीयं नट्टं च सोउण पसूण वि चित्त-
 हरं सव्वो वि नयरी-लोगो विसेसओ तरुणी-जणो ताण समीवं
 गओ । तओ पउर-चाउव्वेज्ज-लोएण ईसालुयाए रायाणं विन्नविंयं,
 जहा 'देव, एएहिं सव्वो वि लोगो विट्ठालिओ'ति । निवारिओ
 ताणं नयरी-पवेसो । गओ को वि काले । अन्नया कोमुई-महूसवंमि
 15 लोलिन्दियत्तणओ कोउहल-परा विस्सारिउण राय-सासणं अग-
 णिउण निय-भूमिं पविट्ठा नयरिं । तओ पेच्छणयं पेच्छमाणाणं अइ-
 रसओ कोलहुयरसिअं सोउं भज्जेउण वयणं निग्गयं गेयं । तओ
 वत्थावगुण्ठियमुहा गाइउं पवत्ता एगंमि देसे । तओ तं समाय-
 णिउण सुइ-सुहं ताण गेयं समन्तओ परियरिया सव्व-लोगेणं,
 20 भणियं च 'केण एयं किन्नराणुकारिणा महुरगेण अमयरसेणेव
 सवणाण सोकखमुप्पाइयं ?' तओ कट्ठिउण उत्तरिज्जाइं पलोइयं मुहं
 जाव ते चेव एए मायङ्ग-कुमारे-त्ति, तओ 'हण हण' ति भण-
 न्तेहिं पाय-प्पहार-चवेडाईहिं हम्ममाणा निग्गया नयरीओ, पत्ता
 बाहिहज्जाणं । तओ विसण्णा दुम्मणा चिन्तिउं पवत्ता 'धिरत्थु
 25 अम्हाणं रूव-जोव्वण-कला-कोसल्लाइ-गुण-कलावस्स, जेण मायङ्ग-
 जाइ-कलङ्क-मेत्तेण सव्वो सो दूसिओ, लोग-परिभूयाय जाय' ति
 गुरु-वेरमं गया । अकाहिउणं बन्धवाणं मरण-कय-निच्छया पयट्ठा

- दाकिण-दिसामुहं । तओ दूर-देसन्तर-गएहिं दिट्ठो एगो गिरिवरो ।
तमारुहन्तेहिं एगंमि सिलायले विकिट्ठ-तव-सोसियझो सुहज्जाणो-
वगओ वग्यारिय-पाणी काउस्समेण आयावेमाणो दिट्ठो एगो महामुणी ।
तं पेच्छिय जाय हरिसा गया तस्स ममीवं । तओ भात्ति-बहुमाण-
5 पुव्वयं वन्दिओ भयवं । तेण वि ज्ञाण-समत्तीए धम्म-लाम-पुव्वयं
‘कुओ भवन्तो समागय’त्ति संभासिया । तेहि वि पुव्व-वुत्तन्त-
कहणा पुव्वं साहिओ निययाहिप्पाओ, जहा एत्थ गिरिवरो
पडणं करेमो । तओ महारिसिणा भाणियं ‘न जुत्तं तुम्हारिसाण
अणेग-सत्थाववोहावदाय-बुद्धाणि पागय-जण-चेट्ठियं ति । करेह
10 सारीरमाणसाणेय-दुक्ख-वीय-भूय-कम्म-वण-दहण-सहं जिणिन्द-
पणीयं साहु-धम्मं’ति । तओ महा-वाहि-पीडिण्हिं व आउरेहिं सुवे-
जस्स व निस्सङ्खियं पडिच्छियं तस्स वयणं, भाणियं च ‘देह, भयवं,
अम्ह निय-वयं ! तेण वि जोमात्ति कलिउण दित्ता ताण दिक्खा ।
काल-कमेण य जाया गीयत्था । तओ छट्ठम-दसम-दुवालसद्धमास-
15 मासाइएहिं विचित्त-तवोकम्मेहिं अप्पाणं भावेमाणा गामाणुगामं विह-
रन्ता, कालन्तरेण पत्ता हत्थिणाउरं । ठिया वाहिरुज्जाणे । अन्नया
मास-खमण-पारणए संभूओ साहु पविट्ठो नगरं । गेहाणुगेहं इरिया-
समिओ भमन्तो रायमग्गावडिओ दिट्ठो नमुइ-मन्तिणा, पच्चामिन्ना-
ओ, जहा एत्तो मायङ्गदारओ रत्तो अत्तेसिं च जाणावेसइ’-त्ति
20 अप्पभएण निय-पुरिसे पट्ठाविउण जट्ठि-मुट्ठि-लउड-पहारेहिं कयत्थिय
निद्धाडाविओ । तओ तस्स निरवराहस्स हम्मन्तस्स कोव-करालि-
यस्स तेओ-लेसा तेसिं डहण-निमित्तं मुहाओ निग्गया । तओ कसि-
णव्वम-पडलेहिं व धूम-निवहेहिं समन्ता अन्धयारियं नयरं । तओ
भय-कोउहलेहिं आगया नागरया वन्दिउं, सपरियणा पसाइउं
25 पर्यत्ता । सणकुमार-चक्कवट्ठी वि तप्पसायणत्थं आगओ । पण-
मिउण कयज्जलिउडेणं भाणियं तेण ‘भयवं, खमेह अम्हारिसे-
हिं मन्दममोहिं अणेज्जेहिं अवरद्धं ति, संहर तव-तेयं, करेह पसायं
जीवियप्पयाणेणं ! भुय्यो न एवं करिस्सामो’त्ति । जाहे न पसीयइ,

ताहे चित्तसाहू जण-वायं सुणिय बहुल-धूम-छाइयं च गयणं ददुण तस्स
 समीवमागओ । भणिओ तेण ' भो संभूय, उवसमसु कौवाणलं !
 उवसम-पहाणा चेव महरिसओ भवन्ति; अवरद्धे वि न कोवस्सा-
 वगासं देन्ति, जओ दुरन्तो सत्त्वाणत्थहेऊ चरणिन्धण-दवाणलो
 5 कोहो । भणियं च

जह वणदवो वणदवं दवस्स जलिओ खणेण निदहइ ।
 एवं कसाय-परिणओ जीवो तवसज्जमं दहइ ॥
 अन्नं च

कोहो पीइं पगासेइ कोहो दुग्गइ-वड्डुणो ।

10 परितावकरो कोहो अप्पाणस्स परस्स य ॥
 मामुववासु करइ, विचित्तु वणवासु निसेवइ,
 पढइ नाणु झाणेण निच्चु अप्पाणं भावइ ।
 धारइ दुधरु वम्भचेरु, भिक्खासणु भुज्जइ
 जसु रोसु, तसु सयलु एउ निप्फलु संपज्जइ ॥

15 एवमाइ उवसमप्पहाणेहिं जिणिन्द-वयणजलोहेहिं विज्झाविओ कोह-
 मी । गओ वेरगं । तओ नियत्तो तप्पएसओ । गया य तमुज्जाणं ।
 चिन्तियं च णेहिं कय-संलेहणा अम्हे, ता एण्हिं जुत्तमणसणं
 काउं'ति । ठिया अणसणे । तओ सणंकुमारेणं नायामच्च-वुत्त-
 न्तेणं कोवमुवगएणं दद्ध-रज्जु-वद्धो नेयाविओ सो ताण समीवं ।
 20 तेहि वि अणुकम्पाए मोयाविओ नमुई । सणंकुमारो वि तेसिं वन्द-
 णत्थं सन्तेउरो गओ तमुज्जाणं । वन्दिया ते भत्ति-बहुमाण-पुब्बं
 अन्तेउर-साहिण । तओ इत्थी-रयण-सुणन्दाए पाएसु पढन्तीए
 साइसयं अलग्ग-फासमणु-भवन्तेणं काउमारद्धं नियाणं संभूएणं ।
 तओ चित्तमुणिणा चिन्तियं ' अहो दुज्जयत्तं मोहस्स ! अहो दुद-
 25 न्तया इन्दियाणं ! अहो उम्माहयत्तं विसायणं । जेणेस सुचारियत-
 वो वि सुचिइय-जिणिन्द-वयणो वि जुवई-वालग्ग-फासेण वि एरिस-
 मज्जावसइ' । तओ पढिबोहिउ-कामेण भणिओ सो ' भो. उवसमसु

एयाओ असुभज्जवसाणाओ । जओ असारा परिणाम-दारुणा
संसार-परिब्भमण-हेऊ काम-भोगा; निमेविज्जन्ता वि करेन्ति अहि-
यगुम्माद्वयं, दुहख्खा य ते परमत्थओ; सुहाभिमाणो तेषु मोह-
विलसियमेव । भणियं च—

5 जह कच्छुल्लो कच्छुं कण्डुयमाणो दुहं मुणइ सोक्खं ।
मोहाउरा मणुस्सा तह कामदुहं सुहं वेन्ति ॥

किं च ' भोग-निबन्धणं माणुस्सयं सरीरं केवलासुइ-ख्वं चव
सव्वं, अओ न किंचि तंमि राग-कारणं । जओ भणियं—

सुक-सोणिय-संभूयं असुई-रस-वड्डियं ।

10 तय-रत्त-मंस-मेयट्ठि-मिञ्ज-सुक-विणिम्मियं ॥१॥

नवेण रस-सोएहिं गलन्तमसुई-रसं ।

अमेज्झ-कोत्थलो देहं छवि-मेत्तं मणोहरं ॥ २ ॥

आढयं रुहिरस्सेव वसाए अद्ध-आढयं ।

कुंडवो पित्त-सिम्भाणं सुकस्स य तदद्धयं ॥३॥

15 सिंरा-संयाइ सत्तेव नव ण्हारु-सया भवे ।

न सरीरंमि एयंमि सुइत्तं किं पि विज्जए ॥४॥

मणुन्नमसणं पाणं खाइमं साइमं वरं ।

सरीर-संगमावन्नं सव्वं पि अमई भवे ॥५॥

वरं वत्थं वरं पुप्फं वरं गन्ध-विलेवणं ।

20 विणस्सए सरीरेणं वरं सयणमासणं ॥ ६ ॥

उल्ली दन्तेसु दुग्गन्धा मुढे वि असुई रसो ।

विलीणो नासिगाए वि सिम्भो बहइ निच्चसो ॥७॥

अट्ठीसु ईसियाइं ति कण्णेषु असुभो मलो ।

झरेइ रोम-कूवेहिं सेओ दुरभि-गन्धओ ॥८॥

25 एयारिसे सरीरंमि सव्व-रोगाण आगरे ।

सुनिच्छियागमो होउं मा मुज्झ मुणि-पुंगव ।

एवमाइ अणुसासिओ वि न पटिवुद्धो एसो । मोहस्स उक्क-
टयाए कयं च नियाणयं संभूणा । जइ इमस्स तवस्स अपि
फले, तो जम्मन्तरे चक्खन्ही होज्जाहं ' ति । सच्चनियं इमं
तेण, जहा—

5 अइविसमो मोहतस्स अणाइ-भव-भानणा-वियय-मूलो ।

दुवस्सं उम्मूलिज्जइ अच्चन्तं अप्पमत्तेहि ॥

तओ मरिउं सोहम्मे कप्पे दो वि देवा जाया । ततो नित्त-नीवो
जुओ पुरिमताले इव्व-पुत्तो जाओ । संभूय-जीवो तओ जुओ सन्तो
(कम्पिहपुरे बम्भो नाम राया, तस्स जुलणी नाम देवी) तीए

10 उदरे चोइस-महा-सुमिण-सूओ उप्पन्नो जाओ य कमेणं । कयं च
से नामं बम्भदत्तो ति । यद्विओ देहोवचएणं कळा-कळावेण य ।

तस्स य बम्भराइणो उत्तम-वंस-संभूया महारायाणो अत्तारि मित्ता
आसि । तं जहा—

कासि-विसयाहिर्वई कडओ गयवर-वई कणेरदत्तो ।

15 कोसल-विसयाहिर्वई दीहो चम्पाहिर्वई पुप्फचूलो ति ॥

ते अच्चन्त-नेहेण परोप्परं विरहमणिच्छन्ता समुइया चेव वच्छरमे-
क्केकं परिवाडीए विविह-कीला-विसेसेहि-सरज्जेमु विट्ठन्ति । अत्रया

ते समुइया चेव बम्भ-समीवमागया । विट्ठन्ताण य ताणं मरण-पउज-
वसाणयाए जीव-लोयस्स बम्भस्स मन्त-तन्तोसहईणमसज्जो उप्पन्नो

20 सिर-रोगो । तओ तेण वाहराविया कडगाइणो मित्ता; ताण उच्छन्ने
मुक्को बम्भदत्तो; वुत्ता य ते, जहा—'तुव्वेहि एस रज्जं कारेयज्जो'

एवं रज्जन्तिन्तं काउण कालगओ । कयं से वयंसेहि
पेय-किञ्चाइयं । तओ कडगाईहि भाणियं ' जाव एस

कुमारो रज्ज-धुरा-वहण-जोगो होइ, ताव अन्हेहि एयं रज्जं
25 'पालेयज्जं' ति मन्तेउण सज्ज-सम्मण्ण दीहं ठविउण गया स-रज्जेसु

सेसा । गएसु य तेसु सो दीहो परिवालेइ सज्ज-सामगियं रज्जं,
पलोएइ भण्डारं, पविसइ अन्तेउरं, मन्तइ समं जुलणीए; तओ

दुनिवारयाए इन्दियाणं, अगणिऊण वाम्भमित्तत्तणं, अवमन्निऊण
 वयणीययं, संपलमो समं चुलणीए । एवं पवड्डमाण-विसय-सुह-रसाणं
 गच्छन्ति दिणा । तओ वम्भराइणो बीय-हियय-भूएण धणु-नामेण
 मन्तिणा अवितहं मुणियं, चिन्तियं च णेण, जहा ' जो एवंविहं पि
 5 अकज्जमायरइ, सो किं वम्भदत्त-कुमारस्स उदयं इच्छइ'ति
 चिन्तिऊण वरधणु-नाम कुमारो एगन्ते भाणिओ, जहा ' पुत्त,
 एयस्स माया दुच्चारिणी जाया; ता एयस्स रहसि जाणावेहि एयं
 वइयं कुमारस्स' ति । तहा कयं तेण । तओ कुमारो माउदुच-
 रियं असहमाणो तीए जाणावणा-निमित्तं काय-कोइला-संगहणं
 10 धेत्तूण अन्तेउर-मज्जे गन्तुं भणइ ' अन्नो वि जो एवं करिस्सइ,
 तस्सा हं निग्गहं काहामि'ति भणइ । अन्न दियहे मइ-करिणीए
 सह संकिण्ण-गयं धेत्तूण तहेवागओ । तओ दीहेण एयं मुणिय
 भणिया चुलणी ' अहं कागो, तुमं कोइल ति' । तीए संलत्तं
 ' बालो कुमारो, जं वा तं वा उल्लवइ' । तओ तेण वुत्तं ' न एवं
 15 अन्नहा; ता मारिज्जउ कुमारो रइ-विण्ण-करो; ममंमि साहीणे तुह
 अन्ने सुया भविस्सन्ति'ति । तओ रइ-नेह-परव्वसाए एरिसं पि
 'मणसा वि अचिन्तणीयं पाडिसुयं इमीए । जओ—

महिला आलं कुलहरं महिला लोयंमि दुच्चरियं खेत्तं ।

महिला दुग्गइ-दारं महिला जोणी अणत्थाणं ॥

20 मारइ पिय-भत्तारं हणइ सुयं तह पणासए अत्थं ।

नियगेहं पि पलीवइ नारी रागाउरा पावा ॥

भणियं च तीए ' जइ कहवि तेण उवाएण मारिज्जइ, जहा
 जणाववाओ रक्खिज्जइ' । तेण वुत्तं ' एयमिमं कज्जं, कुमारस्स
 विवाहं करेमो; तस्सामग्गीए सह अणेग-खम्भ-पइट्ठियं गूढ-निग्गम-
 25 पवेसं करेमो जउहरं । तत्थ विवाहाणन्तरं सुह-पमुत्तस्स अग्गि-
 दाणेण अलक्खियं कज्जं करिस्सामो'ति मन्तिऊण एगस्स महा-
 राइणो धूया वरिया, पारद्धा य विवाह-निमित्तं मयला सामग्गी ।

इओ य धणु-मन्तिणा वम्भदत्त-कज्जावहिण्ण विन्नत्तो दीहराया
 जहा 'एस मम पुत्तो वरधणू कुमारो रज्ज-धुरा-चिन्तण-समत्थो
 वट्ठइ; अहं पुण परलोग-हियं करेमि'ति । तओ तेण कइयवेण
 भणिओ 'अलं अन्नत्थ पउत्थेणं ! इहट्ठिओ चेव दाणाइणा धम्मं
 5 करेहि 'ति । इमं च पडिवज्जिऊण धणुणा गंगा-तीरे महई पवा
 कारिया । तत्थ पन्थिय-परिव्वायगाईण पकामं अन्नपाणं दिज्जिउं
 पवत्तं । दाण-माणोवगार-गहिण्हिं य पच्चइय-पुरिसेहिं दुगाउय-
 पमाणा सुरंगा खणाविया, जाव जउहरं पत्तं ति । इओ य सा वहू
 विविह-नेवच्छ-परियण-परिगया पुर-वरं संपत्ता, पवेसिया । महा-
 10 विभूर्इए जाव वित्तं पाणिगहणं । तयणन्तरं विसज्जिऊण जण-
 समूहे पवेसिओ कुमारो सह वहूए जउहरं । तओ तत्थ वहू-
 सहिज्जस्स आसणोवविट्ठ-वरधणु-सहियस्स विसज्जिय-सेस-परियणस्स
 गयं जामिणी-जाम-दुगं ।

तओ समन्ता पलीवियं वास-भवनं उच्छलिओ हाहा-रवो । तओ
 15 'किं कायन्नं'ति मूढ-माणसेण पुच्छिओ वरधणू 'किं एयं'ति । तेण
 भणियं, जहा 'सा राय-धूया लेह-पेसणेण विणिवारिया; एसा काइ
 अन्ना; इमाए पडिवन्धो न कायन्नो ति । एत्थ जउहरे पणिह-प्पहारं
 देसु; जेण निमाच्छामो' । तेण तहा कयं । तओ भेत्तूण तं सुर-
 20 क्काए निमान्तूण दुवार-देसे गया । इओ य धणुमन्तिणा पुव्वमेव
 दो पच्चइय-पुरिसा सुरक्का-दुवारे तुरक्कमारुद्धा धरिया । ते वरधणुस्स
 संकेय-मिलिय-आसेसु य ते कुमारो आरोविय गया । कुमारो विय पयट्ठा
 गन्तुं, गया य पन्नास-जोयण-मेत्तं भूमिभागं । दिहरद्धाण्णखेएणं निवटिया,
 25 सुरक्का । पाएसु चेव गन्तुं पयट्ठा, पत्ता य कोट्ठाभिहाण-गामं ।
 तओ कुमारेण वरधणू भणिओ, जहा 'छुहा वाहति, ददं परिसन्तो
 25 हि' । तं तत्थ सण्ठवेऊण पविट्ठो गामं; मुण्डयं धेत्तूणागओ ।
 मुण्डावियं कुमारस्स सीसं, परिहाविओ कसायवत्थो । चउरक्कुल-
 पमाण-पट्टवन्धेण सिरिवच्छालक्किय-छाइयं वच्छत्थलं । वरधणुणा

वि कओ वत्थ-परावत्तो । पविट्ठा गामव्भन्तरं । ताव य एक्क-दिय-
वर-मन्दिराओ निम्मान्तूण दास-चेट्ठेण भाणिया ते 'एह, भुञ्जह'ति ।
तओ गया तत्थ रायाणुरूव-पटिवत्ति-जुत्तं भुञ्जाविया ते ।

तदवसाणे य एक्का पवर-महिला बन्धुमइमुद्दिस्स कुमार-उत्तमङ्गे
5 अक्खए पक्खिवइ । भणइ य 'एस इमाए कन्नगाए वरो' ति ।
एयमायाण्णिउण भाणियं वरधणुणा 'किमेयस्स मुख-
बहुयस्स कए अप्पाणं खेएह?' तओ वरसामिएण भाणियं
'सामि, सुन्वउ । पुत्वं नेमित्तिएण साहियं अम्हं, जहा—इमाए
बालियाए जो पट्टच्छाइय-वच्छो समित्तो भुञ्जिही भोयणं, स होही
10 भत्तारो' ति । एवमाइ भाणिओ तंमि दियहे काराविओ पाणिगहणं
कुमारो ति । वीय-दिणे भाणिओ कुमारो वरधणुणा 'दूरं गन्तव्वं'ति ।
तओ बन्धुमईए सव्भावं कहिय निगया । गच्छन्ता पत्ता दूरगा-
मन्तरं । तत्थ सालिलत्थी वरधणू पविट्ठो । लहुमागन्तूण भणइ जहा
'दीहराइणा वम्भदत्तस्स सव्वओ पन्था बन्धाविय' ति जण-वाओ
15 एत्थ मए सुओ । ता कुमार, नस्सामो ! ' तओ
पयट्ठा उम्मगेणं । पत्ता महाडइं । तओ कुमारं वडस्स
हेट्ठा ठविउं तिसाभिभूयं गओ वरधणू जलट्ठा । ताव य दिगा-
वसाणे दिट्ठो वरधणू जम-भडेहिं व दीह-निउत्त-नरेहिं हम्ममाणो
दूर-देसमागओ । कुमारस्स सत्ता कया । पलाणो वम्भदत्तो, पडिओ
20 य दुग्गाम-कन्तारं ।

तओ तण्हा-च्छुहा-परिस्सम-किलन्तो अइक्कमिउण महाडइं तइय-
दिणे पेच्छइ तावसमेक्कं । दंसण-मेत्तेणेव जाया तस्स जीवियासा ।
पुच्छिओ य सो 'भयवं, कत्थ तुम्हाणमासमो?' तेण वि कहिउं
नीओ कुलवइ-समीवं, पणमिओ कुलवई । भाणिओ य तेण 'वच्छ,
25 कहिं ते आगमणं? बहुपच्चवायमरण्णं' । तओ तेण सव्वं जहावत्थि-
यमवितहं 'साहियं । तओ सो भाणिओ कुलवइणा 'जहाहं तुह
जणयस्स खुल्लताओ ति; ता नियं चेवासमपयं तुम्ह; जहासुहं
चिट्ठह'ति । मुणिउण तस्स चित्ताहिप्पायं अच्छिउं पयत्तो । ताव

य समागओ जलय-कालो । तत्थ सो अज्जएण सयलाओ धणुवे-
याइयाओ महत्थ-विज्जाओ गुणाविओ । अन्नया सरय-समयंमि फल-
कन्द-मूल-कुसुम-सामिहेय-निमित्तं अरण्ण-परिसरे गच्छन्तेसु तावस-
कुमारेसु सो वि कोऊहलेण निरुब्भन्तो वि कुलवड्ढा गओ

5 रण्णं । तत्थ सरस-फल-कुसुम-सामिद्धां पलोयन्तेण दिट्ठो तेण महा-
करी । कओ य तेण गल-गज्जिय-रवो । तओ अणुमग्गेण चालिओ करी
तयाभिमुहं । तओ तेण तस्स पुरओ वेण्टली-काऊण पविस्सत्तमुत्तरीयं ।
तेणा वि तक्खणं चेव सोण्डाए गहिय खित्तं गयणे । जाव कोहन्धो
जाओ, ताव तेण छलिऊण दक्खत्तणओ गहियं । तओ तेण नाणा-

10 विह-कीलाए परिस्सपं नेऊण मुक्को करी ।

तओ पयट्ठो गन्तुं पडिपहेणं मूढ-पुज्जावर-दिसा-भागो । इओ तओ
परिभमन्तो पेच्छइ गिरी-नई-तड-सन्निविट्ठं पुराण-पडिय-भवन-खण्ड-
भित्ति-मेत्तोवलक्खियं जिण्ण-पुर-वरं । तदंसणंमि य जाय-कोऊ-
हलो दिसि दिसि निहित्त-दिट्ठी पलोएन्तो पेच्छइ पास-परिमुक्क-खे-

15 डय-खगमेकं वियड-वंस-कुडङ्गं । तं च दट्ठणं कोउगेण खेळं वाहियं
तंमि वंस-कुडङ्गे तं खगं । एक्क-पहारेण निवडिया वंस-कुडङ्गी ।
वंसन्तरालडियं च निवडियं रुण्डमेगं दर-फुरन्त-उट्ठ-उट्ठं मणोहरा-
यारं सिर-कमलं । दट्ठण तेण तं ससंभन्तेण ' हा ! धिरत्थु मे वव-

सियस्स' ति निन्दियं अत्तणो बाहु-वलं । तओ पच्छायाव-परदेण
20 पलोएन्तेण दिट्ठं बद्धं उट्ठं-चलणं धूम-पाण-लालसं कवन्धं । सम-
हियं से अधिई जाया । पुणो वि पलोएन्तेण दिट्ठं पवरमुज्जाणं,
तत्थ य समन्तओ असोग-वर-पायव-परिविस्सत्तं सत्त-भूमियं पासाय-
मवणं । दट्ठण य तं अवल्लगो कमेण सत्त-भूमिगाए दिट्ठा य तत्थ
वियसिय-कुवलय-दलच्छी विज्जाहर-सुन्दरि व्व परिगलिय-विज्जा एक्का

25 पवर-महिला । पुच्छिया य सा तेण ' सुन्दरि, का सि तुमं ?' तओ
सा ससज्जसमेव जंपिउं पयत्ता, जहा ' महाभाग, महन्तो मईओ
वड्यरो; ता तुमं चेव साहसु को तुमं, कहिं वा पयट्ठो !' तओ

सोऊण तीसे कोइलालाव-महुरं वयण-विन्नासं समावज्जिय-माणसेण
 अवितहं भाणियं तेण ' सुन्दरि, अहं पञ्चालाहिवइणो बम्भराइणो
 पुत्तो बम्भदत्तो नाम । ' तओ तव्वयण-सवणाणन्तरमेव आणन्द-
 वाह-परिपुण्ण-नयणा सहसच्चिय अब्भुट्ठिया, हरिस-फुल्ल-नयणा
 पडिया तस्स चलणेसु, रोविउं पयत्ता । तओ कारुण्ण-गहिय-हिय-
 एणं तेणुत्तामियं वयणं ' मा रुवसु ' ति भणन्तेण संठाविया पुच्छिया य
 ' सुन्दरि, कासि तुमं ' ति । तओ फुसिय-नयणा भाणिउं पयत्ता ' कुमार,
 अहं तुह माउल्लास पुप्फचूल-राइणो धूया तुम्ह चेव विइण्णा ।
 विवाह-दियहं पडिच्छमाणी निय-परुज्जाण-दीहिया-पुलिणे कीलन्ती
 दुट्ठ-विज्जाहरेण इहाणीया । जाव य बन्धु-विरहग्गि-संपलित्ता चिट्ठामि
 अहं, ताव तुमं आचिन्तिय-हिरण्ण-बुट्ठि-समो सहसच्चिय आगओ ।
 ता जाया मे जीवियासा, जं तुमं दिट्ठो सि ' ति । तओ तेण वुत्ता
 ' कहिं पुण सो मह सत्तु, जेण से परिवेमेमि बल-विसेसं ? ' तीए
 भाणियं ' सामि, दिन्ना मे तेण पडिय-सिद्धा संकरी नाम विज्जा,
 भाणियं च-तुह सा सुमरिय-मेत्ता सहि-दासाइ-परिवारा होउं आएसं
 काही, पच्चणीयं तुज्झन्तियमेन्ती निवारेही, साहिस्सइ य मम चेट्ठियं
 तुह पुच्छिया सन्ती । सुमारिया य सा मए, ता साहेमि । नट्टमत्तो
 नामेस विज्जाहरो, जेणाणीयाहं । न य सो मह पुण्णाहियाए तेयं
 सहिउं सक्कइ ति मं मोत्तुं विज्जा-निम्मियंमि सिय-रत्त-पट्टाया-भूसिए
 पासाए, पेसिउं च मह वइयर-जाणावणत्थं निय-भगिणीणमन्तिए
 जाणावणिं नाम विज्जं, सयं गओ वंस-कुडङ्गं, विज्जं साहिय निगओ
 य मं परिणेहि ति । अज्जं च किर से विज्जा-सिद्धि भविस्सइ । '
 तओ एयं सोऊण बम्भदत्तेण पुप्फवईए सिट्ठो तन्निहण्ण-वइयरो ।
 सहरिसं च भाणियं तीए ' अज्जउत्त, सोहणं कयं, जं सो दुरप्पा
 निहओ ' । तओ सा तेण गन्धव्व-विवाहेण विवाहिया । ठिओ य
 कंचि कालं तीए समं । अन्नया निसुओ तेण दिव्व-विलयाण
 आलावो । पुच्छिया सा तेण ' कस्स एस सद्धो ? ' तीए वुत्तं ' अज्ज-

उत्त, एयाओ तस्स तुह वइरिणो नट्टमत्तस्स भगिणीओ खण्ड-विसाह
 नामाओ विज्जाहर-कुमारीओ तन्निमित्तं विवाहोवगरणं धेत्तुण आग-
 याओ । ता तुब्भे ताव अवक्कमह लहुं, जाव एयासिं भावं उवक्क-
 मामि त्ति । नइ तुम्होवरि राओ भविस्सइ एयासिं, तोऽहं पासा-
 5 ओवारिं रत्तं पडागं चालिस्सामि त्ति, अन्नहा सियं ति ।

तओ थेव-वेलाए धवल-पडागं दट्ठुं सणियमवक्कन्तो तप्पएसाओ
 पत्तो गिरि-निउज्ज-मज्झंमि । दिट्ठं च महा-सर-वरं । मज्झिओ जहा-
 विहिं तंमि, उत्तिण्णो य उत्तर-पच्छिम-तीरे । दिट्ठां य तत्थ एक्का
 वर कत्तगा । चिन्तियं च तेण ' अहो ! मे पुण्ण-परिणई, जेणेसा
 10 दिट्ठि-गोयरं पत्ता ' तओ सो वि सिणेह-निब्भरं पलोइओ तीए ।
 तओ पलोयान्तिया पत्थिया सा तप्पएसाओ, जाव थेव-वेलाए तीए चेव
 पेसियाए चेडीए समप्पियं वत्थ-मुयलं पुप्फ-तम्बोलाइयं च । भणियं
 च तीए ' जा सा तुमे दिट्ठा महा-सर-तीरे तीए पेसियमिमं । बुत्ता
 य अहं तीए—हले वणलइए, एयं महाणुभावं अम्हं ताय-मन्तिणो
 15 मन्दिरे सरीर-डिइं कारेह । ता एह तुम्हे ? ' तओ कुमारो पसा-
 हियालंकिओ गओ नागदेवामच्च-मन्दिरं । बुत्तो य तीए मन्ती ' एस
 तुम्ह सामिणो सिरिकन्ताए धूयाए पेसिओ, ता सायरं दट्ठव्वो ।'
 मन्तिणा तहेव कयं । बीय-दिणे नीओ राय-समीवं । तेणवि अब्भु-
 20 डिउण धुरे दिन्नमासणं । पुच्छिओ सो बुत्तन्तं । भुत्तुत्तर-काले य
 ' ति भणिय सायरं दिन्ना सिरिकन्ता कत्तया । पहाण-दिणे वित्तो
 विवाहो । अज्जया कुमारेण पुच्छिया पिया ' किमत्थं मज्झ एगा-
 ' गिणो दिन्ना तुमं ' ? तीए बुत्तं ' अज्जउत्त, एस अम्हं ताओ
 मलिय-दाइय-मोहिओ इमं विसमं पल्लिं समस्सिओ । सो य नयर-
 25 गामाइ हन्तूण दुग्गे पविसइ त्ति । सिरिमईए तायन्त पत्तीए चउण्हं
 पुत्ताणं उवरि अहं जाया वल्लहा अइव पिउणो । जोव्वणत्था य
 अहं बुत्ता रत्ता ' प्राप्ति, सब्बे विरुद्धा मम राइणो; ता इहट्ठियाए

‘वेव जो तुह मणोरमो वरो, सो कहियव्वो’ ति । तओ अहं पल्ली-
ओ निगन्तूण महा-सर-वरं गन्तूण पुरिसे पलोएमि जाव, तुमं
दिट्ठो पुण्णेहि ति । एस परमत्थो’त्ति । तओ सिरिकन्ताए समं
विसय-सुहं माणन्तस्स गच्छन्ति दिणा ।

अत्रया सो पाल्लि-नाहो निय-बल-समिओ गओ विसयं हन्तुं । सो
वि तेण समं गओ । ताव य दिट्ठो तेण तग्गाम-बाहिरासंजे कमल-
सर-तीरे सहसच्चिय वरधणू । सो वि तं पच्चभिजाणिऊणं अस्स-
भादणीय-दंसणं रोविउं पयत्तो । संठविओ तेण । सुह-निसण्णेण
पुच्छिओ वरधणुणा कुमारो ‘मम परोक्खे किं तए अणुभूयं ?’ तेण
वि सव्वं सिद्धं ति । तेण वि पुच्छिण्ण वुत्तं ‘कुमार ! सुव्वउ,
तया हं नग्गोह-हेट्ठा तुमं ठविय जलट्ठा गओ । तओ दिट्ठं मए
महासरं । तओ पुट्ठए धेत्तूण जलं जाव तुहन्तिए पयट्ठो ताव य
सहसच्चिय सन्नद्ध-बद्ध-क्वएहिं ताडिओ दीह-भट्ठेहिं ‘रे रे
वरधणू, कहिं बम्भदत्तो ति’ भणन्तेहिं । मए भणियं ‘न याणामि ।’
तओ तेहिं ददयरं ताडिज्जमाणेण भणियं मए जहा ‘वग्घेण
भाक्खिओ’ । तेहिं वुत्तं ‘दंसेहि तं पएसं’ । तओ हं इओ तओ
भमन्तो कवट्ठेण गओ तुह दंसण-पहं । ‘पलायसु’त्ति कया तुह सत्ता ।
मया वि परिव्वायग-दिन्ना मुहे कया गुलिया । तप्पभावेण य
जाओ निच्चेयणो । तओ मओ ति नाऊण गया ते । चिरेण य
कहिदया मुहाओ मया गुलिया । तओ तुमं गवेसिउं पयट्ठो, न य
मए दिट्ठो । गओ एगं गामं । तत्थ दिट्ठो एगो परिव्वायगो । तेण
वुत्तं ‘तुह तायस्स अहं मित्तो वसुभागो नाम’ कहियं च तेण
जहा—धणू पलाओ; माया य ते मायङ्ग-पाडए पक्खित्ता दीहेण ।’
तओ एयं सौऊण महा-दुक्खेण अहं गओ कम्पिल्लपुरं । कावालिय-
वेसं काऊण वच्चिऊण मायङ्ग-मयहरं अवहरिया माया । तओ
एगंमि गामे पिउ-मित्तस्स देवस्सम्मस्स माहणस्स घरे मोत्तूण मायरं
तुममण्णेसन्तो इहागओ ।

- एवं मुहं दुःखं मत्तन्ता जाय अच्छन्ति, ताव एको पुरितो स
गओ । तेण वुत्तं. जहा—महा-भाग. न कहिं नि रिण्ठियज्जं; तु
प्पेमणत्तं वीह-निउत्ता चरा इहागयंति । तओ दोवि सहुं व
गहाणाओ निगन्तुं भमन्ता गता कोमब्धि । तत्थ नयरी-आहिरञ्जाणो
5 दिट्ठं दोण्हं सेट्ठि-सुयाणं सागरदत्त-बुद्धिल-नामाणं पर्णी-याउ
सय-महम्मं मंपलमां कुक्कुड-जुज्झं । एओ सागरदत्त-कुक्कुडेण बुद्धिल
कुक्कुडो; पुणो वि बुद्धिल-कुक्कुडेण एओ सागरदत्त-कुक्कुडो
तओ भग्गो सागरदत्त-कुक्कुडो बुद्धिल-कुक्कुडस्स संमुहं कीरमाने
वि णाहिलसइ जुज्झिउं ति हारियं सागरदत्तेण लक्खं । एत्थन्तरं
10 य वरधणुणा भणिया सागरदत्त-बुद्धिल, 'विमैसो मुत्ताइ वि
भग्गो कुक्कुडो बीय कुक्कुडाओ ! ता पेच्छामि, जइ न कुप्पह
तुब्बे' । सागरदत्तो भणइ 'भो महाभाय, पेच्छ पेच्छ, जओ नत्थेत्थ
कोइ मम दत्त-लोभो, किं तु अभिमाण-सिद्धीण पओयणं ।'
तओ पलोइओ वरधणुणा बुद्धिल-कुक्कुडो । दिट्ठाओ य तच्चल-
15 ण-निवद्धाओ मुद्धलण्हाओ लोहमय-सुईओ । लक्खितओ य सो
समीवमागन्तुं 'जइ न जंपासि सुई-वइयरं. तो दाहं तुह लक्खद'
ति निहुयं साहियं वरधणुणो । तेणा वि 'भो निखवियं मए,
परं न किं चि दीसइ' ति जंपन्तेण वि, जहा बुद्धिलो न लक्खइ, तथा
कहं चि लोयणङ्गलि-संचार-प्पओगओ जाणाविओ. सागरदत्तो । तेणा-
20 वि कइइउणालक्खं पिव सुई ओभेडिओ. निय-कुक्कुडो । तेण य
पराजिओ बीय-कुक्कुडो ति हारियं बुद्धिलेण वि लक्खं । तओ
जाया दोण्ह वि सरिसरी । परितुट्ठो य सागरदत्तो पप्फुल्ल-वयणो
'अज्जउत्ता, गिहं गम्मउ' ति वोत्तुमारोविउं रहवरे दोवि गओ निय-
गेहं । कय-उच्चिय-किञ्चो निच्चं पेच्छइ पीईए ।
25. 'तत्तेह-नियन्तियाणमन्नयर-दिणे आगओ एगो दासचेडो सिद्धिओ
चाणेण वरधणू, नीओ एगन्ते । तओ सुइ-वइयरानंपणे, जं ते
सुक्खियमासि बुद्धिलेण अद्धलक्खं, तत्तिमित्तमेसो पेसिओ चालीस-

साहसो हारो' ति वोचुं समप्पितं च हार-करण्डियं गओ दास-
 चेहो । वरधणू वि तं घेत्तुणागओ बम्भदत्तन्तियं, साहिय-सरूवो य
 दरिसेइ से करण्डियाओ काइइत्तु हारं । पलोइन्तेण य कुमारेण तदेग-
 देसावलम्बिओ दिट्ठो बम्भदत्त-नामाङ्किओ लेहो, पुच्छियं च ' वयंस,
 5 कस्सेसो लेहो?' वरधणू भणइ ' को जाणइ ? बहवे बम्भदत्त-नामगा
 पुरिसा सन्ति; किमेत्थ चोज्जं ?' तओ अयहेरी-परे कुमारे वरधणुणा
 एगन्ते नेउं विहाडिओ लेहो, दिट्ठा य तस्स मज्झमि इमा गाहा-
 पत्थिज्जसि जइ वि जए जणेण संजोय-जणिय-जत्तेण ।
 तद्दवि तुमं चिय धणियं रयणवई मुणइ माणेउं ॥
 10 चिन्तन्तस्स य 'कहमवगाच्छिस्समिमीए भावत्थं' ति वरधणुणो
 बीय-दिणे आगया एगा पच्चाइया । सा य पत्तिवित्तण-उत्तय-कुसु-
 माणि कुमार-उत्तमङ्गे 'पुत्तय, वास सहस्साऊ भवसु' ति भणन्ती वर-
 धणुमेगन्ते नेइ; मन्तिउण य तेण समं किं पि पडिगया । तओ
 पुच्छिओ कुमारेण वरधणू ' किमेसा जंपई ?' सो भणइ ' एयाए
 15 इमं संलत्तं, जो सो तुम्हाणं बुद्धिलेण करण्डमि हारो पेसिओ, तेण
 समं लेहो समागओ; तस्स पडिलेहं सम्पेह ।' मया भणियं ' एसो
 बम्भदत्त-रायनामाङ्किओ दीसइ, ता साहह, को एसो बम्भदत्तो ।'
 तीए भणियं ' सुम्मउ, किं तु न तए कस्स वि साहियव्वं । अत्थि
 इहेय नयरीए सेट्ठि-धूया रयणवई नाम कळया । सा य बाल-भा-
 20 वाओ चेव अईव मम नेहाणुरत्ता । जोव्वणमणुपत्ता दिट्ठा य मया
 अन्न-दिणंमि सा किं चि ज्ञायमाणी । तओ हं गया तीए समीवं ।
 भणिया य मया ' पुत्ति रयणवइ, किं चिन्तेसि ?' परियणेण भणि-
 यं ' बहुणि दिणाणि एवमेईए दुम्मणाए' । तओ पुणो पुणो
 पुच्छिया वि मए जाव न किंचि जंपइ ताव भणियं तस्स सहीए
 25 पियङ्गुलइयाए ' भयवइ, एसा लज्जन्ती न किं पि तुज्झ साहिउं
 सकइ, ता अहं कहेमि । इओ गयंमि कंमि वि दिणे कीडत्थमु-
 ज्जाणगयाए भाउगस्स-बुद्धिल-सेट्ठिणो लक्ख-पणेणं जुज्जावेन्तस्स
 कह वि तंप्पएसागओ दिट्ठो अपुव्वो को वि वर-कुमारो ।

तं च दृष्ट्वेमा एरिसी जाया । तं च मए सोऊण
 लनिराओ तीए मयण-वियारो । भणिया य ससिणेहं 'पुत्ति-
 साहमु सब्भायं !' तओ कहकहवि सब्भायमुवगया भणइ 'भयवइ,
 तुमं मम जणणी; ता नत्थि किं पि तुम्हं अकहणीयं । एयाए
 5 पियइगुलइयाए जो कहिओ, सो बम्भदत्त-कुमारो जइ मे पर्इ न
 होइ, तो नूणं मरामि । तओ एयमायण्णिऊण भणिया सा मए
 'वच्छे, धीरा होहि ! तहा करिस्सं, नहा तुह समाहियं संपज्जि-
 स्सइ' । तओ सा किंचि सन्था जाया कइ-दिणंमि य हिययासा-
 सणत्थं भणिया मए 'वच्छे, दिट्ठो सो मए बम्भदत्त-कुमारो' ।
 10 तीए सोऊमेवं समूससिय-हिययाए भणियं 'भयवइ, तुम्ह पसाएण
 सत्वं सुन्दरं भविस्सइ; किं तु तस्स विस्सास-निमित्तं बुद्धिल-यवए-
 सेणेमं हार-रयणं करण्डए पन्निवविऊण पेसेहि बम्भदत्त-नामाङ्गियं
 चेयं लेहं ! निरुवियं च तं तहा कइं मए । ता महाभाग, कहिओ
 तुहेसो लेह-वइयरो । संपयं पडिलेहं देहि ।' मए वि समप्पिओ तीए
 15 इमो पडिलोहो—

गुरु-गुण-वरधणु-कलिउं त्ति माणिउं गुणइ बम्भदत्तो वि ।
 रयणवई रयणवई चन्दो वि य चन्दणी-जोगो ॥

सोऊं चेमं वरधणु-साहियमदिट्ठाए वि रयणवईए जाओ कुमारो
 तम्मणो । तइंसण-समागमोवायमण्णेसमाणस्स य गयाणि कइ-
 20 वयं-दिणाणि ।

अन्नामि य दिणे समागओ बाहिराओ वरधणू संभन्तो भणिउं पयत्तो,
 जहा 'कुमार, इह नयर-सामिणो कोसलाहिवेण अम्हाण गवेसण-
 निमित्तं पेसिया पच्चइय-पुरिसा, पारद्धो य नयर-सामिणा उवक्क-
 मो त्ति सुम्मइ बहुसो घुणाहुणी । तओ नाऊमेयं वइयरं सागरदत्तेण-
 25 गोविंया दो वि भूमिहरए । समागया रयणी । भणिओ 'कुमारेण
 सागरदत्तो तहा कुणसु, नहा अम्हे अवक्कमामो !' एवं चायण्णिऊण
 निगओ नयरीओ सागरदत्तो गया थेवं भूमि-भागं, तओ आणिच्छ-

- माणं पि कहकहवि नियात्तिऊण सागरदत्तं पयट्टा कुमार-वरधणू ।
 गच्छन्तेहि य नयरीए बाहिं जक्खाययणुज्जाण-पायवन्तराल-परिसं-
 ठिया पहरण-समन्निय-रहवर-समीवत्था दिट्ठा एका पवर-महिला ।
 तओ तीए सायरमब्भुट्ठिऊण भणियं ' किमेत्तियाओ वेलाओ
 5 तुम्हे समागया ? ' तं च सोउं कुमारो भणइ ' भदे: के अम्हे ? '
 तीए भणियं ' सामि, तुब्भे बम्भदत्त-वरधणुणो ' । कुमारो भणइ
 ' कहमेवमवगयं ? ' तीए भणियं ' सुम्मउ ! इहेव नयरीए धण-
 पवरो नाम सेट्ठी । तस्स धणसंचया नाम भज्जा । तीएऽहमट्ठण्हं
 पुत्ताणमुवरि धूया जाया । अइकन्त-बाल-भावाए मज्झं न रुचइ
 10 को वि पुरिसो । तओ जक्खमिममाराहिउमादत्ता । जक्खेण वि
 मह भत्ति-तुट्ठेण पच्चक्खेण होउं भणिया ' वच्छे, तुह भविस्स-चक्क-
 वट्ठी बम्भदत्त-कुमारो पई भविस्सइ ' । मए भणियं ' कहं मए सो
 नायव्वो ? ' जक्खेण भणियं ' पयट्ठे बुद्धिल-सागरदत्ताणं कुत्तकुड-
 जुज्जे जो दिट्ठो तुहाणन्दं जणेही, सो नायव्वो बम्भदत्तो ' त्ति
 15 साहियं च मे तेण, जं किं चि कुत्तकुड-जुज्झ-कालाओ वरधणु-सहा-
 यस्स, सामि, तुहेह वित्तं, जं च जहा मए हार-पेसणाइ-किच्चमेव-
 मायरियं ति' । सोउमेवं साणुरागो कुमारो समारूढो तीए सह तं रह-
 वरं । पुच्छिया य सा ' कओ हुत्तं गन्तव्वं ? ' रयणवईए भणियं
 ' अत्थि मगहा-पुरंमि मम पिउणो कणिट्ठ-भाया धणसत्थवाहो नाम
 20 सेट्ठी; सो य मुणिय-वइयो: तुम्हमहं च समागमणं सुदरं भविस्सइ ।
 ता ताव तत्थ गमणं कीरउ; तदुत्तर-कालं, जहिच्छा तुम्हाणं । '
 तओ रयणवइ-वयणेण पयट्ठो तयभिमुहो कुमारो । कओ वरधणू
 सारही । गामाणुगामं च गच्छमाणा निगया कोसम्भिजणवयाओ
 संपत्ता गिरि-गहणमेगं । तत्थ य कण्ठय-सुकण्ठयाहिहाणा दुवे चोर-
 25 सेणावइणो । ते य दट्ठण पहाण-रहं विभूसियमित्थी-रयणं च अप्प-
 परिवारत्तणओ संनज्झिऊण पयत्ता पहरिउं । कुमारेणावि विविह-
 भट्ठेहिं पहरन्तेणं नित्ता ते पलाणा दिसो दिसिं । तओ पुणो

- रहवराख्खो चलिओ कुमारो, भणिओ वरधणुणा ' कुमार, दद-
परिसन्ता तुम्हे, ता मुहुत्त-मेत्ते निदा-सुहमेत्येव - रहे सेवेह । '
- तओ रयणवईए सह सुत्तो कुमारो जावच्छइ, ' ताव
गिरि नदमेगं पाविउण थक्का तुरङ्गमा ' । तओ
- ५ कहवि पडिबुद्धो कुमारो, उट्ठिओ वियम्भमाणो । पलोइयाइं पासाइं
न दिट्ठो वरधणू । पाणिय-निमित्तमोइण्णो भविस्सइ ति कलिउण
सहिओ ससंभमं । पडिवयणमलभमाणेण परामुसियं
रहपुरमं, दिट्ठं च तं बहल-लोहियालिद्धं । तओ वावा-
इओ वरधणु ति कलिउण ' हा हओ सि ति; भणमाणो निव-
- १० डिओ रहुच्छहे । पुणो वि लद्ध-चेयणो, ' हा भाइ वरधणु ति
भणमाणो पलावे काउमादत्तो । कहकहवि संटाविओ रयणवईए; तं
भणइ, जहा ' सुन्दरि, न नज्जइ फुट्ठं; किं वरधणू मओ, किं ता जी-
वइ । ता अहं तस्सण्णेसणत्थं पच्छओ वच्चामी ' । तीए, वुत्तं
' अज्जउत्त, न एस अवसरो पच्छ-वलियव्वस्स; कुओ ? जेणहमे-
- १५ गागिणी चोर-सावयईहिं भीममिममरणं । अज्जं च इह नियड-
वात्तिणा वसमेण भवियव्वं, जेण परिमलिया कुस-कण्डया दीप्तन्ति । '
- तओ तदेव पडिवज्जिउण तीए सह पयट्ठो मगहविसयाभिमुहं कुमारो ।
पत्ता य तव्विसयसन्धि-संठियं एकं गामं । तत्थ य पविसमाणो
गाम-सहा-मज्झ-ठिण्ण दिट्ठो गाम-उवकुरेणं । दंसणाणन्तरमेव न एस
- २० सामंओ ति कलिउण सोवयार-कय-पडिवत्तिणा पूइओ, नीओ
निय-धराभिमुहं ति । दिण्णो आवासो । मुह-निसण्णो
य भाणिओ तेण कुमारो ' महा-भग, गादमुत्विगो विय
' लक्खीयसि' कुमारेण भाणिणं ' मज्झ भाया चोरेहिं सह भण्डणं
' कुणन्तो न नज्जइ, किमवत्थन्तरं पत्तो । ता मए तयण्णेसण-निमित्तं
- २५ कत्थ गन्तव्वं ' तेण भाणियं ' अलं सेएण; जइ इहाडवीए भवि-
स्सइ तो लहिस्सामो ति भाणिउण पेसिया नियय-पुरिसा, गय-पच्चा-
गएहिं सिट्ठं तेहिं जहा अम्हेहिं कोइ काहिंवि न सच्चविओ । केवलं

५० पहे निवडिओ एस बाणो पाविओ । तन्वयणायण्णणंमि य 'नूणं
 विणिवाइओ'ति; परितप्पिऊण गुरुसोयाउल्लिज्जन्त-माणसस्स जाया
 रयणी; पसुत्तो य रयणवईए सह कुमारो । एक-जामावसेसाए
 रयणीए सहसा तंमि गामे निवडिया चारे-धाडी । सा य कुमार-
 ५ पहार-कडुयाविया भग्गा परम्मुहा कया । अहिणन्दिओ कुमारो सयल-
 गामाहिट्टिएणं गाम-पहुणा । गोसम्भि य आउंच्छिऊण गाम-ठक्कुरं
 तत्तणय-सहाओ पत्थिओ रायगिहं, पत्तो जहाणुक्कमेण तत्थ ।
 नयर-बाहिरियाए एकंमि परिन्वाइयासमे ठविऊण रयणवई
 पयट्ठो नयरब्भन्तरं । तं पविसमाणेण य दिट्ठं एकंमि पएसे विविह-
 १० कम्म-निम्भियं धवल-हरं । तत्थ दिट्ठाओ दो पवर-कन्नाओ ।
 ताओ य कुमारं दट्ठूण पयडिय-गरुयाणुरागाओ भाणिउं पयत्ताओ
 'किं जुत्तं तुम्हारिसाण वि महा-पुरिसाण भत्ताणुरत्तं जणमुज्झिय
 परिभमिउं ?' तेण वुत्तं 'को सो जणो, जेणेंव भणह ?'
 ताहिं वुत्तं 'पसाओ कीरउ आसण-गहणेण ।' तओ
 १५ निसन्नो; कओ मज्जण-भोयणाइओ उवयारो । तयवसाणे य भाणिउं
 पयत्ताओ, जहा 'महासत्त, अत्थि इहेव भरहे वेयट्ठ-गिरि-दाहिण-सेदीए
 सिवपुरं नयरं, जलणसिहो राया, तस्स य विज्जुसिहा नाम देवी ।
 तीए अम्ह दुवे धूयाओ । जेट्ठो य अम्ह नट्टमत्तो भाया । अन्नया
 अम्ह पिया आगिसिहाभिहाणेण मित्तेण समं गोटीए चिट्ठइ जाव,
 २० ताव पेच्छइ गयणे अट्ठावय पव्वयाभिमुहं जिणवर-वन्दण-निमित्तं
 गच्छन्तं सुरासुर-समूहं । तं दट्ठूण राया वि मित्तेण धूयाहि य
 सहिओ पयट्ठो, कमेण य पत्तो अट्ठावयं । वन्दियाओ जिणिन्द-
 पाडिमाओ । कप्पूरागरु-धूवय-बुद्धारविन्द-सुरहि-गन्धेहिं, कओ
 उवयारो । तिप्पयाहिणं काउं निगच्छन्तेणं एगस्स
 २५ असोग-पायवस्स हेट्ठा दिट्ठं चारण-मुणि-जुयलं, पणमिऊणं
 य तं । तओ तेहिं पत्थुया धम्मकहा, जहा-
 भज्जरं सरिरं, सरयब्भ-विन्ध्यं कीरिणं

- विलासियाणुगारि जोव्वणं, किंपाग-फलोवमा भोगा, संज्ञा-राय-समं
 विसय-सोक्खं, कुसमा-जल-विन्दु-चञ्चला लच्छी, सुलहं दुक्खं, दुलहं
 सुहं, अणिवारिय-प्पसरो मच्चू । ता एवंटिए छाड्डिज्जउ मोह-प्पसरो,
 कीरउ निणिन्द-पणीए धम्मे भणंति । एवं सुणिय लद्ध-सम्पत्ता-
 5 इणो जहागयं पडिगया मुराइणो । तओ लद्धावसरेण भाणियं अग्गि
 सिहिणा मित्तेण जहा 'भयवं, एयाणं वालियाणं को मत्ता भविस्सइ
 ति ।' तेहिं भाणियं ' एयाओ भाइ-वहगस्स भज्जाओ भविस्सन्ति ।'
 तओ एयं सुणिय साम-मुहो जाओ राया । एत्थावसरे वुत्तो
 अम्हेहिं ' ताय, संपयं चैव साहियं मुणीहिं संसार-सल्लवं । अलं
 10 अम्हाणमेवंविहावसाणेण विसय-मुहेणंति; पडिवन्नं च तं ताएणं ।
 एवं च वल्लहयाए भाउणो चत्त-निय-देह-सुह-कारणाओ तस्स चैव
 ण्हाण-भोयणाइयं चिन्तन्तीओ चिट्ठम्ह जावन्न-दिणे अम्ह भाउणा
 पुहविं भमन्तेण दिट्ठा तुम्ह माउल्लगस्स धूया पुप्फवई कल्लया । तं
 च रूवाइखित्त-चित्तो हरियागओ । तदिट्ठिमसहन्तो विज्जं साहिउं
 15 गओ । अओ उवरि तुम्हे नाय-वुत्तन्ता । ताहे महामाग, तंमि
 काले तुम्भन्तियाओ आगन्तूण पुप्फवईए सामेण वुत्ताओ अम्हे,
 साहिओ भाउ-वुत्तन्तो । तं सुणिय सोय-निब्भराओ रोविउं पयत्ताओ ।
 संठवियाओ महुर-वयणेहिं पुप्फवईए । अलं च संकरि-विज्जा-सया-
 साओ विइय-तुम्ह-वुत्तन्ताए भाणियं तीए ' सुमरिज्जउ मुणि-वयणं,
 20 मान्निज्जउ वम्भदत्तो भत्त ति ' । तमायाण्णिउण जायाणुरागाहिं
 मन्नियमम्हेहिं । तओ रहस-पर-वसत्तणओ पुप्फवईए चालियाए
 सिय-संकेय-पडागाए, अन्नत्थ कत्थइ पउत्थे तुमंमि नाणाविह-गाम-
 नगराइसु भमन्तीहिं तुमं न जाहे कहिंचि दिट्ठो ताहे विसण्णाओ
 इहागयाओ । तओ अप्पताकेय-हिरण्ण-बुद्धि-विब्भममेत्थ तुह
 25 दंसणं जायंति ! ता भो महामाग, सुमरिउण पुप्फवइ-वइयरं, कीरउ
 अम्हाणं समीहियं ?' एयं सुणिय सहरिसं मन्नियं कुमारेण । निव्व-
 त्तिउण गन्धव्व-विवाहं ठिओ रत्तीए ताहिं समं । गोस-काले य
 वुत्ताओ ' गच्छह तुम्हे पुप्फवइ-समीवं, जाव मह रज्ज-लामो होइ' ।

‘ एवं काहामो ’ त्ति भाणिय गयाओ तांओ । गयासु तासु जाव पलोएइ पासाइं ताव न तं धवल-हरं नय सो परियणो । चिन्तियं च तेण, ‘ एसा विजाहरी माया; अत्तहा कहमेयं इन्दियाल-विठ्ठमं ताण विलासियं ! ’

- 5 तओ कुमारो सुमरिय रयणवईए तयण्णेतणनिमित्तं गओ आस-
माभिमुहं । जाव ‘ न तत्थ रयणवई न य अत्तो कोई, तओ कं
पुच्छामि ’ त्ति कलिऊण पलोइयाइं पासाइं, न य कोई सच्चाविओ ।
तओ तीए चेव वइयरं चिन्तयन्तस्स खणन्तरेणागओ एक्को कल्लाणा-
गिई परिणओ पुरिसो । पुच्छिओ सो कुमारेण ‘ भो महाभाय, एवं
10 विह-रूव-नेवच्छ-विसेसा कल्ल-दिणे अज्ज वा न दिट्ठा का वि एत्थ
बाला ? तेण य भाणियं ‘ पुत्तय, किं सो तुमं रयणवईए भत्ता ? ’
कुमारो भणइ ‘ एवं ! ’ तेण भाणियं ‘ कल्लं सा मए रूयन्ती दिट्ठा
अवरण्ह-वेलाए; गओ य तीए समीवं पुच्छिया य सा मए—पुत्ति,
कासि तुमं, कओ वा समागया, किं वा सोय-कारणं, कहिं वा
15 गन्तव्वं ? ’ तओ तीए किंचि कहियंमि पच्चाभिन्नाया भाणिया य ‘ मम
च्चिय दोहित्ती तुमं होसि । ’ मुणिय-वुत्तन्तेण य मया तीए चुल्ल-
पिउणो गन्तूण सिट्ठं । तेण य जाणिय-विसेसा सायरं पवेसिया
निय-मन्दिरं । अण्णेतिया सव्वओ तुठ्ठे, न कहिंचि दिट्ठा ता
संपयं सुन्दरमणुडियं जमागया । एवं चालविऊण नीओ तेण कुमारो
20 सत्थवाह-मन्दिरं । कय-सव्वोवयारस्स य रयणवईए वित्तं पाणि-
गाहणं । तओ तीए सह विसय-सुहमणुहवन्तो चिट्ठइ ।

अन्नया वरघणुणो दिवसओ त्ति पक्कप्पियं भोज्जं भुज्जान्ति वम्भ-
णाइणो जाव, सयं चेव वरघणू जणिय-वम्भण-वेसो भोयण-निमि-
त्तमागओ भणिउं पयत्तो, जहा ‘ भो साहिज्जउ तस्स भोज्ज-कारिणो
25 जहा, जइ मज्झ भोयणं पयच्छह, तो तस्स परलोय-वत्तिणो वयणो-
यरंमि उवणमइ ’ । सिट्ठं च तेहिं तमागन्तूण कुमारस्स । विणिग्गओ
कुमारो । सहारिसं च पलोइओ सो कुमारेण, पच्चाभिन्नाओ य ।
आलिङ्गितं पविट्ठो मन्दिरं । निवत्त-मज्झण-भोयणावसरम्मि य

- विलासियाणुगारि जोल्वणं, किपाग-फलोवमा भोगा, संशा-राय-समं
 विसय-सोखं, कुसम-जल-विन्दु-चञ्चला लच्छी, सुलहं दुक्खं, दुलहं
 सुहं, अणिवारिय-प्पसरो मच्च । ता एवं टिए छड्डिज्जउ मोह-प्पसरो,
 कीरउ जिणिन्द-पर्णीए धम्मे मणं ति । एवं सुणिय लद्ध-सम्मत्ता-
 5 इणो जहागयं पडिगया मुराडणो । तओ लद्धावसरेण भाणियं अग्गि
 सिहिणा मित्तेण जहा 'भयं, एयाणं चालियाणं को भत्ता भविस्सइ
 ति ।' तेहिं भाणियं ' एयाओ भाइ-वहगस्स भज्जाओ भविस्सन्ति ।'
 तओ एयं सुणिय साम-मुहो जाओ राया । एत्थावसरे वुत्तो
 अन्हेहिं ' ताय, संपयं नेव साहियं मुणीहिं संसार-सरुवं । अलं
 10 अम्हाणमेवंविहावसाणेण विसय-सुहेणं' ति; पडिवलं च तं ताएणं ।
 एवं च वल्लहयाए भाउणो चत्त-निय-देह-सुह-कारणाओ तस्स चैव
 ण्हाण-भोगणादयं चिन्तन्तीओ चिट्ठम्ह नावन्न-दिणे अम्ह भाउणा
 पुहविं भमन्तेण दिट्ठा तुम्ह माउल्लगस्स धूया पुप्फवई कल्लया । तं
 च रूवाइत्तिच-चित्तो हरियागओ । तदिट्ठिमसहन्तो विज्जं साहिउं
 15 गओ । अओ उवरि तुम्हे नाय-वुत्तन्ता । ताहे महाभाग, तंमि
 काले तुम्हन्तिआओ आगन्तूण पुप्फवईए सामेण वुत्ताओ अन्हे,
 साहिओ भाउ-वुत्तन्तो । तं सुणिय सोय-निव्वमराओ रोविउं पयत्ताओ ।
 संतवियाओ महुर-वयणेहिं पुप्फवईए । अत्तं च संकरि-विज्जा-सया-
 साओ विइय-तुम्ह-वुत्तन्ताए भाणियं तीए ' सुमरिज्जउ मुणि-वयणं,
 20 मान्निज्जउ वम्भदत्तो भत्त ति ' । तमायाणिल्लण जायाणुरामाहिं
 मान्निभमन्हेहिं । तओ रहस-पर-वसत्तणओ पुप्फवईए चालियाए
 सिय-संकेय-पढागाए, अन्नत्थ कत्थइ पउत्थे तुमंमि नाणाविह-गाम-
 नगरादसु भमन्तीहिं तुमं न जाहे कहिंचि दिट्ठो ताहे विसण्णाओ
 इहागयाओ । तओ अप्पताकिय-हिरण्ण-वुट्ठि-विव्वममेत्थ तुह
 25 दंसणं जायं ति ! ता मो महामाग, सुमरिज्जण पुप्फवइ-वइयरं, कीरउ
 अम्हाणं समीहियं !' एयं सुणिय सहरितं मान्नियं कुमारेण । निज्ज-
 त्तिउण गन्धव्व-विवाहं ठिओ रत्तीए ताहिं समं । गोस-काले य
 वुत्ताओ ' गच्छह तुम्हे पुप्फवइ-समीवं, जाव मह रज्ज-लामो होइ' ।

‘ एवं काहामो ’ ति भाणिय गयाओ तांओ । गयासु तासु जाव पलोएइ पासाइं ताव न तं धवल-हरं नय सो परियणो । चिन्तियं च तेण, ‘ एसा विजाहरी माया; अन्नहा कहमेयं इन्दियाल-विन्ममं ताण विलासियं ? ’

- 5 तओ कुमारो सुमरिय रयणवईए तयण्णेसणानिमित्तं गओ आस-
माभिमुहं । जाव ‘ न तत्थ रयणवई न य अन्नो कोई, तओ कं
पुच्छामि ’ ति कलिऊण पलोइयाइं पासाइं, न य कोइ सच्चविओ ।
तओ तीए चेव वइयरं चिन्तयन्तस्स खणन्तरेणागओ एक्को कल्लाणा-
गिई परिणओ पुरिसो । पुच्छिओ सो कुमारेण ‘ भो महाभाय, एवं
10 विह-रूव-नेवच्छ-विसेसा कल्ल-दिणे अज्ज वा न दिट्ठा का वि एत्थ
बाला ? तेण य भाणियं ‘ पुत्तय, किं सो तुमं रयणवईए भत्ता ? ’
कुमारो भणइ ‘ एवं । ’ तेण भाणियं ‘ कल्लं सा मए रूयन्ती दिट्ठा
अवरण्ह-वेलाए; गओ य तीए समीवं पुच्छिया य सा मए—पुत्ति,
कासि तुमं, कओ वा समागया, किं वा सोय-कारणं, कहिं वा
15 गन्तव्वं ? ’ तओ तीए किंचि कहियंमि पच्चाभिन्नाया भाणिया य ‘ मम
च्चिय दोहिती तुमं होसि । ’ मुणिय-वुत्तन्तेण य मया तीए चुल्ल-
पिउणो गन्तूण सिद्धं । तेण य जाणिय-विसेसा सायरं पवेसिया
निय-मन्दिरं । अण्णेसिया सव्वओ तुब्भे, न कहिंचि दिट्ठा ता
संपयं सुन्दरमणुडियं जमागया । एवं चालविऊण नीओ तेण कुमारो
20 सत्थवाह-मन्दिरं । कय-सव्वोवयारस्स य रयणवईए वित्तं पाणि-
गहणं । तओ तीए सह विसय-सुहमणुहवन्तो चिट्ठइ ।

- अन्नया वरधणुणो दिवसओ ति पकप्पियं भोज्जं भुज्जन्ति बम्भ-
णाइणो जाव, सयं चेव वरधणू जणिय-बम्भण-वेसो भोयण-निमि-
त्तमागओ भाणिउं पयत्तो, जहा ‘ भो साहिज्जउ तस्स भोज्ज-कारिणो
25 जहा, जइ मज्झ भोयणं पयच्छह, तो तस्स परलोय-वत्तिणो वयणो-
यरंमि उवणमइ ’ । सिद्धं च तेहिं तमागन्तूण कुमारस्स । विणिग्गओ
कुमारो । च पलोइओ सो कुमारेण, पच्चाभिन्नाओ य ।
लज्जि-मन्दिरं । निवत्त-मज्जण-भोयणावसरंमि

पुच्छिओ तेण वरधणू निय-पउत्ति । साहिउं पयत्तो, अहां । तीए
 रयणीए निदा-वसमुवगयाण तुम्हाण पिठओ घाविऊण निविड-कुड-
 ५ ऋन्तराडिय-तणुणा एक्केण चोर-पुरिसेण पहओ वाणेण । तप्पहार-
 वेयणाए परायत्तत्तणओ निविडिओ महि-यलंमि । अवाय-भीरुत्त-
 ७ णओ न साहियं तुम्हं । बोलीणो रहवरो तमन्तरालं । अहमवि परि-
 निविड-तरु-अन्तराल-मज्जेण सणियं अवक्कममाणो कहकहवि पत्तो तं
 गामं, जत्थ तुम्हे निवासिया । साहिया य तग्गामाहिवेण तुम्ह
 पउत्ती । समुप्पन्न-हियय-तोसो य पउण-पहारो भोयण-पत्थण-वव-
 एसेण समागओ इहइं जाव, दिट्ठा तुम्हे । एवं च सहरिसमविरत्त-
 १० चित्ताणं जन्ति दियहा ।

अन्नया य मन्तियं परोप्परं बम्भदत्त-वरधणूहिं ' केत्तियं कालं
 मुक्क-पुरिसयारेहिं अच्छियत्वं !' एवं च चिन्तयन्ताणं निग्गमोवाय-
 मुस्सुयाणं समागओ महु-मासो । तंमि य पयत्ते मयण-महुसवे निग्गाए
 नयरि-जणवए उज्जाणेषु कोउहट्ठेणं गयादो वि कुमार-वरधणू । तओ
 ५१ पयत्ते निब्भरे कीला-रसे कीलन्तेसु विविह-कीलाहिं तरुण-नर-नारी-
 सत्थेसु अतक्कियं चेव मय परत्त्वसो गालिय-मिण्ठो निरङ्कुसो विय-
 रिओ राय-हत्थी । समुच्छलिओ कलयलो; मग्गाओ कीला-गोटीओ ।
 एवं च पयत्ते हलोहलए एक्का बालिया समुन्नय-पओहरा वियड-
 नियम्ब-विम्बा मत्त-करि-करोरु-मय-वेविरङ्गी सरणं विमग्गमाणा
 २० पडिया करिणो दिट्ठि-पहं । तओ उच्छलिओ हाहा-रवो, कूइयं
 से परियणेण । तत्थन्तरे दर-महियाए तीए पुरओ होऊण हक्किओ
 कुमारेण करी, मुयाविया एसा । सो वि करी तं बालियं मोत्तण
 रोस-वस-वित्थारिय-लौयणो पसारिय-घोर-करो तइडविय-कण्णो क्षत्ति
 तदभिमुहं पधाविओ । कुमारेण वि संपिण्डिय उवरिहं पक्खत्तं
 २५ तदभिमुहं । तेणावि निब्भरामरिस-पराहीणेण घेतुं तं पक्खत्तं
 गयणे, निवडियं धरणीए । जाव करी तत्थ परिणवइ, ताव
 दक्खत्तणओ समारुहिय कन्धराए निवद्धमात्तणं कुमारेण, ताडिओ

तिक्खङ्कुसेण, अप्फालियो कुम्भ-भाए, महुर-वयणेहिं मेह्हाविओ मच्छरं करी । तओ समुच्छलिओ साहुकारो; जयइ कुमारो-त्ति पदियं बन्दिणा । नीओ खम्भुट्ठाणं, आगओ तमुद्देसं नरवई । दट्ठण तं अणण्ण-सरिस-चेट्ठियं विम्हयं गओ भाणिउं पयत्तो ' को उणे 5 एसो ? ' तओ कुमार-वइयराभिन्नेण साहिओ वुत्तन्तो मन्तिणा । तओ तुट्ठेण राइणा नीओ निय-भवणं कुमारो, काराविओ मज्जण-भोयणाइ-उचिय-करणिज्जं । तओ भोयणावसाणे दिन्नाओ अट्ठ धूयाओ कुमारस्स । सोहण-दिण-मुहुत्तेण वित्तं पाणिग्गहणं । जहा सुहं ठिया तत्थ कइवय-दिणे ।

10 अन्नया एगा महिला आगन्तूण कुमार-समीवं भाणिउं पयत्ता, जहा 'कुमार, अत्थि तए सहवत्त व्वं किं पि' । तेण वुत्तं 'भण !' तीए वुत्तं ' अत्थि इहेव नयरीए वेसमणो नाम सत्थवाहो, तस्स धूया सिरिमई नाम । सा मए बाल-भावाओ आरठम पालिया, जा शुमए हत्थि-संममाओ रक्खिया । तीए हत्थि-संममुच्चरियाए उज्झि-

15 उण भयं, जीविय-दायगो त्ति मुणिउण तुमं साहिलासं पलोइओ । तओ अच्चन्त-सुन्दर-रुव-जोव्वण-लायण-कला-कोसल्लाण पग-रिसो त्ति काऊं समुप्पन्नो ताए वुज्झोवरि ददमणुराओ । तओ तप्पभिइं तं चेव पलोएमाणी यम्मिय व्व लिहिय व्व कीलिय व्व ट्ठु-क्करिय व्व निच्चल-निहित्त-लोयणा खणमेकं ठिया । वोलीणे हत्थि-

20 संममे कहकहवि परिजणेण नीया निय-मन्दिरं । तव्य वि न मज्जण-भोयणाइयं देह-ट्ठिइ करेइ, केवलं मोणेण अच्छइ । ताहे मए वुत्ता ' पुत्ति, कास अयाण्डिच्चिय असठ्ठाविणी जाया, जेण मज्झ वि अवहीरोसि वयणं ? ' ताव सविलक्खं हसिउण भाणियं तीए ' किम-म्ब ! तुम्हाण वि अकहाणिज्जमात्थि ! किं वुलज्जा एत्थावरज्जाहइ; ता

25 सुव्वउ, जेणाहं हत्थि-संममाओ रक्खिया, तेण सह पाणिग्गहणं जइ न होइ, तो मे अवस्सं मरणं सरणं ति ' । तओ एयमायणिउण य कहिओ तीए पिउणो वुत्तन्तो । तेणावि तुह समीवे अहं पेसिया

ता पटिच्छमु इमं बालियं । ' मन्नियं च तेण । पसत्थ-दियहे वित्तो
 विवाहो । वरधणुणो वि मुबुद्धिनामेणामच्चेण नन्दाभिहाणं कम्मं
 दाउं कयं विवाह-मद्दलं । एवं च दोण्ह वि विसय-मुहमणुहवन्ताणं
 अइकन्ता कइवि वासरा । उच्छलिया सत्त्वओ तेसिं पउत्ती ।

- 5 तओ गया वाणारसिं । तओ बम्भदत्तं बाहिं ठविय गओ वर-
 धणु कडय-सर्मावं । हरिसिओ एसो सचल-वाहणो निग्गओ सम्मुहो ।
 तओ समाइच्छिउणारोविउं हत्थि-सन्धे पवोसिओ निय-भवणे ।
 कमेण य दिग्गा निय-धूया कडयावई नाम अणेग-गय-हय-रह-
 भण्डार-समेया । पसत्थ-दिणे वित्तो विवाहो । तीए समं विसय-
 10 मुहमणुहवन्तस्स चयइ कालो । तओ धूय-संपेसणेण समागओ सचल-
 वाहणो पुप्फचूले राया, घणू मन्ती, कणेरदत्तो, अग्गे य चन्दसीह-
 मवदत्तादओ बहवे रायाणो । तेहिं वरधणू सेणावइ-एए अहिसि-
 ङ्गिउण पेसिओ दीह-राइणो उवरिं, पयत्तो अणवरयं गन्तुं ।
 एत्थन्तरे पेसिओ दीहेण कडगार्इण दूओ । निब्भच्छिओ सो तेहिं ।
 15 अप्पणो वि अणवरय-पयाणएहिं गच्छन्ता पत्ता कम्पिछपुरं ।
 तओ समन्तओ निरुद्ध-निग्गाम-पवेसं कयं तं । तओ सो
 दीह-राया ' केत्तियं कालं बिले पविट्ठेहिं अच्छियज्जं ' ति साहसम-
 वलम्बिउण निग्गओ सम्मुहो । समावीडियं महा-समरं दोण्ह वि
 सेनाणं । तओ भमं निय-सेनं दट्ठण दीहो, काउण पोरसं अन्नहा वि
 20 नत्थि मोक्खो त्ति कलिउण सम्मुहमुवाट्ठिओ । तओ तं पेच्छिउण
 बम्भदत्तो संघुक्किय-कोवाणलो चालिओ तदभिमुहं । लग्गमाओहणं तओ
 गण्डीव-स्वग्ग-कुन्त-गया-भिण्डिमाल-पमुहेहिं पहारिउण मुक्कं बम्भद-
 तेण चक्कं । तेण दीह-राइणो कबन्धी कयं सरीरं । तओ ' जयइ
 चक्कवट्ठी ' ति उच्छलिओ कलयलो । सिद्ध-गन्धन्वेहिं मुक्का कुसुम-
 25 वुट्ठी । वुत्तं च, जहा—' एस बारसमो चक्कवट्ठी उप्पन्नो । ' तओ
 पुर-जणवएण नागारिय-लोएण य अभिनान्दिज्जमाणो पविट्ठो निय-
 मन्दिरं । कओ सयल-सामन्तेहिं महा-चक्कवट्ठि-रज्जाभिसेओ । पसा-

हियं चिरन्तण-चक्कवट्टि-कमेण छत्तण्डं पि भरहं । समागयं पुप्फवड्-
पमुहं सयलमन्तेउरं । एवं चक्कवट्टित्तणं कुणन्तस्स गच्छन्ति दिणा ।

अन्नया नडेण विन्नत्तो, जहा 'महाराय, अज्ज महुरी-गीयं नाम
नट्टविहिं उवदांसिस्सामि त्ति' । तेण वुत्तं 'एवं होउ'त्ति । तओ

5 अवरण्ह-समए पारद्धो नच्चिउं । एत्थन्तरे दास-चेडीए सयल-
कुसुम-समिद्धं बम्भदत्तस्स कुसुम-दाम-गण्डमुवट्टवियं । तं पेच्छन्तस्स
महुरी-गीयं च सुणन्तस्स वियप्पो जाओ: 'एवंविह-नाट्टय-विही
दिट्ठ-पुव्वा मए ।' एवं चिन्तन्तस्स सोहम्मे पउमगुम्मे विमाणे दिट्ठ-
पुव्व त्ति सुमरिओ पुव्व-भवो । गओ य मुच्छं पडिओ य भूमीए ।

10 तओ पास-परिवत्तिणा सामन्त-ल्लोएण सरस-चन्दणालिम्पणेण
समासत्थीकओ । राइणा सुमरिय-पुव्व-भव-भाइ-वइयरेण तयण्णे-
सणत्थं रहस्सं गोविन्तेण मणिओ निय-हियय-निव्विसेसो वरधण्ण
नाम महामच्चो, जहा, 'लम्बिऊण इमं सिलोगद्धं घोसावेसु नगरे
तिय-चउक्क-चचरेसु; जो इमस्स सिलोगस्स पच्छिमद्धं पुरेइ, तस्स

15 राया नियरज्जस्स अद्धं देइ' त्ति । एवं च पइदिणं पयत्तमाघोसणं,
लम्बिओ य बहुसु पएसेसु पाओ ।

अत्रावसरे सः पूर्वभक्तिकश्चित्राभिधानस्तत्सहोदरजीवः पुरि-
मतालनगरादिम्यपुत्रो भूत्वा संजातजातिस्मरणो गृहीतव्रतस्तत्रैवागतः
समवसृतो मनोरमाभिधाने कानने । तत्र यथाप्रासुके भूभागे निक्षिप्य
20 पात्राद्युपकरणं स्थितो धर्मध्यानोपगतः कायोत्सर्गेण । अत्रान्तरे
आरघाट्टिकेण पठ्यमानम्

आस्व दासौ मृगौ इंसौ मातङ्गावमरौ ततः ।

इदं श्लोकार्धं निशम्य प्राह मुनिः—

एषा नौ पष्ठिका जातिरन्योन्याभ्यां वियुक्तयोः ॥

25 ततोऽसावारघट्टिकस्तच्छ्लोकार्धं पत्रके विलिख्य प्रफुल्लास्यपंकजो
गतो राजकुलं । पठितः प्रभोः पुरतः सम्पूर्णः श्लोकः । ततः
स्नेहातिरेकेण गतो मूर्छा राजा । ततः शुभिता सभा । रोषवशगतेन

- परिपंजनेन एतद्वचनेन राजेदृशी दशां गत इति चपेटाभिर्हन्तुमा-
 रब्धोऽसौ । हन्यमानो 'न मयाऽयं पूरित' इति विलपन्नसौ
 विमोचितः कदर्थकेभिः पृष्टश्च 'कोऽस्य पूरक' इति । स प्राह
 अरघट-समीपवर्ती मुनिरिति । ततो राजापि चन्दनरससेकादिभिर्ल-
 5 ङ्घचेतनोऽवगतमुनिवरागमवृत्तान्तस्तद्भाक्तीस्नेहाकृष्टचित्तः सपरि-
 करो निर्ययौ । ददृशे च तेन मुनिरुद्याने । तुष्टचेतसा वन्दितः ।
 सविनयं उपविष्टस्तदन्तिके मुनिनारब्धा धर्मदेशनां, दाशिता भव-
 निर्गुणता, वर्णिता कर्मबन्धहतेवः, श्लावितो मोक्षमार्गः, ख्यापितः
 शिवसौख्यातिशयः । संविग्ना परिपद्, न भावितो ब्रह्मदत्तः, प्राह-
 10 च 'भगवन्, यथा स्वसंगममुखेनाल्हादिता वयं, तथाऽऽल्हादयत्तु
 भगवान् राज्यस्वीकारणेन, पश्चात् तपः सममेव करिष्यावः ।
 एतदेव वा तपसः फलम्' । मुनिराह 'युक्तमेतद्भवदुपकारोद्यता-
 नाम्; केवलं दुर्लभेयं मनुष्यावस्था, सततपातुकमायुः, चञ्चला श्रीः
 अनवस्थिता धर्मबुद्धिः, विपाककटवो विषयाः, तदासक्तानां ध्रुवो
 15 नरकपातः, दुर्लभं पुनर्मोक्षबीजं विशेषतो विरतिरत्नं, न तत्त्यागाद्
 दुस्तरनरकपातहेतुककतिपयदिनभावि राज्याश्रयणमाऽल्हादयति चित्तं
 विदुषाम् । तत् परित्यज कदाशयं, स्मर प्राग्भवानुभूतदुःखानि,
 पिव जिनवचनमृतरसं, संचरस्व तदुक्तमार्गेण, सफलीकुरु मनुष्य-
 जन्म' इति । स प्राह 'भगवन्, उपनतमुखत्यागेनादृष्टमुखवाञ्छा
 20 अज्ञानलक्षणम् । तन्मैवमादिश, कुरु मत्समीहितं' । ततः पुनुरुक्त-
 मुक्तोऽपि यथा न प्रतिबुध्यते, तदा चिन्तितं मुनिना 'आं ज्ञातं,
 पूर्वमेव सनत्कुमारचक्रिस्त्रीरत्नालकसंस्पर्शवेदनाजाताभिलाषातिरेकेण
 मया निवार्यमाणेनापि कृतं तत्प्राप्त्यर्थं संभूतेन सता निदानं, तदिदं
 विनृम्भतेऽतः कालदृष्टवदसाध्योऽयं जिनवचनमन्त्रतन्त्राणाम्' इति ।
 25 गतो मुनिः, कालान्तरेण मोक्षं च प्राप्तः । राज्ञोऽपि चक्रिसुखमनुम-
 यतोऽतीतः कश्चित् कालः ।
 अन्यदैकेन द्विजेनोक्तोऽसौ 'अहो नृपेश, ममेदृशी वाञ्छोत्पन्ना
 यच्चक्रिमोजनं मुझे' । राज्ञोक्तं 'भो द्विज, न मामकमज्ञं त्वं

भोक्तुं क्षमः । यतो मां हित्वा एतदन्नमन्यस्य न सम्यक् परिणमति ।
 द्विजेनोक्तं ' धिगस्तु ते राज्यलक्ष्मीमाहात्म्ये यदन्नमात्रदानेऽप्यालो-
 चयसि ' । ततो राज्ञा असूययानुज्ञातं, भोजितश्चासावाहारदानेन
 स्वभार्यापुत्रस्तुपादुहितृपौत्रादिबान्धववृन्दान्वितः । गतः स्वगृहमा-
 5 गतायां निशिथिन्यां परिणमत्यन्नेऽत्यन्तजातोन्मादप्रसरोऽनपेक्षित-
 मातृस्तुपाभगिनीव्यतिकरो गुरुमदनवेदनानष्टचित्तः प्रवृत्तोऽन्योन्यम-
 कार्यमाचरितुं द्विजपरिजनः । प्रत्यूपसि लज्जितो द्विजः
 परिजनश्चान्योन्यमास्यं दर्शयितुमपारयन्निर्गतो नगराचिन्तितं च
 द्विजेन 'कथमनिमित्तवैरिणा राज्ञेत्यं विडम्बितोऽहम्' । ततोऽमर्षितेन
 10 तेन वनेऽटता दृष्ट एकोऽजापालकः, कर्करिकाभिरश्वत्थपत्राणि
 काणीकुर्वन्श्चिन्तितं च तेन ' मद्विवक्षितकार्यकरणयोग्योऽयं' इति
 कृत्वोपचरितस्तेन दानसन्मानादिभिः । कथितस्तेन स्वाभिप्रायस्तस्य
 रहसि । तेनापि प्रतिपन्नम् । अन्यदा गृहान्निर्गच्छतो ब्रह्मदत्तस्य
 कुड्यान्तरिततनुनाऽमोघवेध्यत्वेन गोलिकैककालमुत्पाटिते लोचने ।
 15 ततो राज्ञा वृत्तान्तमवेत्योत्पन्नकोपेन सपुत्रबान्धवोऽसौ घातितः
 पुरोहितो, अन्यानपि द्विजान् घातयित्वोक्तो मन्त्री यथा ' एषाम-
 क्षीणि स्थाले निक्षिप्य मम पुरतो निधेहि, येनाहं स्वहस्तमर्दनेन
 सुखमुत्पादयामि ' इति । मन्त्रिणापि क्लिष्टकर्मोदयवशतां तस्याव-
 गम्य शाखोटकतरुफलानि स्थाले निक्षिप्य दौकितानि तस्य । सोऽ
 20 पि रौद्राध्यवसायोपगतस्तान्यक्षिबुद्ध्या मर्दयन् स्वं सुखाकुर्वन्
 दिनान्यतिवाहयति । एवं च विदधतोऽतीतानि कतिचिद्दिनानि ।
 ततः सप्तवर्षशतानि षोडशोत्तराणि आयुरनुपाल्य तत्क्षये प्रवर्ध-
 मानरौद्राध्यवसायो मृत्योत्पन्नः सप्तमनरकपृथिव्यां त्रयस्त्रिंशत्साग-
 रायुर्नारकः ।

मूलदेव

५३६

- अत्थि उज्जेणी नयरी । तीए य असेस-कळा-कुसलो अणेग-
 विज्ञाण-निउणो, उदार-चित्तो कयन्नु पटिवन्न-सुरो गुणाणुराई
 पियंवओ दक्खो रूव-लावण-तारुण-कलिओ मूलदेवो नाम राय-
 उत्तो पाढलि-पुत्ताओ जूय-वसणासत्तो जणयावमाणेण पुर्ह्वि परि-
 5 भमन्तो समागओ । तत्थ गुलिया-पओगेण परावत्ति-वेत्तो वामण-
 याकारो विम्हावेइ विचित्त-कहाहिं गन्धव्वाइ-कल्लाहिं नाणा-कोउ-
 गेहिं य नायर-जणं । पसिद्धो जाओ । अत्थि तत्थ रूव-लावण
 विज्ञाण-गळ्विया देवदत्ता नाम पहाणा गणिया । सुयं च तेण ' न
 रञ्जिज्जइ एसा केणइ सामण-पुरिसेण अत्त-गळ्विया' तओ कोउएण
 10 तीए खोमणत्थं पच्चूस-समए आसन्नत्थेण आढत्तं मुमहुर-रवं बहु-
 भाङ्गि-घोलिर-कण्ठं अन्न-वण-संवेह-रमणिज्जं गन्धव्वं । सुयं च तं
 देवदत्ताए चिन्तियं च ' अहो अउव्वा वाणीः ता दिव्वो एस कोइ
 न मणुस्स-मत्तो ' । गवेसाविओ चेडीहिं । गविट्ठो दिट्ठो मूलदेवो
 वामण-रूवो, साहियं जह-ट्टियमेइए । पेसिया तीए तस्स बाहरणत्थं
 15 मादवाभिहाणा खुज्ज-चेडी । गन्तुण विणय-पुव्वयं भणिओ तीए
 ' भो महायस, अम्ह सामिणी देवदत्ता विन्नेवइ, कुणह पसायं
 एह अम्ह घरं । ' तेण य वियड्डयाए भणियं ' न पओयणं मे
 गणिया-जण-सङ्गेण निवारिओ विसिट्ठाण वेसा-जण-संसम्मो ।
 मणियं च

20

या विचित्रविट्कोटीनिघृष्टा
 मयमांसनिरतातिनिकृष्टा ।
 कोमला वचसि चेतासि दुष्टा
 तां भजन्ति गणिकां न विशिष्टाः ॥ १ ॥

योपतापनपराऽग्निशिखेव चित्तमोहनकरी मदरेव ।

देहदारणकरी क्षुरिकेव गहिता हि गणिका शालिकेव ॥२॥

अओ नत्थि मे गमणाभिलासो । तीए वि अणेगाहिं भणिइ-
भङ्गीहिं आराहिऊण चित्तं महा-निबन्धेण करे घेतूण नीओ
5 घरं । वच्चन्तेण य सा खुज्जा कला-कोसहेण विज्जा-पओगेण
य अप्फालिऊण कया पउणा । विम्हय-खित्त-मणाए पवेसिओ
सो भवणे । दिट्ठो देवदत्ताए वामण-रूवो अउव्व-लावण-धारी,
विम्हियाए य दवावियमासणं । निसन्नो य सो । दिन्नो तम्मोले,
दंसियं च माहवीए अत्तणो रूवं, कहिओ य वइयरो, सुहुयरं वि-
10 ण्हिया, पारद्धो आलावो महुराहिं विषड्ड-भणिईहिं, आगारिसियं
तेण तीए हिययं । भणियं च—

अणुणय-कुसलं परिहास-पेसलं लडह-वाणि-दुल्लालियं ।

आलवणं पि हु छेयाण कम्मणं किं च मूलीहिं ॥

एत्यन्तरे आगओ तत्थेगो वीणा-वायगो । वाइया तेण वीणा ।
15 राज्ञिया देवदत्ता, भणियं च ताए, 'साहु ! भो वीणा-वायग, साहु !
सोहणा ते कला ।' मूलदेवणे भणियं 'अहो ! अइनिउणो उज्जेणी-
जणो, जाणइ सुन्दरासुन्दर-विसेसं ।' देवदत्ताए भणियं ' भो किं
एत्य खूणं ? ' तेण भणियं ' वंसो चेव असुद्धो, सगज्जा यं तन्ती' ।
तीए भणियं ' कहं जाणिज्जइ ? ' 'दंसेमि अहं ।' समप्पिया वीणा,
20 कडिदओ वंसाओ पाहणगो तन्तीए वालो । समारिऊण वाइउं
पयत्तो । कया पराहीण-माणसा स-परियणा देवदत्ता । पच्चासत्ते
य करेणुया सया रवण-सीला आसि सा वि ठिया घुमन्ती ओलम्बिय-
कण्णा । अइव विम्हिया देवदत्ता वीणा-वायगो य । ' चिन्तियं च 'अहो
पच्छन्न-वेसो विस्सकम्मा एस ।' पूइऊण पेसिओ तीए वीणा-वायगो ।
25 आगया भोयण-वेला । भणियं देवदत्ताए ' वाहरह अङ्गमदयं
जेण दो वि अम्हे मज्जामो ' ! मूलदेवेण भणियं ' अणुमन्नह अहं
' चेव करेमि तुम्ह अब्भङ्गण-कम्मं ' । ' किमेयं पि जाणासि ? ' ' न घाणासि
श्री. क. छं. ८

- सम्मं परं टिओ जाणगाण सयासे । आणियं चम्पगतेछं, आदतो
अभाङ्गिउं । कया पराहीण-मणा । चिन्तियं च णाए 'अहो विलाणा-
इसओ, अहो अउव्व-करय-फासो । ता भवियव्वं केणइ इमिणा
सिद्ध-पुरिसेण पच्छन्न-रूवेण, न पर्यए एवं-रूवस्स इमो पगरिसो' ति,
5 ता पयडी-करावेमि रूवं । ' निवडिया चलणेसु, भणिओ य ' भो
महाणुभाव, असरिस-गुणेहिं चेव नाओ उत्तम-पुरिसो पडिवन्न-
वच्छलो दक्खिण-पहाणो य तुमं । ता दंसेहि मे अत्ताणयं ! नादं
उक्कण्ठियं तुह दंसणस्स मे हिययं ' । मूलदेवेण य पुणो पुणो
निव्वन्हे कए इसि हसिउण अवणीया वेस-परावत्तणी गुलिया ।
10 नाओ सहावत्यो, दिट्ठो दिण-नाहो व्व दिप्पन्ततेओ, अणङ्गो व्व
मोहयन्तो रूवेण सयल-जणं नव-जोव्वण-लायण-संपुण-देहो । हरिस-
वसुब्भिन्न-रोमञ्चा पुणो निवडिया चलणेसु । भणियं च 'महा-पसा-
ओ' ति । अब्भङ्गिओ सहत्येहिं, मज्झियाइं दो वि, जिमियाइं महा-
विभूईए, पहिराविओ देव-दूसे, टियाइं विसिद्ध-गोठ्ठीए; भणियं च
15 तीए ' महाभाग, तुमं मोत्तूण न केणइ अणुरजियं मे अवर-पुरि-
सेण माणसं । ता सच्च मैयं

नयणेहि को न दीसइ केण समाणं न होन्ति उल्लावा ।

हिययाणन्दं जं पुण जणेइ तं माणुसं विरलं ॥

- ता ममाणुरोहेण एत्थ घरे निचमेवागन्तव्वं' । मूलदेवेण भणियं 'गुण-
20 राइणि, अन्न-देसीएसु निद्वणेसु अम्हारिसेसु न रेहए पडिवन्धो, न
य ठिरी-हवइ । पाएण सव्वस्स वि कज्ज-वसेण चेव नेहो । भणियं च-
वृक्षं क्षीणफलं त्यजन्ति विहगाः शुष्कं सरं सारसाः;
पुष्पं पर्युषितं त्यजन्ति मधुपा दग्धं वनान्तं मृगाः ।
निर्द्रव्यं पुरुषं त्यजन्ति गणिका भ्रष्टं नृपं सेवकाः;
25 सर्वः कार्यवशाज्जनोऽभिरमते कः कस्य को बल्लभः ॥
तीए भणियं 'स-देसो पर-देसो वा अकारणं सप्पुरिसाणं' । भणियं च-
जलहि-विसंघडिएण वि निवसिज्जइ हर-सिरांमि चन्देजं ।
जत्यगया तत्यगया गुणिणो सीसेण युब्भन्ति ॥

तहा—अत्थो वि असारो; न तंमि वियक्खणाण बहुमाणो, अवि य गुणेसु चेवाणुराओ हवइ ति । किं च—

वाया सहस्स-मइया सिणेह-निज्जाइयं सय-सहस्सं ।
सम्भावो सज्जण-माणसस्स कोटिं विसेसेइ ॥

5 ता सज्जहा पडिवज्जसु इमं पत्त्यणं ति ।' पडिवन्नं तेण । जाओ तेसिं नेह-निब्भरो संजोगो ।

अन्नया राय-पुरओ पणाच्चिया देवदत्ता, वाइओ मूलदेवेण पडहो । तुट्ठो तीए राया । दिन्नो वरो । नासकिओ तीए । सो य अइव जूय पसङ्गी; निवसण-मेत्तं पि न रहए ।
10 मणिओ य साणुणयं तीए पिय-वाणीए 'पिययम, कोमुइ-मयङ्कस्सेव हरिण-पडिविम्भं तुम्हं सयल-गुणालयाणं कलङ्कं चेव जूय-वसणं । बहु-दोस-निहाणं च एयं । तहा हि

कुल-कलङ्कणु सच्च-पडिवक्खु
गुरु-लज्जा-सोय-करु
15 धम्म-विग्यु अत्थह पणासणु ।
जं दाण-भोगेहि रहिउ
पत्त-दार-पिइ-माइ-सोसणु ।
जहिं न मुणिज्जइ देउ गुरु
जहिं न वि कच्चु अकच्चु ।
20 तणु-संतावणु कुगइ-पहु
पिय तहिं जूइ म रज्जु ॥

ता सज्जहा परिचयसु इमं । अइरसेण यनसकए मूलदेवो परिहरिउं ।

अत्थि य देवत्ताए गाढाणुरत्तो मूलिछो मित्तसेणो अयल-नामा सत्थवाह-पुत्तो । देइ सो जं मगियं, संपाडेइ यत्थाभरणाइयं ।
25 वहइ य सो मूलदेवोवरि पओसं, ममाइ य छिदाणि । तस्स सक्काए न गच्छइ मूलदेवो तीए घरं अवसरमन्तरेण । मणिआ य देवदत्ता जणणीए '... परिचय मूलदेवं ! न किंचि निद्वज्ज-चक्षेण पओ

यणमेण । सो महाणुभावो दाया अयलो पेसेइ पुणो पुणो बाहुयं
दव्व-जायं । ता तं चेव अङ्गी-करेमु सज्जप्पगयाए । न एदंमि
पडियारे दोन्नि करवालाइं मायन्ति, न य अलोणियं सिलं केइ
चेट्ठेइ । ता मुच्च नूयारिये इमं'ति । तीए भाणियं ' नाहं अन्न,
5 एगन्तेण धणाणुरागिणी, गुणेमु पे । मे पडिवन्धो । ' जणणीए
भाणियं ' केरिस्ता तस्स नूयकारिस्स गुणा ! ' तीए भाणियं ' अन्न,
केवल्ल-गुणमओ खु सो; जओ—

धीरो उदार-चित्तो दाविखण्ण-महोयही कया-निठणो ।

पिय-भासी य कयण्णू गुणाणुराई विसेसन्नु ॥

10 अओ न परिचयामि एयं । तओ साऽणेगेहिं दिट्ठन्तेहिं आदत्ता
पडिबेहिउं ' अलत्तए मगिए तारिंसं पणामेइ, उच्छृखण्डे पत्थिए
छोइयं पणामेइ, कुमुमेहिं जाएहिं वेण्ट-मेत्ताइं पणामेइ । जोइया य
पडिमणइ ' जारिसमेयं, तारिसो एसो ते पिययमो, तहा वि
छुमं न परिचयसि । ' देवदत्ताए चिन्तियं ' मूदा एसा, तेणेवविहे दिट्ठन्ते
15 देइ । '

तओ अजया भाणिया जणणी ' अम्मो ममेहि अयलं उच्छं । '
कहियं च तीए तस्स । तेण वि सगडं मरेउण पेसियं । तीए भाणियं
' किमहं करिणिया, जेणेवविहं स-पत्त-डालं उच्छं पभयं पेसिज्जइ ' ।
तीए भाणियं ' पुत्ति, उदारो खु सो, तेण एवं पेसियं' ति । चिन्तियं
20 च णेण ' अज्जाणं पि सा दाहिं ति । ' अवर-दियहे देवदत्ताए भाणिया
माहवी ' हला मणाहि मूलदेवं, जहा उच्छृण उवरि सद्धा देवद-
त्ताए; ता पेसेहि मे ' । तीए वि गन्तूण कहियं । तेण वि गहि-
याओ दोन्नि उच्छृखण्डोओ निच्छो-लिउण कयाओ दुयङ्गल-
पमाणाओ गण्डियाओ, चाउज्जाएण य अवचुण्णियाओ, कप्पु-
25 रेण य मणागं वासियाओ, मूलाहि य मणागं भिन्नाओ;
गहियाइं अभिणव-मल्लगाइं, परिउण ताइं दाक्खिउण य
पेसियाणि । दोइयाइं च गन्तूण महावीए, दंसियाणि तीए वि

- जणणीए । भाणियाय 'पेच्छ अम्मो, पुरिसाण अन्तरं' ति ।
 ता अहं एएसिं गुणाणमणुरत्ता । जणणीए चिन्तियं 'अच्चन्त-
 मोहिया एसा, न परिच्चयइ अत्तणा इमं; ता करेमि किंपि उवायं,
 जेण एसो वि कामुओ गच्छइ विएसं; तओ सुत्थं हवइ' ति चिन्ति-
 5 उण भाणिओ अयलो 'कहसु एईए पुरओ अलिय-गामन्तर-गमणं,
 पच्छा मूलदेवे पविट्ठे मणुस्स-सामग्गीए आगच्छेज्जह; विमाणेज्जह यतं,
 जेण विमाणिओ सन्तो देस-च्चायं करेइ । ता संजुत्ता चेट्ठेज्जह । अहं
 ते वत्तं दाहामि ।' पडिवन्नं च तेण । अन्नंमि दिणे कयं तहेव तेण ।
 निग्गओ अलिय-गामन्तर-गमण-मिसेण । पविट्ठो य मूलदेवो । जाणा-
 10 विओ जणणीए अयलो, आगओ महा-सामग्गीए, दिट्ठो य पविस-
 माणो देवदत्ताए । भाणिओ य मूलदेवो 'ईइसो चेव अवसरो, पडि-
 च्छियं च जणणीए एयपेसियं दव्वं; ता तुमं पल्लङ्क-हेट्ठओ महुत्तगं
 चेट्ठह ताव ।' ठिओ सो पल्लङ्क-हेट्ठओ, लक्खिओ अयलेण । निसण्णो
 पल्लङ्के अयलो । भाणिया य सा तेण 'करेह ण्हाण-सामग्गि' । देव-
 15 दत्ताए भाणियं 'एवं' ति; ता उट्ठिह नियंसह पोट्ठिं जेण अब्भ-
 झिज्जह । 'अयलेण भाणियं 'मए दिट्ठो अज्ज सुमिणओ, जहा.
 नियत्थिओ चेव अब्भझियगत्तो एत्थ पल्लङ्के आरुदो ण्हाओ ति ।
 ता सच्चं सुमिणयं करेसु' । देवदत्ताए भाणियं 'णणु विणासिज्जइ
 महग्गियं तूलियं गण्डुयमाइयं ।' तेण भाणियं 'अन्नं ते विसिट्ठतरं
 20 दाहामि' । जणणीए भाणियं 'एवं' ति । तओ तत्त्यट्ठिओ चेव अब्भझिओ
 उव्वाट्ठिओ उण्ह-खलि-उडगेहिं पमज्जिओ । भरिओ तेण हेट्ठ-ट्ठिओ
 मूलदेवो । गहियाउहा पविट्ठा पुरिसा । सन्निओ जणणीए अयलो ।
 गहिओ तेण मूलदेवो वाळेहिं, भाणिओ य 'रे ! संपयं निरुवेहि,
 जइ कोइ अत्थि ते सरणं ।' मूलदेवेण य निरुवियाइं पासाइं जाव,
 25 दिट्ठं निसियासि-हत्थेहिं वेडियमत्ताणयं मणुसेहिं । चिन्तियं च 'नाह-
 मेएसिं उच्चरामि, कायव्वं च मए षडर-निज्जायणं, निराउहो संपयं,
 ता न पोरिसस्सावसरो' ति चिन्तियं भाणियं 'अं ते रोयइ, तं
 'अयलेण चिन्तियं 'उत्ताम-पुरिसो कोई एस आगईए चेव

- नज्जइ, सुलभाणि य संसारे महापुरिसाण वसणाइं । भाणियं च—
 को एत्थ सया सुद्धिओ कस्स च लच्छी धिराइ पिम्माइं ।
 कस्स व न होइ खलियं, भण को व न स्वण्ढिओ विहिणा ॥
 भाणिओ मूलदेवो ' भो एवंविहायत्थं गओ मुक्को संपयं तुमं ममं पि
 ५ विहि-वसेण कयापि वसणपत्तस्स एवं चेव करेज्जह ।'
 तओ विमणो-दुम्मणओ निमाओ नयराओ मूलदेवो । ' पेच्छ
 कहं एएण छलिओ ' ति चिन्तयन्तो ण्हाओ सरोवरे, कया
 पडिवात्ति । चिन्तियं ' गच्छामो निएसं, तत्थ गन्तूण करेमि किंपि
 इमस्स पडिविप्पिउवायं ' पट्ठिओ बेण्णायट्ठ-संमुहं । गाम-नगराइ-
 १० सज्जोण वच्चन्तो पत्तो दुपालस-जोयण-पमाणाए अडवीए मुहं ।
 चिन्तियं च तत्थ ' जइ कोइ वच्चन्तो वाया-मेत्तं सहेज्जो वि
 दुइओ लब्भइ, तो सुहं चेव छिज्जइ अडवी । ' जाव भेव-वेइए
 आगओ विसिद्धाकार-दंसणीओ सम्बल-थइया-सणाहो दक्क-बम्मणो
 पुच्छिओ य ' भो भट्ट ! किं दूरं गन्तव्वं ? ' तेण भाणियं ' अत्थि अडवीए
 १५ परओ वीरनिहाणं नाम ठामं, तं गमिस्सामि । तुमं पुण कत्थं
 पत्थिओ ? ' इयरेण भाणियं ' बेण्णायट्ठं । ' भट्टेण भाणियं ' ता एहि
 गच्छम्ह । ' तओ पयट्ठा दो वि । मज्झण्ह-समए य वच्चन्तेहि
 दिइं सरोवरं । दक्केण भाणियं ' भो वीसमामो खणमेगं ' ति ।
 गया उदग-समीवं, घोया हत्थ-पाया । गओ मूलदेवो पालि-संठिय-
 २० रुक्ख-छायं । दक्केण छोडिया सम्बल थइया, गहिया वट्ठयंमि सत्तुया ।
 ते जलेण उल्लेत्ता लग्गो भक्खिउं । मूलदेवेण चिन्तियं ' एरिसा
 चेव बम्मण-जाई मुक्खा-पहाणा हवइ, ता पच्छा मे दाही । ' भट्टो
 वि मुज्जिता, बन्धिउण थइयं पयट्ठो । मूलदेवो वि, ' नूणं अवरण्हे
 दाही ' चिन्तेन्तो अणुपयट्ठो । तत्थ वि तहेव भुत्तं, न दिन्नं तस्स ।
 २५ ' कलं दाहि ' ति आसाए गच्छइ एसो । वच्चन्ताण य आगयां
 रयणी । तओ वट्ठाओ ओसरिउण वट्ठ-पायव-हेइओ पसुत्ता । पच्चुसे
 पूणो वि पत्थिया, मज्झण्हे तहेव थक्का, तहेव भुत्तं दक्केण, न दिन्नं
 एयस्स । जाव तइय-दियहे चिन्तियं मूलदेवेण नित्थिणा पाया अडवी ।

वेण य जोडिऊण कर-जुयलं कहिओ सुविण-गुवइयरो । उवज्झाएण वि भाणियं स-हरिसेण ' कहिस्सामि सुह-मुहुत्ते सुविणय-फलं; अज्ज ताव अतिही होसु अम्हाणं । ' पडिवन्नं च मूलदेवेण । ण्हाओ निमिओ य विभूईए । भुत्तुत्तरे य भाणिओ उवज्झाएण ' पुत्त, 5 पत्ता पवरा मे एसा कन्नगा, ता परिणेषु ममोवरोहेण एयं तुमं' ति । मूलदेवेण भाणियं ' ताव, कहं अन्नाय-कुल-सीलं जामाउयं करेसि । ?' उवज्झाएण भाणियं 'पुत्त, आयारेण चैव नज्जइ अकहियं पि कुलं' भाणियं च—

आचारः कुलमाख्याति देशमाख्याति जल्पितम् ।
संभ्रमस्सनेऽहमाख्याति वपुराख्याति भोजनम् ॥

तहा—

फो कुवल्याण गन्धं करेइ महुरत्तणं च उच्छूणं ।

वर-हत्थीण य लीलं विणयं च कुल-प्पसूयाणं ॥

अह वा—

5 जइ होन्ति गुणा तो किं कुलेण गुणिणो कुलेण नहु कज्जं ।

कुलमकलङ्कं गुण-वज्जियाण गुरुयं चिय कलंकं ॥

एवमाइ-भाणिईहि पडिवज्जाविओ, सुह-मुहुत्तेण परिणाविओ । कहि-यं सुविणय-फलं ' सत्त-दिणव्वन्तरेण राया होहिसि ' । तं च सोऊण जाओ हिट्ठ-मणो । अच्छइ यं तत्थ सुहेणं । पच्चमे य 0 दिवसे गओ नयर-बाहिं, निसण्णो य चम्पग-छायाए ।

इओ य तीए नयरीए अपुत्तो राया कालगओ । तत्थ अहियासियाणि पच्च-दिव्वाणि । ताणि आहिण्डिय नयरि-मज्जे निग्गयाणि बाहिं, पत्ताणि मूलदेव-सयासं । दिट्ठो सो अप-रियत्तमाण-छायाए हेट्ठओ । तं पेच्चिय गुलुगुलियं हत्थिणा, हेसियं 5 घुरङ्गेण, अहिसित्तो भिङ्गारेण, वीइओ चमरेहिं, ठियमुवरि पुण्डरीयं । तओ कओ छोएहिं, जय-जयारवो । घटाविओ गएण खन्धे, पइसारिओ य नयरिं, अहिसित्तो मन्ति-सामन्तेहिं । भाणियं च गयण-तल गयाए देवयाए ' भो भो ! एस महाणुभावो असेस-

आसन्नो अवरो विईओ गामो; ता पयच्छामि सत्त्वे इमे ' ति ।
 पणमिउण तओ समप्पिया भगवओ, कुमास्सा । साहुणा वि तस्स
 परिणाम-पयारिसं मुणन्तेण दब्बाइ-सुद्धि च वियाणिउण ' धम्म-
 सील, थोवे देज्जह ति' भाणिउण धरियं पत्तयं । दिन्ना य तेण पव-
 5 हुमाणाइसएण । भाणियं च तेण—

धन्नाणं सु नराणं कुम्मासा हुन्ति साहु-पारणए ।
 एत्थन्तराम्भि गयणन्तर-गयाए रिसि-भत्ताए मूलदेव-भात्ति-राज्जियाए
 भाणियं देवयाए ' पुत्त मूलदेव, सुन्दरमणुचिद्वियं तुमे । ता एयाए
 गाहाए पच्छद्वेण मगाह जं रोयए, जेण संपाडेमि सत्त्वं !' मूलदे-
 10 वेण भाणियं—

भाणियं च देवदत्तं दन्ति-सहस्सं च रज्जं च ।

देवयाए भाणियं ' पुत्त, निच्चिन्तो विहरसु । अवस्सं रिसि-चल-
 णाणुभावणे अदरेण चेव संपज्जिस्सइ एयं । ' मूलदेवेण भाणियं ' भय-
 वइ, एवमेयं' ति । तओ वन्दिय रिसिं पढिनियत्तो, रिसि वि
 15 गओ उज्जाणं । लद्धा अवरा भिक्खा मूलदेवेण । जेमिओ पत्थिओ
 य वेण्णायड-सम्मुहं । पत्तो य कमेण तत्थ ।

पसुत्तो रयणीए चार्हि पहिय-सालाए । दिट्ठो य चरिम-ज्जामे
 सुमिणओ ' पढिपुण्ण-मण्डलो निम्मल-प्पभो मयङ्को उयरं मे पविट्ठो ।'
 अत्तेण वि कप्पडिएण एसो चेव दिट्ठो, कहिओ तेण कप्पडियाणं ।
 20 तत्थेगेण भाणियं ' लपिहिसि तुमं अज्ज पय-गुल-संपुण्णं महत्तरं
 ' रोट्ठगं ' । ' न याणन्ति एए सुमिणस्स परमत्थं ' ति न कहियं
 मूलदेवेण । लद्धो कप्पडिएण भिक्खा-गएण घर-चायणियाए जहो-
 वइट्ठो रोट्ठगो । तुट्ठो य एसो निवेइओ य कप्पडियाणं । मूलदेवो
 वि गओ एगमारामं । आवज्जिओ तत्थ कुसुमोच्चय-साहिज्जेण माला-
 25 गारो । दिन्नाइं तेण पुप्फ-फलाइं । ताइं घेत्तुं मुइ-भूओ गओ सुविण-
 ' सत्थ-पादयस्स गेहं, कओ तस्स पणामो । पुच्छिया खेमारोग-वत्ता ।
 ' तेण वि संप्राप्तिओ स-बहुमाणं पुच्छिओ य पओयणं । ' मूलदे-

वेण य जोडिऊण कर-जुयलं कहिओ सुविण-गुवइयरो । उवज्झाएण
वि भाणियं स-हरिसेण ' कहिस्सामि सुह-मुहुत्ते सुविणय-फलं; अज्ज
ताव अतिही होसु अम्हाणं । ' पडिवन्नं च मूलदेवेण । ण्हाओ
जिमिओ य विभूईए । भुत्तुत्तरे य भाणिओ उवज्झाएण ' पुत्त,
5 पत्ता पवरा मे एसा कन्नगा, ता परिणेषु ममोवरोहेण एयं तुमं'
ति । मूलदेवेण भाणियं ' ताय, कहं अन्नाय-कुल-सीलं जामाउयं
करेसि । ?' उवज्झाएण भाणियं 'पुत्त, आयारेण चेव नज्जइ अकहियं
पि कुलं' भाणियं च—

आचारः कुलमाख्याति देशमाख्याति जल्पितम् ।
संभ्रमस्तेऽहमाख्याति वपुराख्याति भोजनम् ॥

तहा—

को कुवल्याण गन्धं करेइ महुरत्तणं च उच्छूणं ।
घर-हत्थीण य लीलं विणयं च कुल-प्पसूयाणं ॥

अह वा—

5 जइ होन्ति गुणा तो किं कुलेण गुणिणो कुलेण नहु कज्जं ।

कुलमकलङ्कं गुण-वज्जियाण गुरुयं चिय कलंकं ॥

एवमाइ-भाणिईहिं पडिवज्जाविओ, सुह-मुहुत्तेण परिणाविओ । कहि-
यं सुविणय-फलं ' सत्त-दिणम्भन्तरेण राया होहिसि ' । तं च
सोऊण जाओ हिट्ठ-मणो । अच्छइ यं तत्थ सुहेणं । पच्चमे य
0 दिवसे गओ नयर-बाहिं, निसण्णो य चम्पग-छायाए ।

इओ य तीए नयरीए अपुत्तो राया कालगओ । तत्थ
अहियासियाणि पच्च-दिब्बाणि । ताणि आहिण्डिय नयरि-मज्जे
निग्गयाणि बाहिं, पत्ताणि मूलदेव-सयासं । दिट्ठो सो अप-
रियत्तमाण-छायाए हेट्ठओ । तं पेच्चिय गुलुगुलियं हत्थिणा, हेसियं
5 खुरङ्गेण, अहिसित्तो भिङ्गारेण, वीइओ चमरेहिं, ठियमुवरि पुण्डरीयं ।
तओ कओ लोएहिं, जय-नयारवो । चडाविओ गएण खन्धे,
पइसारिओ य नयरिं, अहिसित्तो मन्ति-सामन्तेहिं । भाणियं च
गयण-तल गयाए देवयाए ' भो भो ! एस महाणुभावो असेस-

कटा-पारगओ देवगाहिटिय-सररिओ विद्यमराओ नाम राया; त
 एयसस सामणे जो न गट्टइ, तसस नाहं समामि' ति । तओ सस
 सामन्त-मन्नि-पुरोहियाइओ परिगणो आणा-विहेओ जाओ । तम
 य उदारं विसय-मुहमणुहवन्तो निट्टइ । आदत्तो उजेणि
 5 सामिणा वियारधवलेण संववहारो जाव, जाया परोप्परं निरन्त
 पीई ।

इओ य देवदत्ता तारिसं विडम्बणं मूलदेवसस पेच्छिय विरत्त
 अर्धव अयलोवरि । तओ य निव्वन्निओ अयलो । भो अहं वेसा
 न उण अहं बुद्धा कुल-वरिणी ! तहा वि मज्जा गेहत्थो एवं-विह
 10 ववहरसि । ता ममत्ताए पुणो न सिज्जियव्वं'ति भाणिय गथा राइणो
 सयासं । भाणिओ य निवटिय चलणेसु राया ' तेण वरेण कीरउ
 पसाओ । ' राइणा भाणियं ' भण; कओ चेव बुद्धा पसाओ;
 किमवरं भणीयइ ? ' देवदत्ताए भाणियं ' ता सामि, मूलदेवं वज्जिय
 न अओ पुरिसो मम आणवेयव्वो, एसो अयलो - मम
 15 घरागमणे निवारेयव्वो । ' राइणा भाणियं ' एवं, जहा बुद्धा
 रोयए; परं कहेह, को पुण एस वुत्तन्तो ? ' तओ कहिओ माहवीए ।
 ल्हो राया अयलोवरि । भाणियं च ' भो मम एईए नयरीए एयाई
 दोन्नि रयणाई, ताई वि खली-करेह एसो । तओ
 हकारिय अम्माहिओ भाणिओ य ' रे तुमं एत्थ राया, जेण एवं-
 20 विहं ववहरसि ! ता निरुत्तेहि संपयं सरणं, करेभि तुह पाण-विणांसं
 देवदत्ताए भाणियं ' सामि, किमेइणा सुणह-पाएणं पडि
 ति ? ता मुच्चह एयं । ' राइणा भाणिओ, ' रे एईए
 वयणेणं ल्हो संपयं, सुद्धी उण तेणेवेह आणिएणं भविस्सइ । ' त
 25 पलणेसु निवडिउण निमाओ राय-उलाओ । आदत्तो
 दिसो दिसि, तहा वि न ल्हो । तओ तीए चेव उणिमाए
 उण भण्डसस वहणाई पत्थिओ पारस-उलं ।
 इओ य मूलदेवेण पेसिओ लेहो कासेहियाई च देवदत्ताए
 य राइणो । भाणिओ य राया ! मम एईए देवदत्ताए उवरि

पट्टिवन्धो; ता जइ एईए अभिरुचियं, तुम्हं वा रोयए, तो कुणह
पसायं, पेसेह एयं ! ' तओ राइणा भाणिया राय दोवारिगा ' भो-
किमेयं एवंविहं लिहावियं विक्रमराएण ? किं अम्हाणं तस्स य
अत्थि कोइ विसेसो ? रज्जं पि सव्वं तस्सेयं किं पुण देवदत्ता ! परं
5 इच्छउ सा ! ' तओ हक्कारिया देवदत्ता । कहिओ वुत्तन्तो । 'ता
जइ तुम्ह रोयए, ताहे गम्मउ तस्स सगासं । ' तीए भाणियं
' महापसाओ तुम्हाणुन्नायाण मणोरहाए अम्हं । ' तओ महा-
विभावेणं पूइऊण पेसिया गया य । तेण वि महाविभूईए चेव
पवेसिया । जायं च परोप्परमेग-रज्जं । अच्छए मूल देवो तीए सह
10 विसय-सुहमणुभवन्तो निग-भवण-विम्बकरण-पूयण-तप्परो त्ति ।

इओ यसो अयलो पारस-उले विढाविय बहुयंदव्वं पवरं च भण्डं
भरेऊण आगओ बेण्णायडं, आवासिओ य बाहिं । पुच्छिओ
लोगो ' किं नामाभिहाणो एत्थ राया ? ' कहियं च 'विक्रमराओ'
त्ति । तओ हिरण्ण-सुवण्ण-मोत्तियाणं थालं भरेऊण गओ राइणो
15 पेक्खगो । दवावियं राइणा आसणं । निसण्णो पच्चभिन्नाओ य;
अयलेण य न नाओ एसो ? । रन्ना पुच्छियं 'कुओ सेट्ठी आगओ ?'
तेण भाणियं 'पारसउलाओ' । रन्ना पूइएण अयलेण भाणियं 'सामि,
पेसेह कोवि उवरिमो जो भण्डं निरुवेइ । ' तओ राइणा भाणियं—
' अहं समयेवागच्छामि ' । तओ पच्चउल-सहिओ गओ राया,
20 दंसियं वहणेसु सङ्ख-पोफल-चन्दणागुरु-मज्झिमाइयं भण्डं । पुच्छियं
पच्चउल-समक्खं राइणा ' भो सेट्ठि, एत्तियं चेवइमं ' तेण भाणियं
' देव, एत्तियं चेव । ' राइणा भाणियं ' करेह सेट्ठिस्स अद्ध-दाणं
परं मम समक्खं तोलेह चोहए ' । तोलियाइं पच्चउलेण । भारेण
पाय-प्पहारेण य धस-वेहेण य लक्खियं मज्झिमाइ-मज्झ-गयं
25 सार-भण्डं राइणा, उक्केलावियाइं चोहयाइं, निरुवियाइं समन्तओ
जाव दिट्ठं कत्थइ सुवण्णं, कत्थइ रुप्पयं, कत्थइ मणि-मोत्तिय-पवा-
लाइ-महग्गं भण्डं । तं च दट्ठण रुडेण निय-पुरिसाण-दिन्नो आप्पसो

- ‘अरे बन्धह पचवक्ख-चोरं इमं’ ति । बद्धो य पगपगिन्त-हियओ दाऊण रक्खवाल-जणेसु गओ राया मवणं । सो वि आपिओ विखगेण राय-समीवं । गाढ-बद्धं च दट्ठण भाणियं राइणा ‘रे छोडेह ।’ छोडिओ अत्तेहिं । पुच्छिओ राइणा ‘परियाणासि 5 तेण भाणियं । सयल-पुहवि-विक्खाए महानरिन्दे को न या राइणा भाणियं । अले उवयार-भासणेहिं, फुडं साहसु, जइ ज अयलेण भाणियं ‘देव न याणामि सम्मं ।’ तओ राइणा विया देवदत्ता, आगया वरच्छर ज्व सज्ज-भूसन-धरा; वि अयलेण । छजिओ मणंमि बाढं । भाणियं च तीए ‘भो, ए 10 मूलदेवो, जो तुमे भाणिओ तंमि काले ममावि कयाइ विहि-वसणं पत्तस्स उवयारं करेज्जह । ता एस सो अवसरो । तुमं अत्थ-सरीर-संसयमावन्नो वि पणय-दीण-जण-वच्छलेण संपयं ।’ इमं च सोऊण विलक्ख-माणसो ‘महा-पप्ताओ भाणिऊण निवडिओ राइणो देवदत्ताए य चल्लेसु । भाणियं च 15 मए जं तया सयल-जण-निव्वुइ-करस्स नीसेस-कला-सो। देवस्स निम्मल-सहावस्स पुणिमा-चन्दस्सेव राहुणा कयत्थ तं खमउ मम सामी । तुम्ह कयत्थणामरिसेण महाराओ देइ मे उज्जेणीए पवेसं ।’ मूलदेवेण भाणियं ‘खमियं चेव जस्स तुह देवी-कओ पप्ताओ ।’ तओ सो पुणो वि नि 20 दोण्ह वि चल्लेसु, परमायरेण ण्हाविओ य देवदत्ताए, पवि महम्म वत्थे, राइणा भुक्कं दाणं । पेसिओ उज्जेणिं । राइणो अन्मत्थणाए खमियं वियारधवलेण । निग्धिण-सम्मं रज्जे निविडं सोऊण मूलदेवं आगओ वेण्णायडं, दिट्ठो राया से चेव अदिट्ठ-सेवाए गामो तस्स रन्ना । पणमिऊण

इओ य तेण कप्पडिणं सुयं जहा मूलदेवेण वि एरिसो सुमिणो
 देहो जारिसो मए । परं सो आएस-फलेण राया जाओ । सो
 विन्तेइ वच्चांमि जत्थ गोरसो, तं पिबित्ता सुवामि । जाव तं सुमिणं
 पुणो वि पेच्छामि । अवि सो पेच्छज्ज, न य माणुसाओ विमासा ।

माण्डव्य

२४६

- बेष्ठागदे णयरे मण्डिओ नाम सुष्णाओ पर-दव्व-हरण-वसत्तो
 आसी । सो य ' दुट्ठ-गण्डो मि'त्ति जणे पगासेन्तो जाणु-देसेण
 निशमेव अदावले-लित्तण धद्द-यण-पटो राय-मगे सुष्णाग-सिप्पमुव-
 जीवति । चक-मन्तो वि य दंढ-वरिणं पाणं किलिम्मन्तो
 5 कंहे वि चक-मति । रत्ति च खत्तं सण्णित्तण दव्व-जायं
 पेत्तण, नगर-साण्हिए उज्जाणेग-देसे भूमि-घरं, तत्थ निक्खि-
 यति । तत्थ य से भगिणी कण्णगा चिट्ठनि । तस्स भूमि-
 घरस्स मज्जे प्यूयो । जं च सो चोरो दव्वेण पलोभेउं सहायं
 दव्व-वोदारं आणेति; तं सा से भगिणी अगढ-सर्मावे पुव्व-गत्थासणे
 10 निवेसिउं पाय-सोय-खत्तवेण पाए गेण्हिउण तंमि कूयए पक्खिवइ ।
 तओ सो विवज्जति । एवं कालो वच्चति णयरं मुसन्तस्स ।
 चोर-ग्गाहा तं न सकेन्ति गेण्हिउं, तओ नयरे बहु-रवो जाओ । तत्थ य
 मूल देवो राया [पुञ्ज-भणिय-विहाणेण जाओ । कहिओ य तस्स पउरेहिं
 तकर-वइयरो, जहा 'एत्थ नयरे पभूय-कालो मुसन्तस्स वट्ठइ
 15 कस्सइ तकरस्स, न य तीरइ केणइ गेण्हिउं । ता करेउ किं पि
 उवायं] ताहे सो अन्नं णगरारक्खियं ठवेति । सो वि ण
 सकति चोरं गेण्हिउं । ताहे मूलदेवो सयं नील-पटं पाउणिऊण
 रत्तिं णिमातो । मूलदेवो अणज्जन्तो एगाए समाए णिसण्णो
 अच्छति जाव, सो मण्डिय-चोरो आगन्तुं भणति ' को एत्थ
 20 अच्छति ? ' मूलदेवेण भणियं ' अहं कप्पडिओ । ' तेण भण्णति
 ' ए हि मणुञ्जं करेमि । ' मूलदेवो उट्ठिओ । एगंमि ईसर-घरे खत्तं
 खयं । सुबहुं दव्व-जायं णिणेऊण मूलदेवस्स उवरिं चडावियं ।
 पयट्ठा णयर-बाहिरियं । मूलदेवो पुरओ, चोरो असिणा कहिदएण
 पिट्ठओ एति । संपत्ता भूमि-घरं । चोरो तं दव्वं णिहाणिउ-
 25 मारद्धो । भणिया य णेण भगिणी ' एयस्स पाहुणयस्स पाय-सोयं

- देहि' ताए कूब-तड-सन्निविद्धे आसणे निवेसिओ ताएपाय-सोय-लक्खेण
पाओ गहिओ ' कूवे छुहामि' ति जाव अतीव सुकुमारा पाया,
ताए णायं जहा ' एस कोइ अणुभूय-पुब्ब-रज्जो विहलियङ्गो ।
तीए अणुकम्पा जाया । तओ ताए पाय-तले सण्णिओ ' णस्स ति,
5 मा मारिज्जिहिसि ' ति । पच्छा सो पल्लोओ । ताए वीलो कओ
' ण्हो ण्हो' ति । सोय असिं कडिदुण मग्गे ओलमो । मूलदेवो
रायपेहे अतिसान्निकिद्धं नाऊण चच्चर-सिवन्तरिओ ठिओ । चोरो
तं सिव-ल्लिङ्गं ' एस पुरिसो ' ति काउं कङ्कमएण असिणा
दुहा-काउं पडिनियत्तो, गओ भूमि-घरं । तत्थ वसिऊण पहायाए
10 रयणीए तओ निग्गन्तूण गओ बार्हि । अन्तरावणे तुण्णागतं
करेति । राइणा पुरिसैहिं सदाविओ । तेण चिन्तियं जहा ' सो
पुरिसो णणं ण मारिओ, अवस्सं च एस राया भविस्सइ ' ति ।
तेहिं पुरिसैहिं आणिओ । राइणा अब्भुङ्गाणेण पूइओ, आसणे
णिवेसाविओ, सुबहुं च पियं आभासिओ, संलत्तो ' मम भगिणि
15 देहि' ति । तेण दिण्णा, विवाहिया राइणा । भोगाय से संपदत्ता ।
कइसु वि दिण्णेषु गएसु राइणा मण्डिओ भणिओ ' दब्बेण कज्जं ' ति ।
तेण सुबहुं दब्बं जायं दिन्नं । राइणा संपूजितो । अन्नया पुणो
भणिओ; पुणो वि दिण्णं । तस्स य चोरस्स अतीव सक्कार-संमाणं
पउज्जति । एएण पगारेण सव्वं दब्बं दवाविओ । भगिणिं से पुच्छति,
20 तीए भन्नंति ' एत्तिथं चेव वित्तं ' । तओ पुव्वावेइय-ल्लेखा-
णुसारेण सव्वं दब्बं दवावेऊण मण्डिओ सुल्लं आरोविओ ।

अगडदत्त



अत्थि जए सु-पसिद्धं सङ्गुतरं पुर-वरं गुण-समिद्धं ।
 तम्मि य राया जण-जणिय-तोसओ सुन्दरो नाम ॥ १ ॥
 तस्स कुल-रुव-सरिसी समग-जण-जणिय-लोयणाणन्दा ।
 अन्तेउरस्स पदमा सुलसा नामेण वर-भज्जा ॥ २ ॥
 तीए कुच्छि-पसूओ पुत्तो नामेण अगडदत्तो ति ।
 अणुदियहं सो पवरं वड्डन्तो जोव्वणं पत्तो ॥ ३ ॥

सो य केरिसो—

धम्मत्थ-दया-रहिओ गुरु-वयण-विषज्जिओ अलिय-वाई
 पर-रमणि-रमण-कामो निस्सक्के माण-सोण्डीरो ॥ ४ ॥
 मज्जं पिण्ड नूयं रमेइ पिसियं महं च भक्सेइ ।
 नह-वेडय-वेसा-विन्द-परिगओ भमइ पुर-मज्जे ॥ ५ ॥
 अन्नंमि दिणे रओ पुरवर-लोएण वड्ढरो सिट्ठो ।
 जह कुमरेण नराहिव नयेरे असमज्जसं विहियं ॥ ६ ॥
 सुणिऊण पउर-वयणं राया गुरु-कोव-जाय-रत्तच्छो ।
 फुड-भिउडि-भासुर-सिरो एयं भाणिउं समादत्तो ॥ ७ ॥
 रेरे भणह कुमारं सिग्घं चिय वज्जिऊण मह विसयं ।
 अन्नत्थ कुणसु गमणं मा भणसु य जं न कहियं ति ॥ ८ ॥
 नाऊण वड्ढरं सो कुमरो चड्ढण निय-पुरं रम्मं ।
 सग-सहाओ चलिओ गुरु-माण-पवड्ढियामरिसो ॥ ९ ॥
 लह्मिता गिरि-सरि-काणणाइ-पुर-गोढ-गाम-वन्दाइ ।
 निय-नयराओ दूरे पत्तो वाणारसिं नयारिं ॥ १० ॥
 तिय-वच्चरमाईसु असहाओ भमइ नयर-मज्झंमि ।
 चित्ते अमरिस-नुत्तो करि व नूहाओ परिमट्ठो ॥ ११ ॥

हिण्डन्तेणं च तया पुरीए मग्गेसु राय-तणएण ।
बहु-तरण-नर-समेओ एक्को किल जाणओ दिट्ठो ॥ १२ ॥
सो।य केरिसो—

सत्थत्थ-कला-कुसलो विउसो भावन्नुओ सुगम्भीरो ।
निरओ परोवयारे किवालुओ रूव-गुण-कलिओ ॥ १३ ॥
नामेण पवणचण्डो बाईणं न उण सीसाणं ।

सन्दण-हय-गय-सिक्खं साहिनो निव-सुयाण तहिं ॥ १४ ॥
तस्स समीवंमि गओ चरण-जुयं पणमिउं समासीणो ।

कत्तो सि तुमं सुन्दर, अह भणिओ पवणचण्डेण ॥ १५ ॥
एगन्ते गन्तूणं सङ्खउराओ नहा विणिकखन्तो ।

कहिओ तह वुत्तन्तो कुमरेण पवणचण्डस्स ॥ १६ ॥
चण्डेण तओ भणिओ अच्छसु एत्थं कलाओ सिक्खन्तो ।

परमत्तणो य गुज्झं कस्स वि मा सुयणु पयडेसु ॥ १७ ॥
उट्ठेउं उज्झाओ पत्तो गेहंमि राय-सुय-साहिओ ।

साहेइ माहिलियाए एसो मह-भाउय-सुओ त्ति ॥ १८ ॥
ण्हविउणं कुमर-वरं दाउणं पवर-वत्थमाभरणं ।

तो भोयणावसाणे भणियमिणं पवणचण्डेण ॥ १९ ॥
भवण-धणं परिवारो सन्दण-तुरयाइ सान्तियं मज्झ ।

सव्वं तुज्झायत्तं विलससु हियइच्छियं कुमर ॥ २० ॥
एवं सो किर संतुट्ठ-माणसो मुक्क-कूर-ववसाओ ।

चिट्ठइ तस्सेव धरे सव्वाओ कलाओ सिक्खन्तो ॥ २१ ॥
गुरुयण-गुरु-विणय-पवन्न-माणसो सयल-जण-मणाणन्दो ।

बावत्तरिं कलाओ गेण्हइ थेवेण कालेणं ॥ २२ ॥
एवं सो कुमर-वरो नाय-कली परिसमं कुणेमाणो ।

भवणुज्जाणे चिट्ठइ अणुदियहं तप्परो धाणियं ॥ २३ ॥
उज्जाणस्स समीवे पहान-सेट्ठिस्स सान्तियं भवणं ।

वायायण-रमणियं उच्चुक्कमई च विन्थिणं ॥ २४ ॥
श. क. प. १०

तत्पत्ति सेट्टि-धूया मणोहरा मयगमञ्जरी नाम ।
 सा घर-सिरमारुता अणुदियहं पेच्छए कुमरं ॥ २५ ॥
 अह तम्मि साणुराया जगसरय-पलोदयं मृजेमाणी ।
 पिक्खिवद कुसुम-फल-पत्त-खेट्टए किं पि चिन्तन्ती ॥ २६ ॥
 हिययत्तं पि हु वालं कुमरो न निरिफत्तए फला-रसिओ ।
 आसङ्गाए गुरुणं विज्जाए गरण-खोभेणं ॥ २७ ॥
 अन्न-दिनंमि तीणं वन्मह सर-पसार-विहुरिय-मणाए ।
 गहणे कलाण सत्तो पहओ उ असोग-गुच्छेणं ॥ २८ ॥
 कुमरेण तम्मि दियहे सा वाला पलोइया य स-विसेसं ।
 कक्खेहि-पल्लवन्तरिय-तणु-लया संपमुब्भन्ता ॥ २९ ॥
 चिन्तियं च—

किं एसा अमर-विलासिणी उअ ह होज्ज नाग-कन्न ज ।
 कमल ज किं नु एसा सरस्सई किं य पच्चक्खा ॥ ३० ॥
 अहया पुच्छामि इमं कज्जेण केण चिट्ठई एत्थं ।
 इय चिन्तिऊण हियए कुमरो पयडं इमं भणइ ॥ ३१ ॥
 का सि तुमं वर-वाले ईसिं पयटेसि कीस अण्णणं ।
 विज्जा-गहणासत्तं कीस ममं सुयणु खोभेसि ॥ ३२ ॥
 सुणिउं कुमार-वयणं वियसिय-दिट्ठीए विहसिय-मुहीए ।
 पयडन्त-दन्त-किरणावलीए तीए इमं भणियं ॥ ३३ ॥
 नयर-पहाणस्स अहं धूया सेट्टिस्स बन्धुदत्तस्स ।
 नामेण मयणमञ्जरी इह चेव विवाहिया नयरे ॥ ३४ ॥
 जह्विस्ताओ दिट्ठो सुन्दर तं कुसुमचाव-सारिच्छो ।
 तद्वियहाओ मज्झं असुह-तरु वह्दिओ हियए ॥ ३५ ॥
 केण—

निहा वि हु नहा लोयणाण देहंमि वह्दिओ दाहो ।
 असणं पि नो य रुचइ गुरु-वियणा उत्तमज्झंमि ॥ ३६ ॥

ताव-धिय होइ सुहं जाव न कीरइ पिओ जणो कोवि ।
 पिय-सङ्गो जेण कओ दुक्खाण समप्पिओ अप्पा ॥३७॥
 पेरिज्जन्तो उ पुरा-कएहि कम्मेहि केहिवि वराओ ।
 सुहमिच्छन्तो दुहह-जणाणुराए जणो पडइ ॥३८॥
 ता जइ मए समाणं सङ्गं न य कुणसि तरुणि-मण-हरणं ।
 होहं तुह निय-वज्झा फुडं जओ नत्थि मे जीयं ॥३९॥
 सो निमुणिऊण वयणं तीए बालाए चिन्तए हियए ।
 मरइ फुडं चिय एसा मयण-महा-जलण-दइदङ्गी ॥४०॥
 निमुणिज्जइ पयडमिणं भारह-रामायणेसु सत्येसु ।
 जह दस कामावत्था होन्ति फुडं कामुय-जणाणं ॥४१॥
 पढमा जणेइ चिन्तं बीयाए महइ संगम-सुहं ति ।
 दीहुण्हा नीसासा हवन्ति तइयाए वत्थाए ॥४२॥
 जरयं जणइ चउत्थी पच्चम-वत्थाए उज्झइ अङ्गं ।
 न य भोयणं च रुचइ छट्ठावत्थाए कामिस्स ॥४३॥
 सत्तमियाए मुच्छा अट्ठम-वत्थाए होइ उम्माओ ।
 पाणाण य संदेहो नवमावत्थाए पत्तस्स ॥४४॥
 दसमावत्थाए गओ कामी जीवेण मुचए नूणं ।
 ता एसा मह विरहे पाणाण वि संसयं काही ॥४५॥
 परिभाविऊण हियए राय-कुमारेण भाव-कुसलेणं ।
 भणिया सिणेह-सारं सा बाला महुर-वयणेण ॥४६॥
 सुन्दरि, सुन्दर-रत्तो सुन्दर-चरियस्स विउल-कित्तिस्स ।
 नामेण अगददत्तं पढम-मुयं मं वियाणेहि ॥४७॥
 कल-यायरिय-समीवं कल-गहणत्थं समागओ एत्थ ।
 पविसिस्सं जंमि दिणे तए वि घेत्तुं गमिस्सामि ॥४८॥
 कहकहवि सा मयच्छी वम्मह-सर-पसर-सल्लिय-सरीरा ।
 एमाइ बहु-पयारं भणिऊण कया समासत्था ॥४९॥
 सो राय-मुओ तत्तो तीए गुण-रुव-रब्बिजय-मणो हु ।
 निय-निलए संपत्तो चिन्तन्तो संगमोवायं ॥५०॥

अक्षमि दिने सो राय-नन्दणो बाहियाए मग्गेण ।
 तुरयारूढो वचइ ता नयरे कलयलो जाओ ॥११॥

अवि य—

किं चलिउ व्व समुहो किं वा जलिओ हुयासणो घोरो ।
 किं पत्तं रिउ-सेवें तटि-दण्डो निवडिओ किं वा ॥१२॥
 एत्यन्तरंमि सहसा दिट्ठो कुमरेण विम्हियमणेण ।
 मय-वारणो उ मत्तो निवाडियालाण-वर-खम्भो ॥१३॥
 मिण्ठेण वि परिचत्तो मारेन्तो सोण्ड-गोयरं पत्ते ।
 सवडंमुहं चलन्तो कालो-व्व अकारणे कुद्धो ॥१४॥
 तुट्ट-पय-बन्ध-रज्जु संचुणिय-भवण-हट्ट-देवउलो ।
 खण-मेत्तेण पयण्डो सो पत्तो कुमार-पुरओ त्ति ॥१५॥
 तं तारिस-खव-धरं कुमरं दट्ठण नायर-जणेहिं ।
 गहिर-सरेणं भणिओ ओसर ओसर करि-पहाओ ॥१६॥
 कुमरेण वि निय-तुरयं परिचइऊणं सुदक्ख-गइ-गमणं ।
 हकारिओ गइन्दो इन्द-गइन्दस्स सारिच्छो ॥१७॥
 सुणिउं कुमार-मदं दन्ती पज्जरिय-मय-जल-पवाहो ।
 तुरिओ पहाविओ सो कुद्धो कालो व्व कुमरस्स ॥१८॥
 कुमरेण य पाउरणं संवेलेऊण हिट्ट-चित्तेणं ।
 धावन्त-वारणस्सा सोण्डा-पुरओ उ पक्खित्तं ॥१९॥
 कोवेण धमधमेन्तो दन्तच्छोभे य देइ सो तम्मि ।
 कुमरो वि पिट्ट-भाए पट्ठणद दट्ट-मुट्ठि-पहरेणं ॥ २० ॥
 ता ओधावइ धावइ चलइ खलइ परिणओ तहा होइ ।
 परिभमइ चक्क-भमणं रोसेणं धमधमेन्तो सो ॥ २१ ॥
 अइय महन्तं वेलं खेलावऊण तं गयं पवरं ।
 नियय-वसे काऊणं आरूढो ताव खन्धेमि ॥ २२ ॥
 अह तं गइन्द-खेड्डं मग्गेहरं सयल-नयर-लोयस्स ।
 अन्तेउर-सरिसेणं पलोइयं नरवरिन्देणं ॥ २३ ॥

दुहुं कुंमरं गय-खन्ध-संठियं सुरवइं व सो राया ।

पुच्छइ निय-भिच्च-यणं को एसो गुण-निही बालो ॥ ६४ ॥

तेएणं अहिमयरो सोमत्तणएण तह य निसिनाहो ।

सन्ध-कलागम-कुसलो वाई सूरु सुखो य ॥ ६५ ॥

एकेण तओ भाणियं कल-यायरियस्स मन्दिरे एसो ।

कल-परिसमं कुणन्तो दिट्ठो मे तत्थ नर-नाह ॥ ६६ ॥

तो सो कल-यायरिओ नरवइणा पुच्छिओ हरिसिएणं ।

को एसो वर-पुरिसो गय-वर-सिक्खाए अइकुसलो ॥ ६७ ॥

अभयं परिमगेउं कल-गायरिएण कुमर-वुत्तन्तो ।

स-वित्तेसं परिकहिओ नरवइणो बहु-जण-जुयस्स ॥ ६८ ॥

तं निमुणिऊण राया निय-हियए गरुय-तोसमावन्नो ।

संपेसइ पडिहारं कुमरं आणेहि मम पासं ॥ ६९ ॥

गय-खन्ध-परिट्ठियओ अह सो भाणिओ य दारवालेणं ।

हकारइ नर-नाहो आगच्छसु कुमर रायउलं ॥ ७० ॥

रायाएसेण तओ हत्थि खम्भंमि आगलेऊणं ।

कुमरो ससङ्क-हियओ पत्तो नर-नाह-पासंमि ॥ ७१ ॥

जाणू-करुत्तमङ्गे महीए विणिहित्तु गरुय-विणएणं ।

नाव न कुणइ पणामं अवगूढो ताव सो रत्ता ॥ ७२ ॥

तम्बोलासण-सम्माण-दाण-पूयाइ-पूइओ अहियं ।

कुमरो पत्तन्न-हियओ उवविट्ठो राय-पासंमि ॥ ७३ ॥

तओ चिन्तियं राइणा 'उत्तम-पुरिसो एसो' । जओ—

विणओ मूलं पुरिसत्तणस्स मूलं सिरीए ववसाओ ।

धम्मो सुहाण मूलं दप्पो मूलं विणासस्स ॥ ७४ ॥

अलं च—

को चित्तेइ मऊरं गइं च को कुणइ रायहंसाणं ।

को कुवल्याण गन्धं विणयं च कुल-प्पसूयाणं ॥ ७५ ॥

अवि य—

साली भरेण तोएण जलहरा फल-भरेण तरु-सिहरा ।
 विणएण य सप्पुरिसा नमन्ति न हु कस्सवि भएण ॥ ७६ ॥
 तो विणय-राजिएणं कुसल-पउत्तीओ पुच्छिओ कुमरो ।
 रत्ता कलाण गहणं स-विसेसं तह य पुढं ति ॥ ७७ ॥
 निय-गुण-गहणं पयडेइ नो य लज्जाए जाव सो ताव ।
 उज्जाएणं भाणियं पहु निउणो एस सब्बत्य ॥ ७८ ॥

परं महाराय—

निय-गरुय-पयाव-पसंसणेण लज्जन्ति जे महा-सत्ता ।
 इयरा पुण अलिय-पसंसणे वि अङ्गे न मायन्ति ॥ ७९ ॥
 एवं च तस्स रत्तो कुमार-चरियंमि खित्त-चित्तस्स ।
 ता सयलो पुर-लोओ समागओ राय-पासंमि ॥ ८० ॥
 वर-रयण-अम्बराइं सुयन्ध-कुसुमाइ-फल-सणाहाइं ।
 मुक्काइ राय-पुरओ पउरेणं परिहव-गएणं ॥ ८१ ॥
 तं पुर-जण-कोसलं नरवइणा अप्पियं कुमारस्स ।
 अह ते कय-पणिवाया विन्नतिं काउमारद्धा ॥ ८२ ॥

तं जहा—

देव इमं तुह नयरं कुवेर-पुर-विहव-अहिय-धण-निवहं ।
 कइवय-दिणाण मज्झे चोरस्स वि मन्दिरं जायं ॥ ८३ ॥
 केणावि तक्करेणं दुट्ठेणं खत्त-चार-निउणेणं ।
 मुढं नरवर नयरं एण्हं रक्खेसु किं बहुणा ॥ ८४ ॥
 कडुय-वयणेहि भणिओ रत्ता आरविखओ पुर-वरस्स ।
 रे रे पेच्छन्तस्स वि मुढं सब्बं पि तुह नयरं ॥ ८५ ॥
 अह विन्नत्तं तेणं देव अणेगाणि अम्ह दियहाणि ।
 जोयन्ताणं चोरं तह वि हु कत्थइ न सो दिट्ठो ॥ ८६ ॥
 एत्थन्तरंमि राया विन्नत्तो अगइदत्ता-कुमरेणं ।
 पहु देहि ममाएसं लहेमि पुर-तक्करं सिग्वं ॥ ८७ ॥

मज्जे सत्त-दिणाणं पुर-चोरं नो लहामि जइ नाह ।
 तो जलिय-जलण-जालावलीसु जालेमि निय-देहं ॥ ८८ ॥
 एयं कुमार-वयणं नरवइणा निसुणिऊण स-पइन्नं ।
 अणुमन्निऊण भणिओ सिज्जेउ समीहियं तुज्ज ॥ ८९ ॥
 अह सो गहिय-पइन्नो रायाणं पणमिउं अणुव्विमो ।
 परिमइ नयर-मज्जे जोयन्तो तक्कर-निवासे ॥ ९० ॥

अथ य—

वेसाण मन्दिरेसुं पाणागारेसु जूय-ठाणेसु ।
 कुल्लरियावणेसु य उज्जाण-निवाण-सालासु ॥ ९१ ॥
 मद-सुन्न-देउलेसुं चच्चर-चउहट्ट-हट्ट-सालासु ।
 तक्कर-भमं नियन्तो हिण्डइ एकल्लओ कुमरो ॥ ९२ ॥
 ता जा छट्टो दियहो बोलीणो नो य तक्करो दिट्ठो ।
 सत्तम-दिणंमि कुमरो गहिओ चिन्ताए स-विसेसं ॥ ९३ ॥
 किं वच्चामि विदेसं किं वा तायस्स अन्तियं जामि ।
 हरिऊण तं मयाच्छि किं वा रणंमि गच्छामि ॥ ९४ ॥
 किं तु न जुत्तं एयं निम्मल-कुल-संभवाण पुरिसाण ।
 जं किर निय-जीहाए पडिवन्नं अन्नहा होइ ॥ ९५ ॥

जेण—

छिज्जउ सीसं अह होउ बन्धणं वयउ सव्वहा लच्छी ।
 पडिवन्न-पालणे सु-पुरिसाण जं होए तं होउ ॥ ९६ ॥
 नेयं महव्वयं खलु नरट्ठि-मुद्दाए जं समुव्वहणं ।
 पण्डिवन्न-पालणं चिय महव्वयं धीर-पुरिसाणं ॥ ९७ ॥
 एवं च बहु-वियप्पे नियय-मणे भाविऊण सो कुमरो ।
 अवरण्हय-वेलाए पुरस्स बाहिमि संपत्तो ॥ ९८ ॥
 एगस्स पवर-किसलय-समूह-गुविलस्स सीय-छायस्स ।
 उज्जुङ्ग-वियड-साहाउलस्स सहयार-स्सत्तस्स ॥ ९९ ॥
 उवविट्ठो चिट्ठइ हेट्ठयंमि चिन्तामरेण सुट्ठियट्ठो ।
 जोयन्तो दिसि-चकं विज्जा-भट्ठो व्व-खयरिन्दो ॥ १०० ॥

- एत्यन्तरमि एगो सहमा परिवायगो समणुप्पत्तो ।
 ॥ कप-पाउ-वत्थ-वेसो मुण्डिय-सिर-कुच्च-सच्चूलो ॥ १०१ ॥
 दण्ड-तिय-कुण्डी-चमर-संगभो तह गणोत्तिया-हत्थो ।
 किं किंपि मुणमुणिन्तो संपत्तो कुमर-पुरओ त्ति ॥ १०२ ॥
 करि-सोण्डा भुय-दण्डो विसाल-वच्छत्थलो फेरुस-केसो ।
 नय-नोन्वणो रउदो रत्तच्छे दीह-जदो य ॥ १०३ ॥
 निज्झाइऊण अह सो सासङ्को चिन्तए मणे कुमरो ।
 एवंविह-रूवेण हविज्ज एसो फुटं चोरो ॥ १०४ ॥
 एत्यन्तरमि नेणं भाणियो कुमरो पिएहि वयणेहिं ।
 कत्तो सि तुमं सु-पुरिस केण व कज्जेण चिट्ठेसि ॥ १०५ ॥
 नाऊण तस्स भावं भाणियं कुमरेण बुद्धि-निउणेणं ।
 दालिहेणफन्तो भमामि नयरीए सुलमणो ॥ १०६ ॥
 मा-सोयसु पुत्त तुमं अज्जं छिन्दामि तुज्झ दालिहं ।
 देमि समीहिय-दब्बं भाणियं परिवायणेणं ति ॥ १०७ ॥
 कुमरेणं संलत्तं तुम्हाणं चेव पय-पसाएणं ।
 नासइ मह दालिहं संपज्जइ ईहियं कज्जं ॥ १०८ ॥
 एवं जंपन्ताणं नयण-पहं वज्जिऊण दिवसयरो ।
 अइंसणमावन्नो दोस-भएणं व सप्पुरिसो ॥ १०९ ॥
 संमुज्जोयंमि गए पयडो-हूयंमि रयणि-तम-नियरे ।
 कट्ठेउं कोसाओ करवालं दारुणागारं ॥ ११० ॥
 तुरिय-गई संचलिओ सो कुमरं भणइ एहि मह पिढं ।
 जेण समीहिय-कज्जं सव्वं कारेमि किं बाहुणा ॥ १११ ॥
 ताव य दोत्ति वि सिग्वं संपत्ता नयरि-मज्झयारम्मि ।
 परिभमिऊणं चोवं उवविट्ठा एग-देसंमि ॥ ११२ ॥
 परिवायणेण ताव य ईसर-वणियस्स मन्दिरे तुज्जे ।
 सुह-भेय-भित्ति-भाए खत्तं आलेहियं तेण ॥ ११३ ॥

जाए वि भित्ति-सन्धे खणियं खत्तं सुतिकख-सत्थेण ।

सिरिवच्छ-सच्छहं सुप्पवेस-निग्गमण-मगूढं ॥ ११४ ॥

निज्झाइऊण सुइरं निहुय-पयं पविसिऊण सो धुत्तो ।

कवूइ महग्व-भण्डं पभूय-पेडाओ तत्थेव ॥ ११५ ॥

ठविउं कुमरं आणिय देवउलाओ दरिदिए पुरिसे ।

ते गेण्हाविय ताओ नयराओ निग्गया क्षत्ति ॥ ११६ ॥

तओ कुमरेण चिन्तियं—

आयड्डिऊण खग्गं छलेण पहणामि किं इहं दुट्ठं ।

अहव न जुत्तं अम्हं छल-घाओ कुल-पसूयाणं ॥ ११७ ॥

एय-निवासं गन्तुं दब्बं पेच्छामि केत्तियं हरियं ।

कस्स कए अणवरयं मुसइ इमं नयरि-जण-निवहं ॥ ११८ ॥

एवं ते दोन्नि वि गहिय-मोसया पुर-वराओ निक्खन्ता ।

गुरु-भारेण किलन्ता नयरूज्जाणंमि संपत्ता ॥ ११९ ॥

परिवायणेण भणिओ कुमरो छल-घाय-मारण-निमित्तं ।

सु-पुरिस गरूया रयणी अच्छामो एत्थ उज्जाणे ॥ १२० ॥

पडिवन्ने कुमरेणं तत्थुज्जाणंमि ते समासीणा ।

फिल निहं सेवेमो चिन्तेणं दो वि सासङ्का ॥ १२१ ॥

खण-मेत्तेणं दोन्नि वि दाहिण-वामेसु वच्छ-मूलस्स ।

अत्तोन्न-घाय-निरया अलीय-निदा-पसुत्ता त्ति ॥ १२२ ॥

ते बाहित्तिय-पुरिसा सुत्ता वीसत्थ-माणसा सव्वे ।

कुमरो वि सत्थराओ उट्ठेत्ता सणियमवकन्तो ॥ १२३ ॥

काउं करंमि खम्मं अन्नस्स महा-तरुस्स मूलंमि ।

पेच्छन्तो सांचिइह अपमत्तो तस्स चरियाइं ॥ १२४ ॥

सुत्त त्ति मुणेऊणं तेणं विणिवाइया उ ते पुरिसा ।

सयणे तमपेच्छन्तो जा जोवइ तत्थ सो कुमरं ॥ १२५ ॥

ता हक्किऊण दुट्ठं कुमरो आयड्डिऊण करवालं ।

जह्मासणं मय-रहिओ भीम-वल-नुत्तो ॥ १२६ ॥

एगेण पहारेणं पडियं जङ्घाण जुयलयं तस्स ।
 चक्काहओ ज्व रुक्खो निवाडिओ शात्ति धरणीए ॥ १२७ ॥
 गन्तुं असमत्थेणं जीविय-सेसेण तेण सो भणिओ ।
 आसि अहं सु-पसिद्धो नामेण भुयंगमो चोरो ॥ १२८ ॥
 तह अत्थि इह मत्ताणे गेहं भूमीए मज्झयारंमि ।
 तत्पत्थि मज्झ मइणी वीरमई नाम जुवइ त्ति ॥ १२९ ॥
 वड-पायवस्स मूले गन्तूणं कुणसु तीए वाहरणं ।
 जेणं भूमि-घरस्सा दारं उग्वाडए वुरियं ॥ १३० ॥
 तं परिणिऊण सुन्दर गेण्हसु सज्जं पि दविण-जायं ति ।
 चिट्ठसु तत्थ सुहेणं अहवा वसिमंमि गच्छेसु ॥ १३१ ॥
 एवं जंपन्तो सो कुमरेणात्तासिओ सणं एक्कं ।
 गहिऊण तस्स स्वगं पत्तो ता पेय-भूमीए ॥ १३२ ॥
 गन्तूण कओ सद्धो वडस्स मूलंमि तीए जुवईए ।
 आगन्तूण य तीए घरस्स उग्वाडियं दारं ॥ १३३ ॥
 निज्झाइऊण सुइरं रुक्खं बालाए विम्हिओ सहसा ।
 चिन्तेइ निय-हियएणं एसा मयणस्स सज्जस्सं ॥ १३४ ॥
 पुट्ठो य तीए सुन्दर कत्तो कज्जेण केण वापाओ ।
 कहिया तेण पउत्ती तं सोउं दूमिया हियए ॥ १३५ ॥
 भाणिऊण महुर-वयणं नीओ पायाल-मन्दिरे कुमरो ।
 गुरु-गउरवेण तीए दिज्जं पवरासणं तत्थ ॥ १३६ ॥
 स-प्पणयं चिय भाणिओ अहयं एयं च विउल-घण-निवहं ।
 तुम्हायत्तं सज्जं ! सुन्दर विलसेसु सच्छन्दं ॥ १३७ ॥
 पयडेउं वास-हरं भाणिओ वीसमसु एत्थ सयणिज्जे ।
 अहयं पुण गन्तूणं आणेमि विलेक्खणं तुज्झ ॥ १३८ ॥
 एवं भाणिऊणं सा वास-हराओ विणिग्गया सहसा ।
 कुमरो वि नीइ-सत्थं चिन्तेइ अहप्पणो हियए ॥ १३९ ॥
 माया अलियं लोहो मूढत्तं साहसं असोयत्तं ।
 निस्संसया तह चिय महिलाण सहावया दोसा ॥ १४० ॥

अन्नं च

न घेप्पइं सुसिणेहिं न विज्जइं न य गुणेहिं ।
न य लज्जइं न य माणिण न य चाड्डय-सय-सहस्सेहिं ॥ १४१ ॥
न य खर-कोमल-वयणिहिं न विहवि न जोव्वणेण ।
दुग्गेज्जं मणु महिलहिं चिन्तहिं आयेरेण ॥ १४२ ॥

अओ—

जो जाइ जुवइ-वग्गे सब्भावं मयण-मोहिओ पुरिसो ।
दुत्तर-दुक्ख-समुदे निवटइ सो नत्थि संदेहो ॥ १४३ ॥
एवं च भाविऊणं सयण-तलं वज्जिऊण सो कुमरो ।
लुक्को अन्न-पएसे ठविऊणं तत्थ पडिरूवं ॥ १४४ ॥
सयणिज्जस्स य उवरिं जन्त-पओगेण जा सिला ठविया ।
सा झत्ति तीए मुक्का पडिया पलङ्क-उवरिम्मि ॥ १४५ ॥
नाऊण चुण्णियं तं पडिठ-हियया पहासई पावा ।
मह भाउयं वहन्तो किं जाणासि अत्तणो हियए ॥ १४६ ॥
सुणिऊण इमं वयणं कुमरो वि पहाविओ तयाहुत्तं ।
गहिया केस-कलावे भाणिया सा एरिसं वयणं ॥ १४७ ॥
हा पावे ! को सक्कइ मं मारेउं सुत्तुद्धि-विहवेण ।
जो जगइ पर-छड्ढिं सो निय-छड्ढिए किं सुयइ ॥ १४८ ॥
गहिऊण य तं बालं वसुमइ-भवणाओ निग्गओ कुमरो ।
रत्तो वि अइविरत्तो तीए अइकूर-चारेएहिं ॥ १४९ ॥
गन्तुं राय-समीवे रयणि-पउत्ती य साहिया तेण ।
चोरो खग्गेण हओ तस्सेसा आणिया भणिणी ॥ १५० ॥
तं चिय पायाल-हरं बीय-दिणे दंसियं नरवइस्स ।
रित्थं तं नरवइणा समप्पियं नयर-ल्लोयस्स ॥ १५१ ॥
सुट्ठेणं नरवइणा दिन्ना कुमरस्स नियय-धूय त्ति ।
नामेण कमलसेणा कमला इव सयल-जण-दइया ॥ १५२ ॥
वर-नामाण सहस्सं सयं गइन्दाण विउल-भण्डारं ।
पाइक्काणं रुक्खं वुरयाणं दस-सहस्साइ ॥ १५३ ॥

एवं सो लब्ध-जसो जग-मण-नयणाण पुष्णिमा-चन्दो ।
अलियं मुणैः सत्त्वं रहिओ चिर-दिट्ठ-बालाए ॥ १५४ ॥

जओ—

ता लज्जा ता माणो ताव य परलोय-चिन्तणे बुद्धी ।
जा न विवेय-जिय-हरा मयणस्स सरा पहुप्पन्ति ॥ १५५ ॥
एवं मयणायत्तो सो चिट्ठइ जाव नियय-भवणम्मि ।
ता एगा वर-विलया समागया कुमर-पासंमि ॥ १५६ ॥
दिक्खासणोवविट्ठा भणिया कुमरेण केण कज्जेण ।
तं आगया सि सुन्दरि, साहसु निययं अभिप्पायं ॥ १५७ ॥
भणियं तीए निसुणसु अवहिय-हियओ कुमार होऊणं ।
अहयं तुम्ह समीवे पट्ठविआ मयणमज्जरिए ॥ १५८ ॥
एयं तुह संदिट्ठं सुन्दर ! गुरु-विरह-जलण-तविवाए ।
जा गच्छइ न य जीयं ता सिच्चसु संगम-जलेणं ॥ १५९ ॥
अन्नं च निसुणिऊणं गय-खेड्डं तकरस्स वहणं च ।
दुड्ढित्थी-परिहरणं नरवड्-पमुहेण य जणेणं ॥ १६० ॥
साहुकारं तुज्जं कारन्तं अहिय-विम्हिय-मणा सा ।
जीयं पि हु तुह दंसण-समुस्सुया घरइ किच्छेणं ॥ १६१ ॥
सुणिऊण तीए वयणं दाउं हत्थ-ट्ठियं च तम्बोलं ।
भणिया सा-हू इत्थी सिणेह-सारेहि वयणेहिं ॥ १६२ ॥
कुसले ! पभणसु गन्तुं मा होहि समुस्सुया-दिणे कइवि ।
पत्थावं लहिऊणं सत्त्वं सत्थं करिस्सामि ॥ १६३ ॥
अन्नं मि दिणे सहसा करहालुढा समागया पुरिसा ।
भवणंमि पविसमाणा दिट्ठा कुमरेण हिट्ठ-मणा ॥ १६४ ॥
आलिङ्गितं स-हरितं अम्मा-पियरस्स कुसल-पडिउत्ती ।
स-सिणेहं परिपुट्ठा पमुक्क-धण-अंसु-निवहेण ॥ १६५ ॥
तो तेहि इमं भणियं अम्मा-पियरस्स कुमार ! कुसलं ति ।
तह वि हु तुह विरह-महा-गहेण गहियाइ चिट्ठन्ति ॥ १६६ ॥

कदवय-दिणाण मज्जे जइ गन्तूणं न दंसणं कुणासि ।
 तो कुमर ! निच्छएणं विमुक्क-जीयाण वच्चिहिसि ॥ १६७ ॥
 एवं निसामिऊणं सज्जावेऊण नियय-खन्धारं ।
 पत्तो राय-समीवे जंपइ सो एरिसं वयणं ॥ १६८ ॥
 तायस्स समीवाओ उस्सुय-करहीरुहा दुवे पुरिसा ।
 पहु मज्झ आणणत्थं समागया कहसु जं जोमं ॥ १६९ ॥
 नरवइणा तो भणियं वच्चसु तं कुमर ! ताय-पासंमि ।
 निय-परिवार-समेओ गन्तूण पुणो नियत्तेसु ॥ १७० ॥
 दाऊण अलंकारं सम्माणेऊण महुर-वयणेहिं ।
 निय-धूयाए समेओ नरवइणा पेसिओ कुमरो ॥ १७१ ॥
 काऊणं संजत्ति दावावेउं पयाणणं सिबिरं ।
 एग-रहेणं कुमरो सयं ठिओ नयर-मज्झंमि ॥ १७२ ॥
 जामिणि-पदमे पहरे दूईए संगमीए पासंमि ।
 कुमरेण नियय-पुरिसो पट्टविओ जाणणट्ठाए ॥ १७३ ॥
 गन्तूण तेण भणियं सिबिरं अम्हाण पविसियं मग्गे ।
 एगागी राय-सुओ चिट्ठइ तुम्हाण कज्जेण ॥ १७४ ॥
 ता सुन्दरि ! गन्तूणं आणसु लहु मयणमज्जरिं एत्थ ।
 जेण समीहिय-कज्जे संपज्जइ अज्ज तुम्हाणं ॥ १७५ ॥
 सुणिऊण तस्स वयणं गन्तूणं संगमी वुरिय-वुरियं ।
 निय-सामिणीए साहइ जं भणियं कुमर-पुरिसेण ॥ १७६ ॥
 आयाणिऊण सहसा रहस-समुच्छलिय-वहल-रोमञ्चा ।
 संचल्लिया खणेणं सु-सहि-सहाया निय-घराओ ॥ १७७ ॥
 पत्ता कुमर-समीवं आरुद्धा मयणमज्जरी जाणे ।
 आरुहसु सुयणु ! सिग्गं इय भणिया राय-तणएणं ॥ १७८ ॥
 अह चौइऊण तुरए रज्जुं गहिऊण वाम-हत्थेणं ।
 नीहरिउं नयरीए संपत्तो नियय-कडयंमि ॥ १७९ ॥
 वुरियं पयाण-दक्का दवाविया तेण पत्त-मेत्तेणं ।
 काऊण सु-संजत्ति चालियं सेलं समत्थं पि ॥ १८० ॥

अणवरय-पयाणैहि विसयं लहेवि भुवणं-पालस्त ।
 पत्तो महा-अरण्णे सावय-तरु-संकुले भीमे ॥ १८१ ॥
 अइविसम-महा-दुम-संकुलंमि ममांमि वच्चमाणास्त ।
 सन्व-जणाणंदयरो पाउस्त-काढो समणुपत्तो ॥ १८२ ॥
 तम्मि य मणहर काले वघइ कुमरो षणस्त जामज्जे ।
 सहस त्ति भिल्ल-सामी ता पढिओ तस्स सिन्निरंमि ॥ १८३ ॥
 तस्स बलेण बल-दप्पिएण सहसा कुमार-खन्धारं ।
 पक्खेण व षण-वन्दं पक्खित्तं चउसु वि दित्तासु ॥ १८४ ॥
 एयेण सन्दणेणं सहिओ निय-पणइणीए राय-मुओ ।
 रण-मज्जे सो थको हरि ज मायङ्ग-जुयस्त ॥ १८५ ॥
 ता बाणावलि-पहयं भमां भिल्लाण तं बलं सयलं ।
 अन्नन्न-दिसि-पलाणं गन्धगयस्सेव करि-जहं ॥ १८६ ॥
 तं पुण पलायमाणं भिल्लवई पोच्छिऊण निय-सेजं ।
 निहुरमकोसन्तो सहसा सवडंमुहो चलिओ ॥ १८७ ॥
 अणवरयं ते दोन्नि वि अन्नोन्नं पक्खित्तन्ति सर-निवहे ।
 एको वि न वि छलिज्जइ निउणत्तणओ घणुव्वेए ॥ १८८ ॥

ओ चिन्तियं कुमारेण—

बुद्धीए पवघेण य छलेण तह मन्त-तन्त-जोएणं ।
 पहणिज्जइ पडिवक्खो जस्स न नीईए सकेज्ज ॥ १८९ ॥
 ता एसो भिल्ल-वई घणु-गुण-सत्थेसु लद्ध-माहण्यो ।
 न य सको पहणेउं तेण उवायं विचिन्तेमि ॥ १९० ॥
 एवं च चिन्तिऊणं भणिया कुमारेण सा निवा मज्जा ।
 कुणसु पिए सिद्धारं उवविससु रहस्स तुण्डंमि ॥ १९१ ॥
 उवविट्ठाए तीए दट्ठणं रुव-संपयं पवरं ।
 दिट्ठिं तस्स निवैसइ पहओ मयणस्स बाणेहिं ॥ १९२ ॥
 नीलुप्पल-पत्त-सरिच्छएण आरा-मुहेण बाणेणं ।
 वच्चत्थलम्मि सहसा ता पइओ राय-तणएणं ॥ १९३ ॥

मम्म-पएसम्मि हओ पडिओ मूमिए भिछ-नरनाहो ।

ईसिं वियसिय-नयणो जंपई सो एरिसं वयणं ॥ १९४ ॥

अवि य—

नाहं तुह सर-पहओ पहओ कुसुमाउहस्स बाणेण ।

अहवा किमेत्थ चोज्जं मयणेणं को वि नहु छलिओ ॥ १९५ ॥

एवं पयंपिऊणं कालगओ भिछ-सामिओ ज्ञात्ति ।

एत्यन्तरंमि कुमरो निय-परिवारं पलोएइ ॥ १९६ ॥

जाव न रहे न तुरए सेवय-पुरिसे य नो य वर-सुहडे ।

एग-रहेणं कुमरो संचलिओ निय-पुराहुत्तं ॥ १९७ ॥

कहकहवि तं अरण्णं सो कुमरो लद्धिऊण भय-रहिओ ।

गोउलमेगं पत्तो गावी-निवहेण रमणीयं ॥ १९८ ॥

एत्यन्तरंमि कुमरं दट्ठणं गोउलाओ दो पुरिसा ।

पत्ता कुमर-समीवं भणन्ति महुरेहि वयणेहिं ॥ १९९ ॥

कत्तो सि तुमं नर-वर ! कत्थ वि वच्चाहिसि कहसु अम्हाणं ।

सङ्खउरे वच्चाओ भणिया ते राय-तणएणं ॥ २०० ॥

तो तेहि पुणो भणियं सुपुरिस ! अम्हे वि तुज्ज सत्थेणं ।

सङ्खउरे वच्चाओ जइ सुपसाओ तुमं होसि ॥ २०१ ॥

एवं ति होउ पडिवज्जिऊण जोएइ ना रहे तुरए ।

ता सत्थिहय-पुरिसा भणन्ति एयारिसं वयणं ॥ २०२ ॥

एएणं मग्गेणं अत्थि महन्तं अईव कन्तारं ।

तस्स य मज्जे चिट्ठइ चोरो दुज्जोहणो चण्हो ॥ २०३ ॥

मय-भत्तो गल-गर्जिन कुणमाणो करि-वरो य अइविसमो ।

दिट्ठी-विसो य सप्पो वग्गो तह दासुणो अत्थि ॥ २०४ ॥

अन्ने वि सावय-गणा कूरा भंसासिणो य दुप्पेच्छा ।

एवं नाऊण मणे वच्चमु एएण मग्गेण ॥ २०५ ॥

कुमरेण तओ भणिआ मा कुणह भयं पयत्तह पहंमि ।

कुसुमउरे संरत्ता देमि किं बहुणा ॥ २०६ ॥

एवं निसामिऊणं अन्ने सत्थिहया नरा बहवे ।
 राय-तणएण समयं संचलिया मुक्क-भय-पसरा ॥ २०७ ॥
 एत्थन्तरंमि एगो दीह-नडा-भउड-भूसिय-सरीरो ।
 भसमुद्धलिय-गतो तिसूल-चोक्केण य सणाहो ॥ २०८ ॥
 पडिवारय-परियरिओ पत्थिय-लिङ्गेण वावड-करगो ।
 तेयंसी सुपसत्थो महवडओ तत्थ संपत्तो ॥ २०९ ॥
 तेण य भणिओ कुमरो तुम्ह सुसत्थेण पुत्तय अहं पि ।
 सङ्खउरे वच्चामि तित्थाणं दंसण-निमित्तं ॥ २१० ॥
 अन्नं च मह-समीवे कइ वि हु चिट्ठान्ति पुत्त दीणारा ।
 बलि-पूयणत्थ-दिन्ना देवाणं धम्मिय-नरेहिं ॥ २११ ॥
 से गेण्हेसु महायस ! वच्चामो जेण निब्भया अम्हे ।
 एवं बहु भणिऊणं समाप्पिओ दविण-निउलो त्ति ॥ २१२ ॥
 ताहे सो परिउट्ठो आसीसं देइ नरवड-सुयस्स ।
 सत्थिहएहि सार्द्धं संचलिओ कवड-कय-वेसो ॥ २१३ ॥
 मुणिउं तस्स स-रूवं कुमरो चिन्तेइ हियय-मज्झंमि ।
 एएण समं गमणं न सुन्दरं होइ परिणामे ॥ २१४ ॥
 एवं हियए परिभाविऊण कुमरेण चोइया तुरया ।
 मग्गे रहो पयट्ठो संपत्तो गहण-देसंमि ॥ २१५ ॥
 तेण महव्वइएणं भाणिया सत्थिहया इमं वयमं ।
 अज्ज अहं तुम्हाणं पाहुणयं सज्जहा काहं ॥ २१६ ॥
 अत्थि इहरण-मज्झे गोउलमेगं पभुय-धण-निवहं ।
 तत्थि मए वरिसालो आवन्तेणं कओ आसि ॥ २१७ ॥
 तम्मि मए गोउलिया सज्जे आवाज्जिया निय-गुणेहिं ।
 दाहिं ति अज्ज भोज्जं ता तुम्हे पाहुणा मज्झ ॥ २१८ ॥
 एवं निमन्तिऊण गन्तूण समागओ महावडओ ।
 पायस-धय-दाहियाणं भरिऊणं मण्डए गरुए ॥ २१९ ॥
 आगन्तूण य तेणं भाणिओ कुमरो विमहुर वयणेहिं ।
 पत्तय अज्जम्हाणं हिय-इच्छिय-निव्वुइं कुणसु ॥ २२० ॥

कुमरेण तओ भणियं गुरु-विअणा मज्झ उत्तमङ्गमि ।
 वट्ठइ अन्नं च जईण भोयणं कप्पए नेयं ॥ २२१ ॥
 सत्थिल्लया य सव्वे भाणिया कुमरेण दिट्ठि-सन्नाए ।
 नेहु भोत्तव्वं एयं एएण समाणियं भत्तं ॥ २२२ ॥
 अवगण्णिऊण कुमरं भुत्तं तं भोयणं विस-विमिस्सं ।
 भुञ्जिय-मेत्ते सव्वे सहसा निच्चयेयणा जाया ॥ २२३ ॥
 जम-मन्दिरं पवने सव्वे ते जाणिउं महावड्ढो ।
 मेहन्तो सर-निवहं पहाविओ कुमर-वहणत्थं ॥ २२४ ॥
 कुमरेण स-कोवेणं सर-निवहं वञ्चिऊण वेएण ।
 मम्म-पएसे पहओ एगेणं अद्ध-चन्देणं ॥ २२५ ॥
 अह सो महीए पाडिओ जीविय-सेसो पयंपए एयं ।
 पुत्त अहं सो दुज्जओ चोरो दुज्जोहणो नाम ॥ २२६ ॥
 निब्भय-चित्तेण तए मह चित्तं रञ्जियं महाभाग ।
 जीविय-सेसो अहयं संवुत्तो बाण-घाएण ॥ २२७ ॥
 आयण्णासु मह वयणं एयस्स गिरिस्स वामपासंमि ।
 सारियाण दोण्ह मज्झे देवउलं अत्थि रमणीयं ॥ २२८ ॥
 तस्स य पच्छिम-भाए तलिण-सिला चज्जिया सुजत्तेणं ।
 तं पेळिऊण वामे भूमि-धरं तत्थ पविस्सेसु ॥ २२९ ॥
 तस्सत्थि मज्झ भाए मम महिला पवर-रूव-गुण-कलिया ।
 नव-जोव्वणा विणीया नामेणं जयसिरी सरला ॥ २३० ॥
 रित्थिं अइव महन्तं चिट्ठइ मज्झम्मि तस्स भवणस्स ।
 ता तं सव्वं सु-पुरिस अप्पायत्तं करेज्जामु ॥ २३१ ॥
 मह पुण वट्ठइ अन्तो गयंमि जीवंमि देसु कट्ठाणि ।
 एवं सो भणमाणो पञ्चत्तं पाविओ सहसा ॥ २३२ ॥
 दारु-समूहे मेलिय दिन्नो कुमरेण हुयवहो तस्स ।
 आरुहियं पवर-रहं ताव गओ कहिय-देसंमि ॥ २३३ ॥
 दो सरियाणं मज्झे देवउले जोइया सिला तेणं ।
 उग्घाडिऊण दारं कओ य सद्दो जहा भाणिओ ॥ २३४ ॥

एवं निसामिऊणं अन्ने सत्थिल्लया नरा बहवे ।
 राय-तणएण समयं संचलिया मुक्क-भय-पसरा ॥ २०७ ॥
 एत्थन्तरंमि एगो दीह-नडा-मउड-भूसिय-सरीरो ।
 भसमुद्धलिय-गतो तिसूल-चोक्केण य सणाहो ॥ २०८ ॥
 पडियारय-परियरिओ पत्थिय-लिङ्गेण वावड-करन्तो ।
 तेयंसी मुपसत्थो महवडओ तत्थ संपत्तो ॥ २०९ ॥
 तेण य भणिओ कुमरो तुम्ह मुसत्थेण पुत्तय अहं पि ।
 सङ्खउरे वच्चामि तित्थाणं दंसण-निमित्तं ॥ २१० ॥
 अन्नं च मह-समीवे कइ वि हु चिट्ठन्ति पुत्त दीणारा ।
 बलि-पूयणत्थ-दिन्ना देवाणं धम्मिय-नरोहिं ॥ २११ ॥
 ते गेण्हेसु महायस ! वच्चामो जेण निब्भया अम्हे ।
 एवं बहु भणिऊणं समप्पिओ दावेण-निउलो त्ति ॥ २१२ ॥
 ताहे सो परिउट्ठो आसीसं देइ नरवड-सुयस्स ।
 सत्थिल्लएहि सार्द्धं संचलिओ कवड-कय-वेसो ॥ २१३ ॥
 मुणिउं तस्स स-रूवं कुमरो चिन्तेइ हियय-मज्झंमि ।
 एएण समं गमणं न सुन्दरं होइ परिणामे ॥ २१४ ॥
 एवं हियए परिभाविऊण कुमरेण चोइया तुरया ।
 मग्गो रहो पयट्ठो संपत्तो गहण-देसंमि ॥ २१५ ॥
 तेण महवडएणं भाणिया सत्थिल्लया इमं वयणं ।
 अज्ज अहं तुम्हाणं पाहुणयं सज्जहा काहं ॥ २१६ ॥
 अत्थि इहरण्ण-मज्झे गोउलमेगं पभूय-धण-निवहं ।
 तत्थि मए वरिसालो आवन्तेणं कओ आसि ॥ २१७ ॥
 तम्मि मए गोउलिया सज्जे आवाज्जिया निय-गुणेहिं ।
 दाहिं ति अज्ज भोज्जं ता तुम्हे पाहुणा मज्झ ॥ २१८ ॥
 एवं निमन्तिऊण गन्तूण समागओ महावडओ ।
 पायस-धय-दहियाणं भरिऊणं भण्डए गरुए ॥ २१९ ॥
 आगन्तूण य तेणं भाणिओ कुमरो विमहुर वयणेहि ।
 पत्तय अज्जम्हाणं हिय-इच्छिय-निञ्चुइं कुणसु ॥ २२० ॥

कुमरेण तओ भणियं गुरु-विअणा मज्झ उत्तमङ्गमि ।
 वट्ठइ अन्नं च जईण भोयणं कप्पए नेयं ॥ २२१ ॥
 सत्थिहया य सव्वे भाणिया कुमरेण दिट्ठि-सत्ताए ।
 नहु भोत्तव्वं एयं एएण समाणियं भत्तं ॥ २२२ ॥
 अवगण्णिऊण कुमरं भुत्तं तं भोयणं विस-विमिस्सं ।
 भुज्जिय-मेत्ते सव्वे सहसा निच्चेयणा जाया ॥ २२३ ॥
 जम-मन्दिरं पवन्ने सव्वे ते जाणिउं महावइओ ।
 मेहन्तो सर-निवहं पहाविओ कुमर-वहणत्थं ॥ २२४ ॥
 कुमरेण स-कोवेणं सर-निवहं वच्चिऊण वेएण ।
 मम्म-पएसे पहओ एगेणं अद्ध-चन्देणं ॥ २२५ ॥
 अह सो महीए पडिओ जीविय-सेसो पयंपए एयं ।
 पुत्त अहं सो दुज्जओ चोरो दुज्जोहणो नाम ॥ २२६ ॥
 निब्भय-चित्तेण तए मह चित्तं रज्जियं महाभाग ।
 जीविय-सेसो अहयं संवुत्तो बाण-घाएण ॥ २२७ ॥
 आयण्णसु मह वयणं एयस्स गिरिस्स वामपासंमि ।
 सरियाण दोण्ह मज्जे देवउलं अत्थि रमणीयं ॥ २२८ ॥
 तस्स य पच्छिम-भाए तलिण-सिला चज्जिया सुजत्तेणं ।
 तं पेह्णिऊण वामे भूमि-घरं तत्थ पविसेसु ॥ २२९ ॥
 तस्सत्थि मज्झ भाए मम महिला पवर-ख्व-गुण-कलिया ।
 नव-जोव्वणा विणीया नामेणं जयासिरी सरला ॥ २३० ॥
 रित्थं अइव महन्तं निट्ठइ मज्जम्मि तस्स भवणस्स ।
 ता तं सव्वं सु-पुरिस्स अप्पायत्तं करेज्जामु ॥ २३१ ॥
 मह पुण वट्ठइ अन्तो गयंमि जीवंमि देसु कट्ठाणि ।
 एवं सो भणमाणो पद्यत्तं पाविओ सहसा ॥ २३२ ॥
 दारु-समूहे मेलिय दिन्नो कुमरेण हुयवहो तस्स ।
 आरुहियं पवर-रहं ताव गओ कहिय-देसंमि ॥ २३३ ॥
 दो सरियाणं मज्जे देवउले जोइया सिला तेणं ।
 पडिऊण दारं कओ य सहो नहा भाणिओ ॥ २३४ ॥

भणइ तओ सा रमणी सहसा गन्तूण दार-देसंमि ।
 कोइल-महुर-सरेणं मज्जे आगच्छ भयणस्स ॥ २३५ ॥
 पेच्छवि तीए रूवं साणन्दं जा पलोअए कुमरो ।
 मयणमञ्जरीए ताव य अवहत्थेणं हओ सहसा ॥ २३६ ॥

भाणियं च—

बन्धु-पिया-साहियाओ नयरं गेहं च तुज्झ कज्जेणं ।
 चत्तं मए अलज्जिर तुमं पि अन्नं पसत्तो सि ॥ २३७ ॥
 निनुणे वि तीए वयणं कुमरो पज्जेवि तं वणं सहसा ।
 सन्दण-वरमारुहिउं संचलिओ अगओ ताहे ॥ २३८ ॥
 लद्धइ जाव मुहेणं वण-गहणं केत्तियं पि मीसणयं ।
 सहस ति ताव पेच्छइ नासन्तं सवर-संचायं ॥ २३९ ॥
 अह पेच्छिउण कुमरो भय-तसिए वणयराण संचाए ।
 चिन्तइ निय-चित्तेणं होयज्जं एत्थ मय-करिणा ॥ २४० ॥
 सासङ्को हियएणं जाव पलोएइ तदिसा-हुत्तं ।
 ससि-सह-कुन्द-धवलं ता पेच्छइ करि-वरं एकं ॥ २४१ ॥
 पज्जारिय-मय-पवाहं मोडिन्तं तरु-वरे महा-काए ।
 मयमञ्जरी सणेणं उज्जिमा हियय-मज्झंमि ॥ २४२ ॥
 कुमरेण तओ भाणियं मा बीहसु मुद्धि रण्ण-कलहाओ ।
 गरुयाण संपया आवया य न हु इयर-पुरिसाणं ॥ २४३ ॥
 एवं भाणिउण पियं अवयरिओ रह-वराओ सो वुरियं ।
 गन्तूण उत्तरीयं पक्खित्तं शक्ति पुरओ ति ॥ २४४ ॥
 ताव य सो मायझो छोहं जा देइ उत्तरिज्जंमि ।
 ता कुमरो वि सु-दक्खो झट ति आरुइइ खन्धम्मि ॥ २४५ ॥
 खण-मेत्तेणं सो मत्त-करिवरो णेग-वणयर-कयन्तो ।
 स-वसो कुमरेण कओ अहि ज्व माणिमन्त-जोएण ॥ २४६ ॥
 निय-दइयाए पुरओ अवइण्णो गय-वरस्स खन्धाओ ।
 पुणरवि रहंमि रूढो संचत्तिओ निय-पुरा-हुत्तं ॥ २४७ ॥

जा केत्तियं पणसं कुमरो लङ्गेइ निय-पिया-सहिओ ।
 ता पेच्छइ सो वग्गं अद्धाण-तडंमि उवविडं ॥ २४८ ॥
 उद्धसिय-केसर-सदं अप्फालिय-वसुह-दीह-लङ्गलं ।
 तं पेच्छिऊण कुमरो हसिऊणं घाविओ समुहो ॥ २४९ ॥
 सजेउं रोद्-कमं वग्गो जा देइ निय-कर-पहारं ।
 वेदिय-वत्थो हत्थो छूढो कुमरेण वयणंमि ॥ २५० ॥
 दाहिण-हत्थेण पुणो पहओ असि-घेणुयाए खन्धंमि ।
 गाद-पहारेण हओ धस त्ति महिमण्डले पडिओ ॥ २५१ ॥
 निज्जिणिऊण य वग्गं जाव य लङ्गेइ थोवयं गहणं ।
 पेच्छइ ताव भुयङ्गं अद्धाणे संठियं कुमरो ॥ २५२ ॥

केरिसं—

अलि-उल-कज्जल-वण्णं फणि-माणि-किरणोह-भासुर-सरीरं ।
 दो-जीहं रतच्छं धमणी-धय-मुक्क-पुकारं ॥ २५३ ॥
 तवडंमुहं उवेन्तं दट्ठणं मयणमञ्जरी सप्पं ।
 गुरु-भय-कम्पिय-देहा लगा कुमरस्स कण्ठंमि ॥ २५४ ॥
 मा बीहेसु भणन्तो उत्तिण्णो सन्दणाओ सो मुहडो ।
 आवन्तस्स य फणिणो सहसा विहिओ गर्ह-थम्भो ॥ २५५ ॥
 तो काऊं मुह-थम्भं खेहोनेऊण छडिडओ भुयगो ।
 आरुहिऊण रह-वरं तुरियं संजोइया तुरगा ॥ २५६ ॥
 किच्छेण लङ्घिऊणं गहणं तं कहवि नरय-सारिच्छं ।
 संपत्तो सङ्खउरे संतोसिय-नयरि-जण-निषहो ॥ २५७ ॥
 वरविहिय-वत्थ-सोहाउळंमि नयरंमि सुन्दर-निवस्स ।
 जण-मण-नयणाणन्दो दाणं दिन्तो पविट्ठो सो ॥ २५८ ॥
 निय-मन्दिरं पि पत्तो जणणी-जणण्ण गरय-नेहेणं ।
 आलिङ्गिओ स-हरिसं छोण्णं पणमिओ ताहे ॥ २५९ ॥
 तो भोयणावसाणे पुडो देसन्तराण वुत्तन्तं ।
 तेण सममं काहियं जा पत्तो नियय-भुत्तांमि ॥ २६० ॥

एवं ताणं सुह-संगमेण संजाय-परम-तोसाणं ।
 वच्चइ सुहेण कालो रज्ज-सुहं भुज्जमाणाणं ॥ २६१ ॥
 अह अन्नया वसन्ते कामुय-ल्लोयाण हियय-आणन्दे ।
 बहु-पउर-परियण-जुओ उज्जाणं उवगओ राया ॥ २६२ ॥
 अह सो वि तओ कुमरो सुहि-जण-परिवारिओ पिया-सहिओ ।
 पुर-नारि-पलेइय-रूव-संपओ तत्थ संपत्तो ॥ २६३ ॥
 बहु-हास-तोस-वीणा-विणोय-वर-नट्ट-गेय-कल्लेहिं ।
 कीलइ पमुइय-चित्तो मयणमञ्जरियाए सह कुमरो ॥ २६४ ॥
 अवरण्हे सज्ज-जणो रमिऊणं पुर-वरे गओ सिग्वं ।
 राया वि सयल-परिवार-संजुओ भवणमणुपत्तो ॥ २६५ ॥
 कुमरो वि विसज्जिय-सयल-परियणो जाव रह-वरं पत्तो ।
 ता सा मयणमञ्जरिया डक्का भुयङ्गेण उग्गेण ॥ २६६ ॥
 हाहा रवं कुणन्ती डक्का डक्क त्ति तह य विलवन्ती ।
 कम्पन्त-सयल-गत्ता पडिया कुमरस्स उच्छङ्गे ॥ २६७ ॥
 कुमरेण तओ भाणिया मा मा बीहेहि कुवलय-दलच्छि ।
 विसहर-विसम-प्पमवं निमेस-मेत्तेण काहामि ॥ २६८ ॥
 एवं भणमाणास्स य मुहुत्त-मेत्तेण सा पिया तस्स ।
 विसम-विस-पीडियङ्गा खणेण निच्चेयणा जाया ॥ २६९ ॥
 जीविय-मुक्क त्ति वियाणिऊण कुमरो वि मोहमावन्नो ।
 विलवइ करुण-सरेणं हाहा-कारे विमुच्चन्तो ॥ २७० ॥
 कहंकहवि हु किच्छेणं अत्ताणं संवरेवि कुमरेणं ।
 रइऊण चियं ताहे ठविया उवर्णिमि सा भज्जा ॥ २७१ ॥
 पज्जालिऊण जलणं अत्ताणं जा खिवेइ सो कुमरो ।
 सहस-त्ति ताव पत्तं गयणाओ खयर-जुयलं ति ॥ २७२ ॥
 संपत्त-मेत्तएण य भाणिओ कुमरो सु-कोमलं वयणं ।
 किमकारणेण सु-पुरिस अत्ताणं खिवसि जलणम्मि ॥ २७३ ॥
 अहयं खण-मेत्तेण वि सत्थ-सरीरं करेमि तुंह भज्जं ।
 एवं पि जंपिऊणं पहया अहिमन्तिय-जलेण ॥ २७४ ॥

निदा-खए व्व बुद्धा अत्ताणं संवरेवि पसयच्छी ।
 कयरो इमो पएसो पुच्छन्ती उट्ठिया झत्ति ॥ २७५ ॥
 तं खयराणं जुयलं उट्ठावेऊण पणइणिं तस्स ।
 जंपिय कुमरेण समं उप्पइयं गयण-मग्गंमि ॥ २७६ ॥
 कुमरो वि पिया-सहिओ रयणीए अइतमन्व-पउराए ।
 पच्चासत्ते देवय-उलंमि सहस चिय गओ त्ति ॥ २७७ ॥
 कुमरेण एत्थ समए भणिया दइया पसन्न-वयणेणं ।
 आणेमि जाव जलणं ताव तुमं चिट्ठ खणमेगं ॥ २७८ ॥
 एवं भणिऊण गओ जलणं गहिऊण पुनरवि नियत्तो ।
 ता पेच्छइ देवउले उज्जोयं मण-चमक्कारं ॥ २७९ ॥
 संपत्तेणं तेणं भणिया सासङ्क-माणसेणेवं ।
 अज्जे दीवुज्जोओ दिट्ठो मे आसि देवउले ॥ २८० ॥
 तीए वि य पडिभणियं पिय तुह हत्थ-ट्ठियस्स जलणस्स ।
 जलियस्स समुज्जोओ संकन्तो सो तुमे दिट्ठो ॥ २८१ ॥
 एत्थन्तरंमि खग्गं भज्जाए समप्पिऊण सो कुमरो ।
 महि-निहिय-जाणु-जुयलो अहोमुहो धमइ जा जलणं ॥ २८२ ॥
 ता सहस चिय तीए खग्गं हत्थाओ कोस-परिहीणं ।
 अइगरुय-निहाएणं पडियं देवउल-सिल-पट्टे ॥ २८३ ॥
 संभन्तो ता पुच्छइ निय-दइयं सो हु सरल-सवभावो ।
 किं कोस-विप्पमुक्कं खग्गं पडियं महियलंमि ॥ २८४ ॥
 तीए वि तओ भणिओ मह मण-भोहो अइव उच्छलिओ ।
 तेणं परव्वसाए करवालं नवरि पडियं त्ति ॥ २८५ ॥
 जाले वि तओ जलणं देवउले वोलिऊण सा रयणी ।
 गोसंमि नियय-भवणे गयाइ साणन्द-हिययाइं ॥ २८६ ॥
 बन्धव-सहि-सयणाणं रयाणि-पउत्ती य निव्विसेसा सा ।
 पिय-सहिएणं कहिया रहस-वसुल्लसिय-हियएणं ॥ २८७ ॥
 एवं दोण्ह वि हियय-समीहिय-विलास-सत्ताणं ।
 जालो विसय-मुहं सेवमाणाणं ॥ २८८ ॥

अह अन्नया कयाई सप्पुरिसो राय-नन्दणो कुमरो ।
 विवरिय-सिक्ख-तुरयं परिवाहइ याहियालीए ॥२८९॥
 तो तेण दुट्ठ-हरिणा उच्च-हरिउण लोय-पथकयं ।
 उवणीओ स रण्णे अइविसमे तावस-निवासे ॥२९०॥
 परिभममाणेण तओ पत्तं कुमेरेण निणहरं एक्कं ।
 चारण-समणो एगो दिट्ठो बहु-मुणि-गणाइण्णो ॥२९१॥

सो य केरिसो—

गह-नक्तत्ताणं ससहरो ज्व रयणाण कोत्थुह-मणि ज्व ।
 कप्पदुमो ज्व तरूणं देवाण सहस्सनयणो ज्व ॥२९२॥
 चन्दो ज्व सोमयाए महि ज्व खन्तीए दित्तिए मित्तो ।
 रूखेण वम्महो इव निम्मल-जडणाण-संपन्नो ॥२९३॥
 नामेण साहसगई विज्जा-वस-दिट्ठ-विस्स-ववहारो ।
 बोहेन्तो भविय-जणे निम्मल-घम्मोवएसेणं ॥२९४॥
 गन्तूणं कुमेरेणं सहसा तो पणमियं चरण-कमलं ।
 लद्धासीसो य तहा उवविट्ठो तस्स पासंमि ॥२९५॥
 लहिउण अवसरं तो भणियं कुमेरेण विणय-पत्तेणं ।
 सुहगुरु साहसु मज्झं स-कोउओ किंपि पुच्छामि ॥२९६॥
 के पहु इमे सु-पुरिसा जोव्वण-छायण-रूव-पडिहत्या ।
 वेरमा-मग्ग-पंडिया पञ्चवि इच्छन्ति वय-गहणं ॥२९७॥

तओ भणियं नाणिणा—

अत्थि इह विसय-मज्जे चमरी नामेण विसम-पट्ठि त्ति ।
 तं मुञ्जइ बलवन्तो धरणिधरो नाम भिट्ठो त्ति ॥२९८॥
 अह अन्नया कयाई हय-गय-रह-जोह-सुहड-परियरिओ
 एगो नरवड-कुमरो समागओ तस्स भूमीए ॥२९९॥
 तो तेण तस्स सित्रिरं हय-विहयं तक्खणेण काउणं ।
 आइतो संगामो बल-वडणा तेण सरिसो त्ति ॥३००॥
 भिट्ठिया महइं वेळं जाव न एगो वि तीरए छलिउं ।
 तो तेण नियय-जाया कय-सिद्धारा कया पुरओ ॥३०१॥

अगददत्त

तो तीए उवरि दिट्ठी वम्मह-हरिण पेसिया जाव ।
 छिंद लहिउण तओ कुमरेण मो हओ मम्मे ॥ ३०२ ॥
 वहिउण भिल-नाहं सो कुमरो पविमिओ पिया-सहिओ ।
 एए पुण पच्च वि तस्त भायरो आगया तुरियं ॥ ३०३ ॥
 नीय-विमुक्कं दट्ठं बाण-पहारेण भायरं जेट्ठं ।
 रहमगेणं चालिया अमरिस-वत्त-फुरफुरन्तोढा ॥ ३०४ ॥
 संहउरग्गि गएहिं दिट्ठो कुमरो कुमार-परियरिओ ।
 चिहान्ति तत्थ पच्च वि जोयन्ता मारणे छिंदं ॥ ३०५ ॥
 अह अन्न-दिणे कुमरो उज्जाणे मुक्क-सयल-परिवारो ।
 निय-जायाए समेओ दिट्ठो सो तेहि एमागी ॥ ३०६ ॥
 जा चिन्तन्ति इमं ते वहणोवायं किलिड-परिणामा ।
 सहस त्ति तस्त जाया दट्ठा दुड्डेण भुयगेणं ॥ ३०७ ॥
 गय-जीयं नाउणं अप्पाणं जा खिंवइ जलणंमि ।
 ता विज्जाहर-जुयलं पत्तं सत्थी-कया तेणं ॥ ३०८ ॥
 चइउण तमुज्जाणं पच्चासन्ने गयाइ देवउले ।
 मोत्तूण तं मयच्छिं जलणस्स तओ गओ कुमरो ॥ ३०९ ॥
 एवं पच्च वि पुरिसा लद्ध-च्छला गरुय-तोसमावत्ता ।
 वहण-करणज्जय-मणा पच्छत्ता तत्थ चिट्ठन्ति ॥ ३१० ॥
 एयाण काणिट्ठेणं चिर-गोविय-दीवओ समुमाओ ।
 पयडीकओ य सहसा सुर-मन्दिर-मज्झयारंमि ॥ ३११ ॥
 दीवुज्जोएण तओ दिट्ठो बालाए ताण लहु-भाया ।
 अइनेह-मन्निमराए पलोइओ सोम-दिट्ठीए ॥ ३१२ ॥
 ता बुत्तो सो तीए होसु तुमं सुयणु मज्झ भत्तारो ।
 जइ तं अन्नं झायसि ताहे नासेमि जीयं पि ॥ ३१३ ॥
 तेण पुणो सा भाणिया मुद्धे इछाम हं तुमं किंतु ।
 तुह भत्ता जइ जाणइ न सब्बहा अत्थि मे-जीयं ॥ ३१४ ॥

मुहय अहं निय-दइयं वावाइस्सामि तुज्झ पचयसं ।
 एवं पयंपिउणं पईयओ माप्पिओ आत्ति ॥ ३१५ ॥
 एत्थन्तरंमि कुमरो वण्हि वेत्तुण आत्ति संपत्तो ।
 संपत्तेण भाणियं उज्जोओ इह मए दिट्ठो ॥ ३१६ ॥
 तीए तओ भाणियमिणं तुह-कर-गहियस्स जल्लिय-जल्लणस्स ।
 देवउले संरुन्तो पिय उज्जोओ तए दिट्ठो ॥ ३१७ ॥
 खमां ममाप्पिउणं ना सो दीवेइ हुयवहं कमरो ।
 ता कट्ठिय-करवालं गीवाए मुच्चए पहरं ॥ ३१८ ॥
 एएण करुण-भइणा अवहत्थेउण पाडियं रत्तमं ।
 सिद्धं सहोयराणं चरियं इत्थीए सु-विनित्तं ॥ ३१९ ॥
 नाऊण तयं तीए विलसियमइदारुणं निरावेकसं ।
 येरग्ग-समावत्ता समागया मह समीवंमि ॥ ३२० ॥
 आयाण्णिय निय-चरियं संभन्तो माणसंमि सो कुमरो ।
 परिभावइ पेच्छ अहो महिलाणं दारुणं चरियं ॥ ३२१ ॥
 ता सच्चमेयं—

गहाए वालुयं सायरे जलं हिमवओ य परिमाणं ।
 जाणन्ति बुद्धिमन्ता महिला-हिययं न याणन्ति ॥ ३२२ ॥
 तथा—

रोवन्ति रुवायन्ति य आलियं जंपन्ति पत्तियावेन्ति ।
 कवडेण य रान्ति विसं मरान्ति न य जन्ति सम्भावं ॥ ३२३ ॥
 महिला हु रत्त-मेत्ता उच्छू-खण्डं व सक्करा चेव ।
 सच्चिय विरत्त-मेत्ता निम्बं कूरं विसेसेइ ॥ ३२४ ॥
 अणुरज्जन्ति खणेणं जुवइओ खणेण पुण विरज्जन्ति ।
 अन्नन्न-राय-निरया हलिइ-रागो छ चल-पेम्मा ॥ ३२५ ॥
 हिययंमि निट्ठुराओ तणु-जम्पिय-पेहिएहि रम्माओ ।

जुवईओ सरिच्छाओ सुव
ता अहो मे अहमत्तणं जमेय-कार
अयसो । अह वा--

ताव फुरइ वेरगु वित्ति कुल लज्ज वि ताव
ताव अकज्जह तणिय सङ्क गुरु यण-भउ ताव
ताविन्दियह वसाइ जसह सिरिहायइ तावहिं ।
रमाणिहि मणु-मोहणिहि पुरिसु वमि होइ न जावहिं ॥ ३ ॥
ता धिरत्थु संसारस्स नत्थि एत्थ किंपि सुहकारणं । भाणियं च-
खण-दिट्ठ-नट्ठ-विहवे खण-परियट्ठन्त-विविह-सुह-दुक्खे ।
खण-संजोय-विओए संसारे रे सुहं कत्तो ॥ ३०८ ॥
एवमाइ भावेन्तो सवंगेमुक्खओ, निवाडिऊण य भयवओ चलणे
भाणियं 'भयवं, मम सन्तियं चरिममेयं । अहं एएसिं भाइ-घाय
उच्चिगो य अहं संसार-वासाओ । ता करेह वय-पयाणेणाणुगहं
दिक्खिओ भयवया । जाओ दुरणुचर-सामण-परिपालणुज्जओ ति



